


ISSN 0134-4323



The monthly magazine «North Star»

ВОЙВЫЙ КОДЗУВ

КОМИ
ЙӖЗЛӖН
ЖУРНАЛ

2 ' 98



ВОЙВУВ КОДЗУВ



БЫД ТӐЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

2

ФЕВРАЛЬ
(УРАСЬӐМ)
1998

ПЕТӐ 1926 ВОСЯНЬ




ЛЭДЗӐНЫ:

КОМИ
ГИЖЫСЬЯСЛӐН
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ



СЫКТЫВКАР



ТАЙӐ НОМЕРЫН:


Борис ШАХОВ. Овлісны-вывлісны. РоманлӐн коймӐд юкӐн	3
Михаил ЕЛЬКИН. Виль кывбуръяс.	34
Вика ҚАРМАНОВА. Куим кывбур.	37
Виталий КУРАТОВ. МусуктӐ съӐлӐмыд бӐрйӐ. Повесть	38
Николай ЩУКИН. Ен дінӐ сибӐдчан буркывъяс.	58
Юрий КОВРИЖНЫХ. "Ло шудаӐн, муса ныв...". Висът	61
Евгений АФАНАСЬЕВ. ВерстьӐяслы мойд.	67

ВОСЬСА СӐРНИ

А. ПЕТРУНЕВ, С. ХУДЯЕВ. Чужан муын — ковтӐмӐсь.	69
---	----

КОЛЬӐМ КАДЛӐН ЛОВ ШЫ

Николай СУРКОВ. Салдат семьяслань чужӐмбанӐн.	77
--	----



СЕВЕРНАЯ ЗВЕЗДА



*Ежемесячный
литературно-художественный
журнал*



Учредители:

СОЮЗ ПИСАТЕЛЕЙ РЕСПУБЛИКИ КОМИ

**УПРАВЛЕНИЕ ПЕЧАТИ
РЕСПУБЛИКИ КОМИ**



РЕДАКЦИОННАЯ КОЛЛЕГИЯ:

Главный редактор

Михаил
ЕЛЬКИН

Альберт
ВАНЕЕВ

Ответственный
секретарь


Виктор
НАПАЛКОВ

Алексей
ОДИНЦОВ

Владимир
ТИМИН



Борис ШАХОВ



Овлісны-вывлісны

РОМАНЛОН КОЙМӨД ЮКӨН

Быдөнлөн аслас крест

"И нуис Сійө Ассьыс крестсө да петіс Рельөн, рочөн Лобнйён, а еврейяс ногөн Голгопаён шусян местаб."

(Евангельё, Иоансянь Бурвисталём 19;17)

1

Матө тöлысь чöж турөбалис, дөзмөдчис поводдяыс и кыйсьысьяслы, и гортын олысьяслы. Пуяс вылысь летйөм да енэжсьыс бушколөн гартлөм лымнас толіс-тыртіс и вöла, и пода, и лызя туйяс, йөршитіс зверьпөткаөс лым пиө. Мичаммылас лун, кык кежлө, вылысь писькөдасны-таялыштласны ассьыныс туйяссө йөз, и пөтка кыпөдчылас пу йылө, и ур да тулан, и көчьяс петавласны, тапикаласны-восьтывласны кыйсьысьяслы ассьыныс гуся оланінъяссө, и вылысь босьтчывліс бушколалысь рытив-лун төв нөбөдны-гартны лымсө енэжсө да кыз лым эшкына му эжсө отлаавтөдз. Сөмын йөввыв кежлө раммис поводдяыс. Кутіс лөня пөльтны небыд лун төв, весиг керка да кильчө вевтяяс вывсянь войтва заводитліс төпкыны.

Изъядорсаяслы таво и рөштво лои шуштөм празникөн, и йөввыв дырйи гажыс эз горав керкасын ни ывла вылын. Еджыдьяслөн сиктө волөмысь весьөпөрлөмсьыс эз на сайкавны: дас кык верстыө мужикөс вед виисны, кызь сизим мортөс арестуйтісны, куим том мужикөс еджыд армияө нуисны, да дас куим морт өнөдз на бөрсө гортас эз бергөдчыны! Көнөсь найө? Мый накөд, коньөръяскөд, лоис? О-ок, дыр кежлө, көнкө, лөглөн изъядорсаясөс нем жалиттөг лөкысь чашйөмыс йөз паметьө коляс шөгөн, сьөлөм дойөн! Сөмын челядь, кызди и водзджык вөвлі, пемыдсянь пемыдөдз Дзимбыр гөра йывсянь дадысөн лэбалісны, лунтыр горалис налөн гажа чилзөм-чарзөмыс. Буретш налы вылө Енмыс, буракө, и поводдясө лөсьөдіс. Мед! Мед жө эськө челядь вежөрө көть лөглөн лөкалан пасыс оз коль.

А ыджыд видзё пырём бõрын нин толыс крута бергõдчис да кутис пõльтны-швичкыны асыв-войывисянь, õти лунõн енэжсьыс чышкыштис став кымõрсõ, дзоньнас вежис изьвайывсаясõс лелькуйтись небыд сынõдсõ йиа саридзвывса кõдзыдõн, и Изьва йылын бара сувтис войяснас ярьюгыда дзирдалысь кодзувьяса рõштводырся кодь тõв. Луннас эськõ былõ кыпõдчылысь шондйыс вермывлис нин личкывлыны кõдзыдсõ. Но дзедбяс сийõ вõртас сайõ, дзикõдз кусас енэжас шондйлõн пыранйныс, да пыр и элõдчылас кõдзыдыс бара пашлякъяс шлячкõдчылõмõнõдз.

Мунысь пõ синõ туйтõ, шуласны. Сидзи, дерт. Коймõд вежон нин Ёгор Кõсьта пискõдчõ Пинегасянь чужан сиктас. Сиктсынь сиктõ, вõлõк бõрса вõлõк вуджис кõнi сюрлис — вõла доддын, кытi подõн. Гõрд армеечьяслõн ёсь йыла шлём-шапкаа, дженьыдник, пидзõсõдзыс, но шоныд, лõзоват руд кыз нойысь саридз сайын вурõм, буракõ, шынеля, Кедвавомын нин кыз дõмасõн утъялõм гын сапõга да мыш саяс тыртõм ноп мешõка. Лым туктаõн вевтгысьсõм су потшõсбõрса чукульсянныс Кõсьта чужан сиктсõ синнас нин судзис — со, тонõ уналõн на керка трубаяссьыс кизьõриник тшын сюръяяс лõз енэжас качисны. Во сайын Кыръядинсянь чойыскõд Изъядорõ матыстчигõн Кõсьталõн сьõлõмыс морõс кудьяс зутшõдчис — виччысис регыдя паныдасьõм бать-мамыскõд, вокьясыскõд... Марпаыскõд... Радлис, майшасис, надейтчис, полис... Кыдзи вочаалас сийõс Марпа сы мында во кежлõ торъявлõм бõрын?.. Ладмылис ставыс! А талун... Кõсьталõн чужан сиктõдз кольõм медбõрря воськовьясыс сьõктаммисны, надзмисны и дженьдаммисны, кутис аслас кокъясõ крукасылыны. Вылысь эськõ, мõдысь Кõсьта мынтõдчис пленысь, õнi ас йõз, но еджыдьяс пленысь нин... Но мый сийõс виччысьõ чужан сиктас? Керõсын узис Зыръян Михайлõясын, водзджык бытгõ сийõ эз тыдалана еджыдыс дор вõв, а õнi нинõм юавны ни висътавны эз кõсий.

— Тэ менсьым, Ёгор Кõсьта, нинõм эн юась, ме нинõм ог тõд, мый тиян керсис и мый керсьõ. Висъталõны тай, страк пõ, мыйтõм йõзõс виõмны-а. А кодi кодõс, мыйысь — Ен мед видзас менõ сэтчõ суйтчõмысь. Танi ёна нин ветлõддiс уездысь юасысь, быдõнõс исалис-дукалис, чиршõддiс-повзьõддiс миянõс, а кодi эз кажитчы — тюрьмаõ ысталис... Тэ со, сёрни вõлi, еджыдыяскõд пõ мунин, а гõрд звездаа ёсь йыла шапкаа локтан. Олõй, кызд кужанныд, а миянõс, бара, эн йõйтõддõй.

Гõлõсас Зыръян Михайлõлõн кылис кедзõвтõм, и водзõ Кõсьта эз кут юасыны. Бур нин кõtь — узьны лэдзисны. А асывнас, пемыднас на, чеччис да сидз петис комын верста вõлõкõ. "Атгõ" шоныд вевт увсьыс эськõ буркнитис жõ. Нопгья сылõн нянтор вõлыштис на, да оз кув. А Шушунын пырис гõрд партизан Емелёв Петыр керкаõ. Но и танi гõвкьялис лõõм неминучалõн сьõлõм кырлалан шог руыс. Емелёв Петыр батыслõн, ни мамыслõн сьõлõм дойыс абу на, буракõ, весиг кенясьõма. Эз, эз, зонмõ, бугжылясьны Кõсьта былõ, и пõсь шыдõн вердiсны, и видзчысьõмõн юасисны, кызди нõ сесся Кõсьта еджыдыяссьыс мынiс да бара со гõрд армееч шапкаа. И небыд вольпасьõ водгõдiсны шойччыны ылi туй мортõс, а сьõлõмсянь варовитõм эз артмы. Но висъталiсны жõ, уездса юасысь пõ гашкõ став сиктасõ корлис да юасис, кодьяс еджыдыяслы отсасисны, да кык шушунсаõс пõ арестуйтис да уездõ нин пõ конвойна мукõд сиктсаяскõд тшõtш ыстõма. А асывнас Емелёв ачыс турунла мунiгмозыс Кõсьтаõс сиктсыняны верст кык кымын пõпутгõ вõлõн нуис. И Кõсьта рад вõлi: кольõм туй помсõ, даc квайт верстõ сесся сийõ, кõtь и висъыштõ коскыс, тэрмасьтõг нин шлõпкас.

Сиктас матыстчигõн на Кõсьта аслыс шуис первой батысьсясõ пырны. Но аслас горт улича былõ петис да чуймис, сьõлõмас майшõдлана ёвкнитис: некутшõм вõвлытõм дивõ, дерт, эз ло, но сылõн керкаын кодьяскõ олисны — кильчõ õдзõсыс гурйив восьса, дай кильчõ пос помыс мичаа чышкõма. Сийõ веськõдчис гортас.

Кõсьта пос помас куйлысь роскõн пыркõдыштис гын сапõгьяссõ,

кайис кильчö вылас. Поскöдыс кайигөн на öшиняс петкöдчыліс ныв-баба чужöм, видзöдліс пырысь вылö мышсянныс, но воча некод эз пет. Кöсьта казяліс: кильчö пос помыс, и посводзыс быд лунъя олан керкалөн. Чужис майшöдлана мөвп: сійö ветлігкості кодікö овмöдчöма ли мый налөн Марпакöд керкаö? Восьтіс öдзöссö, копытчыштöмөн пырис керкаас, сывйыштіс синъяснас керка пытшкöссö: ставыс кызди Марпа дырйи вöлі — мича джодждöраясыс, öшинь занавесъясыс... Пач-водз занавес саяс сулаліс... Öгаш чойыс! Сійö чашкöдöм синъясөн видзöдіс пырысь морт вылö: гöрд звездаа ёсь йыла шапкаа, погонъяс-тöм еджыд саддат шынеля... Сэсся тöдіс жö вокансö да уськöдчис сылы морöс вылас, сывйыштіс сылы гөгöрыс да кутіс сыркъялöмөн бöрдны. Лыддьöдлытöг, дзоля кага моз. Кöсьта кыскышталіс нырнас, но бöрдöмысь кутчысис. Сэсся Öгаш лэдзчысис жö Кöсьта сылысь, бергöдчис ен ув пельöслань да джодждöдыс копрасьöмөн кутіс юр-битны:

— Слава те, Господи... Слава те, Господи... Бара на гортöдз дзонь-видзаён вайöдін миянлысь великомученик Кöсьтаöс... Слава те, Господи... Слава те, Господи...

Öгаш бөр бергöдчис Кöсьталань да заводитліс сылы отсавны пöрчысьны, но пыр жö энөвтчис:

— Тэ, Кöсьтуш, ачыд личöдчы... Ме час котöртла гортö... Пан-теясö... Здукөн... Öти здукөн...

Öгаш тэрмасьöмөн кöтшас пельöссыс кышаліс гöна пась, кватитіс тув йывсыс вурун шаль да петігмозыс нин плавгис юр вылас.

Кöсьта тэрмасьтöг кульсис: ноп мешöксö сэтчö порог лабич улас и шыбитіс, шлемсö суйыштіс öдзöсвесьтса джаджъяс, а шынельсö öшöдіс пöлать улас крöватя-гөвбöчакостса тув йылö. И пуксис. Пызан помас шуйга гырэдзанас мыджсьöмөн. Эз весиг кытшовт-видзöдлы керка пытшкöссö. Со и гортас... Дзикöдз вылö жö нин вед, кöнкö... Куим тöлысь коліс, кызди изьядорса еджыд комендант Прокö Öнбö-лөн, зятыслөн, повестка серти татысь петаліс. Гöрд партизанöс, большевикöс кöсийсны Гöрд Армия вылö усьöдны... А Кöсьталы кажитчö, быттö сійö тöрыт татысь петіс. Ставыс, дзик ставыс важ мозыс: шоныд, пельк, весиг Марпалөн Кöсьталы ыджыд лун кежлö вышивайтöм кузь чышъяныс ен ув пельöсас öшаліс... Пöлать улас на-лөн пу крöватын небыд вольпасыс Марпа дырйи моз мича лöз да гöрд дöраторъясөн эжöдöм шебрасөн вевттöма... И öта-мöд выланыс кык небыд гöна юрлос... Ставыс, ставыс Марпалөн моз... Сöмын ачыс абу!..

Кöсьта öшöдіс юрсö кияс вылас гырэдзаяснас пызанас мыджсьö-мөн. Бара юрсö кутіс поткöдны сійö шуштöм, страшнöй рытсö да войсö казтьылöмыс... Эз кö эськö Öнбö лок сійö рытнас найöясö вина дознас, да эз кö эськö кут ошйысьны Опонь Митрей вокъясöс виöмөн... Эз эськö найö, гашкö-й, пуртö-наганö кутчысьны да кувмöныс повзёдны Марпаöс... И Марпа эськö öні ловъя вöлі, и дзоля пиыс ловйөн чужис... Предатель!.. Предатель... Партизаньясöс вузаліс... И чойсö виис... И Кöсьталысь олөмсö жугöдіс. Гортас со воис, важ мозыс аслас шоныд да гажа керкаö, а шуштöм... Эм кöть абуас... Керканас дай ставнас...

Сідз шога пукалысьөн и суисны Кöсьтаöс котөрөн локтысь батыс да мамыс, да на бöрся и Панте Öгашкöд тшöтш. Найö и мынтöдісны шог мөвпьяссыс Кöсьтаöс.

— Слава Богу, ловйөн да дзоньвидзаён воöмыд да, — батыс топыда сывйыштіс медыджыд да медуна сьöкыдсö ас пырыс нуысь писö да сетіс сійöс мамыслы.

А мамыс дыр кежлö топöдчыліс пи морöс бердö, орöдчыныс быттö эз вермы, пельпомъясыс сыркъялісны. А Кöсьта небыдіника тапкöдіс-лөнбöдіс мамсö.

— Но, тырмас, мамö. Гортын нин тай, аслам ки-кокъяса. Öні сэсся век кежлö нин гашкö... Тырмас. Колö жö сэсся коркö гортын олөмсö лöсьöдны...

— Эн думайт нинөм йылысь, дитюк, шойччышт наперво-а.

Пантекөд видзаасисны топыда киасьбөмөн, сэсся вокьяс сэтшөм жö топыда сывйыштчылысны.

— Бара на тай, воканой, ёна омөльтчөмыд. Бара на, буракö, лёкыс сюрöма тэныд.

— А-а, лёктö тай, морös, оз на кол корсьны, ачыс сибдö. А омөльтчыныд тайö ме омөльтчи туйын нин... Куим вежонысь дырджык шлопка-локта. Кызвынсö подөн.

— Да, кузь туй, дерт. Енмыс тай вайödöма на, слабог. Гортад сэсся справитчан.

— Лысьбөм да кучик кө дзоньöсь, яйнад сэсся зэлаласны коркө-некоркө.

— Медтыкö эн вись.

— Торьясö ог... Öдяд нö?

— А сийö, Öгаш висьталіс да, сразу дзоля пач ломтіс, тэныд көч яя шыд пуны. Ми вед асьным видз кутам да...

— Вайö пуксялöй. Пуксьы, Кöсьта, пызан саяс. Дзикöдз шойöвоши радöйла, тшыгөн тэнö видза, — пызан вылас кослунья вöлöга ваялігмоз нин корис ставнысö Öгаш. Кöзьяйкааліс. — Господьöй, тöдi кө нö эськö, мый Кöсьта югыд шондi моз талун петкөдчас, эг-ö мöй эськö дасьтысь, пусы-пöжась!

— Енмыд ыджыд милöсьта, прöститас. Кослунья вöлöга вöсна радунным миян оз чин. Аттьобалам Енмöс ставсьыс, — пызан сайö пуксьытöдзыс Панте вокыс дыр юрбитіс улöдз копрасьбөмөн да вом-горулас молитва шöпкөдöмөн.

Сьölөмсянь ашөр сёрни ай-мамлөн да чоя-вокаяслөн гөгөрвотөм война вылысь локтөм Кöсьтакөд сідз эз и ло. Вочасөн керка тырыс йöз чукөрмисны. Медводз локтісны бөрдысь сват-сваттяясыс, матыса рөдвужыс, ловйөн кольөм гөрд партизаньяс. Ставныслөн вöлі мыйкө юалантор Енмөн ёрөм война помасянінысь локтөм мортлысь. Ад-дылыс эз кодьясöскö татысь мырдөн нуом да пышйöм изьядорсаясöс? Кутшөм власьт нö мукöд коми сикт-вöлөсьтыяс сувтіс? Али некутшөм власьттөг олоны Изьядорын моз? Збыльысь-ö дзикöдз помасис йöзыс-лөн мыжтөг öта-мөднысö виалөмыс. Лунтыр на, рытывбыд дай, аски на рытывбыд дай ковмис эськө висьтавны Кöсьталы, вермис кө эськө вочавидзны став юасьбөм вылас. Юасисны öта-мөднысö торкалөмөн, öти сёрни визьсянь мөд сёрниö кежласьбөмөн, а мукөддырийыс и дзикöдз вензьөмөдз волөмөн.

Öтувья сёрнисö, кодi муніс көть и öтарö-мөдарö шыбласьбөмөн, но тэрмасьтөг, торкис керкаас пырысь уездса следователь Кысов, кодi еджыдьяс мунөм бöрын гашкö вежон мысти и локтіс да, көнкö, куим вежонысь дырджык нин ветлөдліс Изьядорса сиктьясöд, корсьысис, кодыс отсасисны виавны изьядорса коммунистьясöс да гөрд партизаньясöс. Сийö вöлі Кöсьталөн кодь ёсь йыла шлөма жö, кузь пöлаяса, дзик кок улөдзыс, руд шынеля, пельпомьяс вомöныс крест-накрест портупея: веськыд бокас кобурасьыс чурвидзис наган вороп, шуйга бокас öшаліс волялысь мугөмгөрд кучик полевöй сумка. Видзөдласнас кытшовтіс керкаас пукалысьясöс, сувтіс синнас пызан сайын пукалысь Кöсьта вылө.

— Здравсте... — бытьö керкаын пукалысьяскөд ставныскөдмоз видзаасис сийö. Сэсся Ёгор Кöсьта вылө видзөдөмөн нин содтіс: — Мен колö Игушев Константин Егорович.

— Но, ме... Игушев... Константин Егорович, — пызан сайсьыс вөрзьөдчывтөг вочавидзис Кöсьта.

— Следователь уездного ГПУ Кысов, — чуныяссö топöдөмөн тшапа кыпөдліс шлөмыслөн муртса тöдчана көзыр дорö... — Мен колö тэкöд сёрнитны по делу разгрома партизанского отряда и убийства изьядорских коммунистов — красных партизан. Шойччыштанныд, да ме виччысь тэнö волісполкөм керкаын. Досвидание.

И ГПУ-са следователь швырк бергөдчис да петіс.

Көмтөг, тасмасо разьомён, но вылыс дөрөм-гач кежсыс шебрас вывтгыс куйлысь Косьталён небыд вольпаяд да шоныд керкаад бура ланьтсылёма. Сийо садьмис да кок чуньяссө, көмтөм кок лапаяссө нимкодя вөрөдыштис, но ачыс эз вөрзёдчы, ни сингыяссө эз восьты. Кыліс ен ув пельёсланьяныыс гусьёник шөпкөдчөмөн сёрнитөм. Косьта восьтыштис син пөвсө да син бөжнас кыйкнитліс гусьён шөпкөдчысыяслань: керкаас югыд на, идралөм пызан саяс пукалісны Огаш чойыс да Панте вокыс Одяыскөд. Найо и вашкөдчисны.

— Мый нө вашкөдчанныд, важөн нін вөлі колө садьмөдны менө, — Косьта кыкнан кинас нюжмөдчылөм бөрын пуксис кроватяс, душ-мөдысь зырыштис ки пыдөсыяснас сингыяссө, чужөмсө.

— Сэтшөм чөскыда узян да жаль вөлі чуксавнысө, — меліа воча-видзис чойыс.

— Менө, көнкө, следовательыд важөн виччысьө.

— Мед виччысьыштас, оз на, небось, сылөн дзоля кага бөрд, — дорйис Косьтаос и Одя.

— Начальник вед, да нөшта уездса. Быть кывзысь, — гын сапөгасигмозыс нин кыв көрталіс Косьта.

— Вай, сідзкө, колөкө, чужөмтө шойччыштөм бөрад пожышт да пажнайтам, да и ветлы. Одя зэв чөскыд көч яя шыд пуөма да пачын нін тэнө виччысьө.

Огаш пызан шөрас пуктіс ыджыд тасыті тыр руалысь көч яя шыд, орчөн азя шыд тыра тасыті, сола көчан, картопель сора сола тшак, кушмана ырош. Но яя шыд тыра тасыті дорас некод эз нюжөдчыв, Огаш весиг тасытісө Косьталань вештыштис.

— Тэ, Косьта, кузь туй бөрын да первой ёнмөдчыштны колө, миян вылө эн видзөд. Миянлы ыджыд видз дырйиыд оз позь йөла-яя сёянгыснад асьнымос грекө вөйтны, — зіліс сьөлөм сетны вокыслы Панте. — А тэ сы мында нін мучитчин — Ен прөститас, оз ло грекөн. Сэссия ми тшөтш тэ пыдди видзасыштам.

— Батьөяс гортаныс нін мунісы, мед тэныд шойччыштнытө не мешайтны. Рыгланьыс воласны, — сөйигмозыс күтіс висьтавланы Огаш Косьталы. — Тэ вед, көнкө, чуймыштін, мый тэнад керкаын ола. Ме час тэд ставсө висьтала, мед тэ эн дөзмы. Ми вед ёна юрьяс жуглім батьөяскөд, мый вөчны. Марпаяд, шоньянөй, кувсис да тэ, коньбөрөй, өтнадөн колин. Дөвечөн. Сэссия тэнө и еджыд армияд нуисны дай. Ми вед гөгөрвоим — кытчө тэныд воштысьнытө? Эн кө эськө быттьө мун, мукөдөс моз жө вед эськө лыйлісны тэнө да и сө. Керкакартайд, и скөтинаыд көзьякатөг да көзьяинтөг сирөтинаясөн колисны. Батьө и шуис: гашкө пө, Огаш, Косьта локтөдз олыштан, көзьяинчайтыштан. Турун-пес ваялны пө Петыр отсалас. Сэссия и Панте да Одя, зөлөтөйяс, көсйыисны жө отсалны. Мед пө Косьталөн да Марпалөн котыртөм көзьяйствоыс эз киссы. Ме сөглас сеті да сідз тэнад мунөмсянь тиянын и ола. И мөстө, и вөвтө, и ыжъястө видзам. Ме кө өтнам эськө эг вермы да, Петыр да Пантеяс меным отсалоны. А ми тэнө век виччысим. Мися, Германияысь локтіс да татысь маті ас муысь локтан на. Сідз вед, Панте, сёрнитім?

— Сідз. Век Ен вылө надейтчим. И ставыс тай со збыльмис, — Панте ен ув пельёслань бергөдчөмөн паськыда пернапасасис.

— Сэссия ме тиянлы кувтөдз уджйөза лоа. Куим төлысь кежлө шыбитлөм бөрын бөр аслам шоныд поэйө вои.

— А тэ сы йылысь, Косьта, и думайтны эн лысьт. Мыйтөм тэныд колмас, сы дыра и отсасыштам. Майбыр, рөднөй вокыдлы. Уездса следовательыд вед, көнкө, важөн нін виччысьө, — казьтыштис чойыс.

— Колмас, дерт, ветлыны. Унатор йылысь на, көнкө, сылы колө юасыны, — пызан сайсыс чеччигмоз нин шуис Косьта да тэрмасытөг пасьтасис. — А ті пукуыштөй на, колөкө, оз жө вед сэтшөм дыр, көнкө, кут. Сёрнитыштам на ас костын, локта да.

— Өні сэсса быдтор йылысь нин удитам сёрнитны. Некытчö тэр-
масьтöг, — пызан вывсьыс идралігмоз лабутнöя кыв көрталіс Өгаш.

Збылысь, следователь важөн нин, буракö, вөлөм, виччысьö: дөзмөм
руа тшолкъяліс джодж кузяыс. Косьта пырис, да сійö сразу пуксис
пызан саяс, полевöй сумкасыс перъяліс бумагаяс, ручка.

— Дыр тай тэнö колö виччысьны, Игушев. Армияын служитлөмыд,
а дисциплинаö абу, буракö, велавлөмыд, — скöрыськодь чолөмаліс
сійö Косьтаöс.

— Бура тай ланьтсьылөма, лешакыд, кузь туй бöрад.

— Пуксы, — индіс Кысов пызан мөдарладорас аслыс воча сув-
төдөм улöс вылö. — Сёрни миян вермас нюжавны.

Дөзмөм руыс следовательлөн эськö öдйö жö вошис.

— Кузь кө и кузь, менам кадыс тырмас. Гортö вои, тэрмасыны
сэсса некытчö, — лөсьыдджыка пуксис улöс вылас Косьта да дась-
тысис кывзыны уездса начальникöс.

— Ачыд, көнкö, гөгөрвоан, Игушев Константин Егорович: ме мый-
сюрö тэ йылысь төда нин. Но менö татчö ыстісны ставсö төдмалөм
могысь.

Кысов бумага вывсьыс видзөдавлөмөн кутіс лыддьöдлыны:

— Чужöмыд тані 1891 воын шөркоддьöма олысь крестьянин-кый-
сьысь семьяын. 1914 восянь служитін царскöй армияын 354 стрел-
ковöй полкын пулемётнöй ротасын. 1916 вося май төлысьö веськалөмыд
немецкöй пленö. Германскöй пленысь мездісны 1918 вося октябрь
төлысьын. Ме сідзи висьтала?

— Сідзи на тай-а.

— Сідзкö, водзö кывзы. Изъядорö воин 1919 вося январь заводит-
чигөн да сійö жö төлысяс пырин изъядорса большевикъяслөн ком-
мунистическöй партиячейкаö... Гөрд партизанö гижсин...

— Метөг ставсö стöча пасійöма, — вынсьöдіс следовательлысь вись-
талөмсö Косьта.

— Изъядор босьтөм бöрын еджыдъяс сразу арестуйталісны ком-
мунистьясöс да гөрд партизанъясöс. Дас кык изъядорса коммунистöс
еджыдъяс зверскöя вийисны. Ловйөн колисны сөмын куим коммунист-
тöс: Уляшева Елизавета Павловнаöс да Шомысов Василий Петровичöс
арестуйтісны да мөдөдісны тюрьмаö. А тэнö сутки видзөм бöрын лэ-
дзисны гортад. Вот мый менö чуймөдлө. Тэ большевик, гөрд партизан,
куимысь сиктса скод вылын бөрйылісны Сöвет органö, а еджыдъяс
тэнö кыкысь пленö босьталісны, и кыкнаннысьсö бөр лэдзисны. Вот
мый ме ог гөгөрво и көсья, мед тэ меным ставсö төлкөн-сямөн, гөгөр-
воана висьталін, мыйла буретш тэкöд еджыдъяс сідзи меліасисны.
Нинөм дзеблавтөг.

Ёгор Косьталы эз ло лөсьыд, йирмөг сійöс босьтіс. Оз-ö сійöс гусьөн
еджыдъяслы отсасьöмысь мыжавны көсьы? Со и сёрниас сылөн
быттьö найна мудеритөм кылыштіс. Косьталөн весиг чөв пукалөмыс
дырджык лоис. Следователь сы вылö видзөдіс ёся да чөв оліс жö.

— Кольөм гожөм миянөс, волисполкомö бөрйылөмаясöс, еджыдъяс
арестуйтісны да бөр лэдзисны сиктсаяс корөм серти. Прошенньöөн
пыралөмаöсь еджыд отряднас камандуйтысь мичман дорö. И ачыс
мичманыс миянөс лэдзигөн сідзи жö шуис. Но та йылысь бурджыка
төдöны, кодыас прошенньöсö гижлісны. Найö вед ставныс танось.
Налысь колö юалны.

— Ме накöд ставныскöд нин сёрниті.

— А арнас... Еджыдъяслөн арся волигас... Ме ог төд, кызди менö
ловйөн колисны... Менам вок Панте кө эськö шуис: Енмыс сідзи
шуöма... Ставыс Ен кийн.

— Тэ коммунист, большевик, Ен вылö ыстысян. Веритан али мый?

— Ме ог. Ме вок йылысь, сійö век тадзи шуö да, кор сэсса ни-
нөм висьтавынсьö. Ме ачым унаысь думайті, мый лоис. Гашкө... Менö
рөдительяс войнаöдзис на көсьисны вужъявны зіль да пыдди пуктана
Иван Кирö Ольөксеі ордö — кызди медыджыд пиöс гөтралісны

Ольоксей Прокö Марпа вылö... Мича да шань ныв вылö... Кötь ме и мöдöс радейтлi. Но воясөн эськö Марпаыд меным мусмис, и ачыс нин велалiс жö ме дорö, а пленясь локтöм бöрын кага нин виччысим. Менам Марпалөн вокыс, меным шурин лоö, первой гöрд партизан жö вöли, но гожöмнас предательство вöчис: пленнöйясöс мездiс да накöд ачыс еджыдъяс дорö пышйис. А ноябрь тöлысьö, кор еджыдъяс Изъядор босътисны, отрядса командирьс сийöс Изъядорын комендантөн вöчис... Сийö тани, аслас сиктын, ёна лёкалис...

Ёгор Кöсьта неважөнся сьёлöм йиранторъяс йылысь висьталiс ньöжйөн, унаысь дыр кежлö чöv ланьтöмөн. Пукалыштас копыр юрөн, да бара синъяссö лэптас юасысь вылö...

— ...А менö сутки и видзисны арестын. Менам Марпа кагасö вайысь нин вöли да менö лэдзисны... сы дорö пö... Арестсыс лэдзан рытнас вокыс мянö волiс да ошйысис асланым сиктса коммунистыясöс, мянлысь ёртъясöс виём йылысь. Миян костын чорыд зык кыптылис, пургтыяс-наганъяс киясыным шамыртлисны... Да Марпа менам, коньбөрй, миян костö уськöдчис... да миян вöсна стракысла шой вайис... Дай ачыс кувсис... Вот... Гашкö, ме ли, вокыс ли и виим Марпабс... Кагасö и... рушкуас на... Быдсяма лёк думыс юрö воывлö... А лун-мöд мысти Прокö Онью меным повестка сетiс еджыд армияö мунны. Ме чайтi, мый нуигмозныс менö и дыйласны. Унаöс сiдзи виисны. А со ловъя коли... Нинöм сэсся ог куж висьтавыны... И сьёлöмöй дзикöдз, торпыригысöдз, буракö, жугласис... Марпа ассыс ловсö сетiс... ме вöсна... Дзоля кагаыслысь и.

— А еджыд армияс мый вöчин, кутшöм тышгысын Гöрд Армиялы паныд тышкасин? Эм жö вед кутшöмкö документъяс?

Ёгор Кöсьталы важөн нин дивö кажитчис, мый тайö следовательыс öнöдз сылысь документъяссö эз кор, и ньöжйөнникөн перйис пытшкöс морöс зепсыс сылы сетöм бумагаяссö.

— Татысь, вылыс Изьва вывсыс мянöс, дас көкъямыс морт, нуисны Изьва сиктöдз. Сэни юасисны, кодi көни служитлис, да менö и ыстисны сразу Пинегаö. Сэни вöлөм еджыдъяслөн дзöнь пулемётнöй рота. Сэни ротаас и служитi, некутшöм тышкö эз петкöддыны. Видзисны мыйкö вылö ли мый ли. Пöшти тöлысь сэни казармаын олим. Ротаас командирсö вежысыс вöлöма большевик жö, да менö кызкö казялисны да партячейкаас примитисны. Сэсся ротаным кыпöдчис еджыдъяслы паныд, карсö ставсö асланым киö босьтим да Гöрд Армиякöд öтлаасим. Пельпомъяс вылысь погонъяс нетшким, мянлы гöрд звезда шлемъяс сетисны, да гöрд пулемётчикьясөн и лоим. Но менам германскöй пленсянь на коскöй висьласьö да кык вежон мысти кыз арлыда салдатöс нин дзикöдз гортö лэдзисны. Еджыдъяссö пö ставсö жö нин пасьвартисны-а. Вот... Тадзи-й гартчö тай менам оломöй. Документъяс вылас сэн гижöма мыйсюрö.

Кысов дыр видалiс Ёгор Кöсьталысь документъяссö. Первой ставсö лыддис, буракö, быд гижöд донъялöмөн, сэсся аслас сумкаысь перйöм бумага вылö на мыйкö вель уна пасьялис да гижалис. Тэрмасьтöг, весиг Кöсьта вылö эз видзöдды, быттö вунöдiс сы йылысь. Сэсся помалис жö аслас бумагаö гижöм-пасьялöмсö да Кöсьталысь бумагаяссö ставсö бөр мыччис.

— На. Ставыс лючки-ладнö. Кötь ме висьталöмсьыд ог жö ставсö помöдз гöгöрво. Гашкö, сiдзи и вöли, кызди тэ ачыд чайтан... Мортъяс жö вед... Но ме тэкöд мöдтор йылысь көсья сёрнитыштны. Водзö олöм йылысь. Водзö кызди көсьян? Мый думайтан?

— Гортöдз вои да... Пасибö ай-мамлы, чой-вокъяслы — куим тöлысь мысти көть и көзьякатöм, но шоньд керкаö пыри. Керка шонтöмаöсь, скöтина видзöмаöсь-дöзьбөритöмаöсь... Кута сэсся ачим овмöдчыны. Ме вед абу медасьöм салдат, а видз-му вöдитысь да кыйсысь. Öни Сöвет власьт сувтiс да ставыс лои асланым — вöрыс и ваыс, муыс и виддзыс. Кызди мянлы Роза Люсенбур да Карла Липнет висьталлисны, асьным кутам ыджыдалны, эксплуаторьястöг. Олмöдчам. Кутам гөрны-кöдзны да, зверь-пöтка да чери кыйны да.

Ёгор Косьтала, бурак, окота лои следовательлы ассыс политика тӱдӱмсӱ петкӱдлыны, мед сийӱ сы водзын нырӱяссӱ эз лӱптав.

Кысов муртса тӱдчымӱн нюмдыштӱс, синӱясыс гашкӱ сӱмын гажаджыка да вильышамоз видзӱдӱсны Ёгор Кӱсьта вьлӱ.

— Абу Люсенбур, а Люксембург. Немецкӱй коммунистыяс Роза Люксембург да Карл Либкнехт вӱлыны, да асланыс немецкӱй контрреволюционеряс, сволочьяс, виисны жӱ. Мирӱвӱй контра лӱптӱ юрсӱ мянлы, коммунистыяслы, паныд. Но мян асланым вождыяс: Ленин, Троцкӱй, Дзержинскӱй... Эмӱсь, кодьяслы мянӱс вьль туйӱд нуӱдны. Но куш вождыяс вьль туйӱд нуӱдны оз вермыны. Быд карын, заводын, быд сиктын колӱны повтӱм коммунистыяс, вождыяс велӱдӱм серти вьль олӱм котыртысыяс, водзӱ революция вӱчысыяс. Вернӱ ме шуа, Игушев ӱрт?

— Яснӱ делӱ, ӱтнанныс нӱ та ыджда страна пасьята мый вермасны вӱчны.

— Правильнӱ думайтан, Игушев ӱрт. Вернӱ думайтан. Гӱрд Армия вермис белӱй сволочьясӱс. Но колӱ на быдлаын Сӱвет власьт сувтӱдны, ӱнмӱдны сийӱс. Вот мый водзӱ колӱ вӱчны, мед революцияным мян эз кус. Контрреволюцияыд, уджалысь йӱз тшӱт весьтӱ озырмӱм лудӱкьясыд, думайтан, сӱдз сетчасны?! Быд ногыс кутасны мешайтны, водзасаны, торкны. А кодӱ найӱс пӱдтас? Оз вед быд сиктын Гӱрд Армия ло.

Кысов веськыда видзӱдӱс Ёгор Кӱсьта вьлӱ да виччысис, мый сийӱ шуас.

Но Ёгор Кӱсьта чӱв олӱс. Гӱгӱрвоана эськӱ тайӱ уездса ГПУ-ысь мортыс сӱрнитӱс, а ачыс Кӱсьта стӱча-ладнӱ, кодӱ кутас Сӱвет власьттӱ талун Изьядорын контрреволюционнӱй озырӱясысь дорйыны, висьтавны эз куж. Кодьяс еджыдыяс дор сувтӱсны, найӱ асьныс нин, висьталӱны, пышйӱмаӱсь, кодьяс кольӱмаӱсь — найӱс Кысов арестуйтӱма да конвой улын пӱ уездӱ мӱдӱдалӱма. Кодьясӱскӱ, артмӱ, нӱшта на колӱ пӱдтыны Кысов висьталӱм серти? Тайӱстӱ, бара, Ёгор Кӱсьта оз на куж висьтавны. Кодьяс вӱлыны гӱрд партизаньяс дор, а кодьяс еджыдыяс дор — тышкасигад вӱлӱ тыдалӱ. ӱнӱ сӱсса войнаыд абу нин, да мед жӱ бара вьлысь оз ло, и ставныс ӱткодя кутасны уджавны да кыйсыны. Лӱгалысыяс, дерт, колясны, кыдз оз, но накӱд яснӱ, мый вӱчны: кодлы колӱ стрӱгджыка ӱлӱдасны найӱс — и ӱдйӱ Сӱвет дор лоасны. А водзӱ Ёгор Кӱсьта эз на куж висьтавны, да сийӱн и видзӱдӱс уездса чина морт вьлӱ да чӱв олӱс.

— Вот тадз, Константин Егорович, — уездса уполномоченнӱй следователь синсӱ вештывтӱг жӱ видзӱдӱс Кӱсьта вьлӱ. Сӱсса чечис пызан сайсыс да ӱтарӱ-мӱдарӱ тшолкьялгӱмоз водзӱ югзӱдӱс вежӱрсӱ изьядорса ловйӱн кольӱм коммунистыяс пиысь ӱтилысь — висьталӱс, мый колӱ вӱчны ӱнӱя, талунья текущӱй политическӱй моментын. — Большевикьяслӱн уездса комитет да ГПУ татчӱ ыстӱгӱн ме водзын, кыдзи уисполкомса шлен водзын, сувтӱдӱсны ыджыд кыв кутана мог: не сӱмын эрдӱдны еджыдыяслы отсасысыясӱс да чорыд роскӱн весавны наысь Изьва йывса сиктыяс, но ӱттшӱтш котыртны тани зумыд Сӱвет власьт, мед найӱ асланыс вӱлӱсьтын асьныс большевикьяслӱн партия веськӱдлӱм улын водзӱ нуӱдӱсны революциялысь делӱ. Понятнӱ ме висьтала? Асланыс вӱлӱсьтын асьныс, — водз чуньсӱ вьлӱ лӱптӱмӱн тӱдчӱдӱс да бӱр пуксис уисполкомса шлен, бара сатшкысис синьяснас Ёгор Кӱсьта вьлӱ.

— Понятнӱсыд эськӱ понятнӱ да, — нӱбжйӱн, падьялыштӱмӱн вочавидзис Ёгор Кӱсьта.

— Мый нӱ эськӱ сӱдзкӱ бытгӱ падьялан? Тӱ вед большевик.

— Большевик эськӱ да. Вьль олӱм котыртӱм ради пыралӱ да култӱдз нин сӱсса сыӱн лоа.

— Сӱдзкӱ, некутшӱм падьялӱм большевикьяслӱн оз вермы лоны. Вьль олӱм вӱсна ӱна на мянлы ковмас тышкасыны. Беспощаднӱ. Тӱдан вед, кӱнкӱ: "Ниқто не даст нам избавленья, ни бог, ни царь, и ни герой".

— А кыз нө, ми тайос назусыт велөддм сьлыны. Сартө водзджык чөлтисны, а Енлы ме, веськыда висьтала, ог эскы...

— Вот и бур. Ен — сийө опиум народа. Колө тані, тиян Изъядорын зумыд Совет власыт сувтөдны. Бура заводитлөмныд, но еджыдъяс, сволочъяс, ёна тиянын лёкалөмаоьсь да повзьөдчөмаоьсь. Унаоң войдөр Совет власыт дор сулалысьяс талун сёрнисысы пышгялөны. Миянлы пө көть кутшөм власыт, мед пө сөмын йөзөс эз виавны да гөрныкөдзны да ытшкыны-куртны лэдзасны. Гөгөрвоан, кодарлань оломыс катовтчас, татшөм руыс кө оз вежсы? Кулак-купечьяс да мукөд пөлөс кыз рушкааяс бара кутасны миян вылын ыджыдавны, и кутам налы копрасны да муын луйкысьөмөн да вөрьясөд собитөмөн налысь зепгяснысө зысыөн да зарнийөн тыртны... Стыд и срам! Весиг вөвлөм гөрд партизанъясныд кодсюрө талун ныр-вомъяснысө вежнөдлөны. Коренной образом вежны, дзикөдз бырөдны татшөм русө крестьяна-беднякъяс да середнякъяс пөвстын — талун большевикъяслөн медыджыд, медколана, ни өти лун кежлө кольны позьтөм мог! Понятнө? А ті Изъядорын колинныд сөмын куим коммунист. Тэ, Игушев ёрт, Уляшева Елизавета Павловна да Шомысов Василий Петрович. Тиянлысь и юалам тайө могсө оломө пөртөмысь. Этшаоң, дерт, колинныд, ме гөгөрвоа. Вывті этшаоң. Нинөмла асьнымөс ылөддыны — позьө шуны, медся сюсыасө, сволочьяс, вийисны. Совет власыт вөсна найө ставныс ловнысө сетисны. Вечной память лоө налы миянсян. Вот кокъяс йыланьд зумыдджыка сувтанньд, да быть колө найөс казтылан пас сувтөдны. Тайө йөзыслы колө. Но тайө неуна бөрынджык на. А өні тиянлы колө котыртны партийной организация. Куим коммунист — тайө партячейка нин. Отувтөм вын. Чорыда шамыртөм кулак, позьө шуны, кодөң позьө мөрчымөн зугшыштны юр лэптальсь контрреволюцияөс. А төлысь мысти, ме надейтча, кык пөв унджыкөн лоанньд. Ме та йылысь сёрнитлі Уляшевакөд и Шомысовкөд. Талун тэ мудзөмыд да ог нин кутөй та йылысь водзө сёрнитны. Аски чукөртчылам, сразу пажын бөрын. Гөгөрвоин? Колө партячейкаоң веськөдысьсө индыны, мөвпыштлыны выль совет да юралысьсө бөрийөм йылысь. Колө, Константин Егорович! Колө сойяс пуджөмөн босьтчыны Совет власыт котыртны. Понятнө? Кадыс оз терпит...

Сёрныс следователькөд, уездса ыджыд чина морткөд и збыльысь нюжаліс. И мудзискодь Ёгор Көсьта татшөм сёрнисыд. Кузь туяд Көсьталөң кутшөм мөвгьяс сөмын эз гартчылыны юрас! Но медсясө асьыс овмөссө кыпөдөм йылысь... Чөс туйяссө вельмөдөм йылысь... Весиг выльысь гөтрасьөм йылысь эз өтчыд думыштлы. Гөтрасьөм кузя стөчмөдөмөдз, дерт, мөвгьяс эз воыны, но мый гөтрасыны быть ковмас... Марпатө тай эськө сылы збыльысь Енмыс ыстывлөма да, мый вөчан... Енмыс... Енлы оз эскы, а дум вылас сийө пыр и усьлө. Пантесян, көнкө, тайө сылы вуджыштө ли мый ли...

Көсьта локтіс гортас, да Панте да Одя эз нин вөвны. Дыр, дерт, лои Көсьталөң ветлөмыс.

— Пантеяс муртса жө на и петісны. Найө вед быд лун волөны. Ёна меным отсасисны. Сэтшөм жө нин шань Пантелөң Одяыс.

Гортса уджсө вөчигмоз Көсьта пөрчысигкості Огаш чөв шаркьялыштис то помөй ведрөң, то пөдөңчаоң керкасыс посводзас, посводзсыс, кылө, сараяс. Нывка на вед, а дзик жө нин ставсө төдысь да кужысь көзьяка моз... "Кодлыкө шань ичмонь вичмас", — аслыс думыштис Көсьта. А Огаш пырис йөв тыра пөдөңчаоң, кылө сысьяліс йөвсө гырничьясө, гольөдчыштис көшөң — пожьяліс, буракө, пөдөңчасө да пачводз занавес сайсыс петіс киас семилинейной карасин лампаөң, сувтөдіс лампасө пызан шөрас, пөлялыштис да чышкаліс стеклөсө, биасис... Збыльысь, дзикөдз нин пемдывлөма, сөмын синьясныс пемыдас вочасөң велавлөмаоьсь. И лампа биыс вочасөң кутіс юзьөдны пызан вывсө да пызан гөгөрсө. Огаш пуксис пызан помас.

— Дзикөдз эштөдчи талун кежлө, и лысьтысьөма, и скөтина вердөма-юкталөма. Сөмын аски кежлө пес пыртны коліс.

— Час ме пырта.

— Да пы-ырта-ам, пескыд оз баксы, — серөктіс Өгаш. Чөв олыштіс да содтіс: — Вот тадз, воканой, и олам тэнад керкаын тайо тōлысь-яссō. Тэнō виччысим. Сэссия воин жō тай, слабог, гортад. Да дзонь-видзаон, ен ськōдōн. Сэссия оні ладмас нін ставыс. Мōс вōра йōвтō он юышт? Сійō тэныд одайō вынтō сегас.

— Топыда лои пажнайтōмыс да оз на ков.

— Но, оз на кō кол — и оз, сідзкō сёрнджык. Залавка вылад лоō мōс вōра йōлды.

Өгаш бара чōв олыштіс, сэссия ньōжйōникōн босьтіс дзик выль сёрни визь.

— Оні сэссия чоя-вока колим да быдтор йылсьыс позяс варовытыштны. Марпаыд, шонгьяной, бур аньой, бырис да... Думаыштлін эн на, сэссия, кыдзи водзō олны? Дзик пōлтōгыд вед сьōкыд жō лоō...

— Сьōлōмой эз на бурд да ог на вермы нинōм думайтны.

— Тэ эн думайт лēкōс, воканō, ме мыйта видзан, сы дыра и отсала тэныд... Ми вед мамōяскōд сёрнитлім да сійōн... И батьō, и мамō шуисны, локтас пō Кōсьта да сьōкыд кōть абу, а быть на пō колмас аслыс пōлтō бōрйыны.

— А тэ нō, ачыд? Жōникьясыд вед, кōнкō, гартчōны жō тэ гōгōр. А тэ вок дорад сибдін.

Өгаш чышгьян помнас вом доргьяссō вевтгыштōмōн серөктіс:

— Эмōсь... Отик эськō ёна нін мыччасис да... Виччысьлас на... Кола кō...

— Коді нō?

— Ог висьтал. Ачыс на, небось, петкōдчас. Отсалышта на ме тэныд, сы мында нін мучитчин да. Он кō, дерт, мамōясō пет-а.

— Ог.

— Сідзкō, ме сідз сылы и шуа: мися, Кōсьта аслыс пōлсō бōрьяс да сэки и сёрнитчам. Кōсьян — виччысьышт, он вермы — мōдōс корсь. Абу на ме эндōм ныл.

Кōть и сьōлōм тырыс вōлі небыд да пōсь аттьōалана кывьяс, Кōсьта нинōм эз шу, сōмын матыстчис чой дорас да аттьōалана небыда сыв-йыштіс.

3

Ёгор Кōсьта волисполкомō локтіс медводз: одазōсыс эськō вōлі восьса, но исполкомаc некод на эз вōв. Сійō пōрччис шапкасō, пуксис пызан дорас да кутіс виччысьны. Здук-мōд мысти, кылō, дзуркнитіс мōдар керка одазōсыс, сэссия воссис исполком одазōсыс да пырис Елизавета Павловна. Адазис пызан дорын пукалысь Кōсьтаōс да сідз и джōмдіс-сувтіс порог дорас, быттьō места вылас кынмис. Кымын во нин колис сэксянь, кор Кōсьта вōрсьыс петалігōн пыраліс школаō да висьталіс аслас радейтōм йылысь, корис ас саяс верōс сайō... Мыйтōм ва визувтіс, кыдзи олōмыс и Лизалōн, и Кōсьталōн, и... ставыслōн пузувтчис... И со бара олōмыс сувтōдіс найō воча... Керкаас сōмын найō, кыкōн...

Кōсьта сувтіс кинас пызанас мыджсьыштōмōн, видзōдіс Лиза вылō. Германскōй пленысь локтōм бōрын найō пōшти быд лун паныдась-лывалісны, но тадзи оти керкаын, отнанныс ота-мōдсянныс мед вōлі сōмын воськов-мōд, эз, кōнкō, лолы. А, гашкō, прōстō Кōсьта эз казьялы. Марпаыс вед вōлі... А талун... Видзōдіс, да Лизавета Павловна важ мозыс на пельк тушаа, сьōд нойысь вурōм стрōг юбка-ковтаа, пельпомьяс вылас мича сьōд кашемир чышгьян. Сōмын юрсияссō чукōртōма балябōжас да гартыштōма ыджыд гōрōдō, да чужōмыс быттьō топалыштōма, вом доргьясянныс кыкнанладорсянныс шылькнитōмаōсь небыд, но тōдчана визьяс. А паськыд шевкнитчōм сьōд синкым увьясянныс Кōсьта вылō видзōдісны и шогōн и радлунōн тырōм гырысь сингьясыс. Кōсьта веськыд кисō нюжōдыштōмōн вōчис воськов водзō,

а Лиза паськыда шевкнитіс кияссө да котөртіс Көсьта дорө, сывйыштіс сійөс сьыліөдыс да шога-шога бөрддзис. Көсьта кутыштіс Елизавета Павловнаөс коскөдыс, а сійө сыркъяліс и сыркъяліс, эз вермы дугөдчынысө. И верөссө, и медматысса ёртъяссө, и торъя нин медся донаторсө — муса Петюксө мөдысь воштөмысь шогыс Көсьтаөс аддзөм бөрын выльысь кутіс пөдтыны Лизаөс, сир курыд синваөн киссирезыйысис дзик өтик ловйөн кольөм матыса морт, ёрт, гашкө-и друг морөс вылө на. Көсьта Лизаөс лөньөдөм могыс нинөм эз вөч, сьлөн и аслас горшыс гөрддзасис. Сөмын топыдджыка топөдліс морөс бердас Лизалысь юрсө.

Сідз и суис найөс уисполкомса шлен. Сійө пөрччысигмозыс некымынысь “кхе-кхе” кызөктіс, шылькнитіс витнан чуньнас юрсисө порог дорас сулалігмоз на.

— Ничего, ничего... Ме гөгөрвоа,.. — нор гөлөсөн шыөдчис сійө. — Паныдасисны боевые товарищи по партии... борьбе с белобандитами... Сы мында воштөмыс бөрын... Эм мыйысь юръяс копыртлыны... Но ме эськө шуи: большевикъяс оз кутны синва кистыны, а ещө на чорыдджыка, беспөщаднө кутасы тышкасны контрреволюциякөд. Лозунгыс миян, большевикъяслөн: смерть контрреволюциялы!

Но гөлөсыс Кысовлөн сёрнитігмозыс пыр чорзис, а медбөръя кывъяссө шуис матыстчис да пызанас кулакнас камыштөмөн.

Елизавета Павловна лэптис юрсө Ёгор Көсьта морөс выльысь, дульсөмө синъясөн видзөдліс Көсьта вылө:

— Прөстит менө,.. Костя... Ради Бога... Сьөлөмөй, и морөсөй тыр шогөн, дойөн, синваөн... Ставыс ортсө солькъясьсө. А тэнө аддзи да нинөм эг вермы аскөд вөчны... Мый лоис?! Мый лоис! Коді тадзи чайтис?!.

...Кык томиник нывка да зонка кык лун да вой вөла доддын орчөн пукалөмөн коркө локтісны... Сы мында во колис сэксянь. Вөліс кад, кор сьөлөмъясныс налөн өта-мөд дораныс кыскисны... Но некор Лиза Ёгор Көсьта дорө эз шыөдчылы тадзи меліа нимнас... Гашкө, медводдзасысь төдмасигас өтчыд татчө Кыръядінсянь локтігөн... Важөн, важөн... Сө во сайын!.. “Костя”.. А талун сьлөн ачыс артмис, пыді сьөлөм пельөссяныс кысянькө чепөсийс...

Елизавета Павловна перйис жакет зепсыс дзюляник чышгян да кутіс лөньөдчыны: чышкавны синъяссө, чужөмсө. Көсьта Елизавета Павловнаөс киөдыс кутыштөмөн пуксьөдіс орчөн. Недыр мысти сюся шаркнитіс-пырис и коймөд большевик — Зильган Петыр Вась.

— Но, дона ёртгяс, — пуксис пызан саяс да шыөдчис Кысов. — Вайө сэсся, ёртгяс, лөньөдчыштөй да по-делу сёрнитыштамөй. А де-эла-ясыс ми-ян... вво! — юр вывтгыс шеныштіс кинас уисполкомса шлен. — Ме перво-наперво кора память наших геройски павших товарищей, бесстрашных борцов за Советскую власть в Изъядоре почтить общим ставанием и молчанием.

Кысов ачыс медводз сувтіс, веськөдчис, сы бөрся тшөтш кыпөдчисны и изьядорса куим ловйөн кольөм большевик, вель дыр чөла сулалісны.

— Прашу садиться, — выль команда сетіс Кысов да заводитіс колана сёрнисө. — Вайө заводитамө вот мыйсянь. Кутшөм бумага-документгяс колисны волисполком, гөрд партизанъяслөн отряд да партячейка йылысь? — Елизавета Павловна вылө видзөдөмөн юаліс Кысов.

— Волисполкомлөн коланаджык документгясыс гортын ящикын томан сайын вөліны да некод абу вөрзөдөма. А исполкомса шкапгясысь да пызан йөръясысь ставсө пузлаөмаөсь да косявлөмаөсь, да өні ог на весиг төд, мыйяс кольөмаөсь. А партячейкалысь став бумагаяссө: и сёрни гижөдьяссө, и шуөмъяссө и ставсө, кутшөм бумага вөлі партячейкалөн, первой еджыдьяс локтан лунө пачын соті. Эг куж, кытчө дзевнысө, а кольны эг лысьт. Думайті, аддзасны кө — ставнымлы пом лоө. А партизан отрядлысь став бумагаяссө Миш Горди ачыс видзис. Меным тай эз сетлы-а. Öні сэсся партизанъяслөн спи-

сокыс колис эз, ме ог төд. Да, забыль, сійо ачыс висьтавліс, мөд спикок пö выим кыргядінса военком ордын. Гуся партизангяс йылысь нöшта висьтавліс, но ме сы йылысь нинөм жö ог төд.

— Гөгөрвоана. Волисполкомлысь документгяссö, сідзкö, мыйсюрö вермам аддзыны на, а мый косявлісны да шыблалісны — ковмас выльысь вöчны. Тайö яснö. Но талун миян Изъядорын збыльысьсö абу большевистскöй партячейка, коді эськö веськöдліс Изъядорын став уджнас и олөмнас. Воддза организация йылысь некутшöм документ кö эз коль, кутшöм сёрни? И асьныд сөмын куимөн колинныд, веськöдлысьтöг. Но ме тадз висьтала: эм кö куим коммунист öтилагын — позьö котырны и организация, сөмын колö бөрйыны веськöддысьсöс. Вот вайö öнi öтвылысь думыштлам да и бөрьям.

Сувтіс чөв-лөнъ, ассыныс веськöддысьсöс бөрйысыяс видзöдлісны öта-мöд выланыс.

— Вай бөрьям Ёгор Косьтаöс. Игушев Константин Егоровичöс, — дыр думайттöг водзмöстчис медся том коммунист Зильган Вась.

— Мыйла Игушевöс? Подулав нокö, — юаліс Кысов Вась вылö дзоргöдчöмөн.

А Вась татшöм юалöмсыд прамöя шöйöвошліс, эз виччысь татшöм юалöмтö да.

— Мыйла?.. Мыйла... А сійö миян пиысь медся уна аддзыліс да гөгөрвоö. Германияса коммунистгяскöд на, ачыс висьталö, төдса вöлöма, Роза Люсенбурггяскöд... Сідз вед, Косьта? Мирöвöй революцияöдз Косьта вермас веськöдлыны... Колökö... Сэсся Косьта на миян ловйөн кольöмгяс пиысь Изъядорын медводз коммунистад гижсьыліс и. Да вед, Лизавета Павловна? — сюся на аддзысис, морöй, эз на лёка подулав вöзйöмсö Васьыд.

— Да, Косьта миян пиысь партияö медводз гижсьыліс.

— Сідзкö, тэ, Елизавета Павловна, Игушев вöсна жö?

— Константин Егорович миян куим пиысь медсюсь веськöдлысьөн лöб, — чорыда Вась дор сувтіс и Елизавета Павловна.

Кысов балябöжсö гыжгялыштис, чөв оліс. Сэсся шыöдчис Косьта дорö:

— Константин Егорович, а ачыд тэ мый шуан та кузя?

— Ме?.. Ачым? Мый шуа?.. — думыштчис Ёгор Косьта.

Локтігчöжыс вед сійöс ассыс кöзжайствосö бур ногөн лöсьöдöм да важ и выль чöс туйяссö лöсьöдлөм йылысь мөвпгясыс эз лэдзлыны. Сöглас кö сетас бара партячейкаясөн да исполкомгяясөн ноксьыны, бура ассыс кöзжайство ладмöдöм вылö кадыд оз вичмы. Но дзик веськыда, скөнъ öткажитчыны сылы, коммунисты, бара жö оз шогмы. Ас окотасыс вед сійö босытчис выль олөмсö лöсьöдны. Кыдзкö колö небыдджыка, шыльöдыштöмөн ли мый ли...

— Ме ог төд... — ассыс мөвпгяссö кутіс гораммöдны Косьта. — Но ме чайта, партячейкаөн веськöддысьөн колö бөрйыны Елизавета Павловнаöс. Сійö миян медобразованнöй, Партиялысь быд гижöд первой кыляныс ставсö гөгөрвоас. И ачыс быдтор кужö шуны коть гижны: сёрни гижöд коть, шыöдчöм коть. Сэсся Елизавета Павловна Опонь Митрейкöд нин уджавліс, сылөн отсасысь вöлі... Унатор ськöд тшöтш велаліс. А ме нö мый? Видз-му уджалысь да кыйсьысь, а абу сёрнитысь да гижысь. Ме ногысь, бура вöчам, Елизавета Павловнаöс кö партячейкаөн веськöддыснад вöчам. А ми сылы кутам отсасыны.

Недыр чөв олыштöм бөрын бара шыöдчис Кысов:

— Ковмас висьтасыны — менам, уисполкомса шленлөн, сэтшöм жö мөвп вöлі. Елизавета Павловна вермас веськöдлыны партячейкаөн, и водзö паськöдны да ёнмöдны сійöс. Но содтöд ме ещö и мөдтор на юрын кута: регыдгя кадөн ковмас выль сöвет — сельсöвет бөрйыны. И талун жö колö миянлы думыштыны, кодöс партячейка кутас вöзйыны сэтчö юралысьөн. Гөгөрвоана?

— Зэл на ещö гөгөрвоана, — бара сэтшöм жö сюся шыöдчис Зильган Вась. — Ме воддза шуöмсö ассым, сідзкö, кирита да выльысь

шуа партячейкаон веськӧдлысьӧн бӧрйыны Лизавета Павловна Уляшеваӧс жӧ.

— Зэв бур, — дӧвӧля кыв кӧрталіс Кысов. — Партячейканыд ичӧт на да менам гӧлӧс, кыдзи укомса полномоченнойӧн, лыддысьсӧ жӧ. Тадзикӧн, ӧтсӧгласӧн партячейкаон веськӧдлысьӧн бӧръям Елизавета Павловна Уляшеваӧс. Уездной комитет нимсянь ме пӧся чолӧ-мала Елизавета Павловнаӧс. Ме тырвийӧ эска, мый изьядорса коммунистъяс, кыдзи и водзжык, кутасны нуӧдны большевикъяслӧн Коммунистической партиялысь веськыд, чорыд визь и оз лэдзны недобитӧй белобандитъяслы да кулакъяслы падмӧдны гӧль йӧзлы вель, шуда олӧм котыртӧм. Елизавета Павловна, ставсӧ тайӧс, мый йылысь ми сёрнитім, да мый шуим, колӧ гижны сёрни гижӧдад. Кыдзи сійӧс гижны, тэ кужан. Лунсӧ талунъяӧс и пасйы, а номерсӧ ковмас пуктыны номер один. Воддза сёрни гижӧдъясыд вед, шуан, тшын йыв качисны. Вайӧ куритчыны орӧдчывтӧг, ёртъяс, вель сельсӧвет котыртӧм йылысь сэсса сёрнитыштамӧй. Важ волисполкомнытӧ еджыдъяс збыльсь пӧшти дзоньнас пасьвартӧмаӧс. Колӧ бӧрйыны вель сӧвет. Сиктсӧветӧн кутас шусыны, сельсӧветӧн либӧ. Изьядорса сиктсӧвет. Ті эн ӧтчӧд бӧрйысьӧй да тӧданныд, кыдзи котыртны, и ог кут тӧянӧс прӧстӧсӧ манитны. Но меным быть колӧ тӧянӧс чорыда ӧлӧдны: сиктсӧветӧ бӧрйысигӧн сиктъясад да грездъясад мед тӧянлы эз суйны еджыдъяс дор сулалысьясӧс да кулакъясӧс. Сиктсӧветӧ колӧ бӧрйыны сӧмын гӧль крестьянинъясӧс да, колӧ кӧ нин, сӧвет дор сулалысь середнякӧс. Тайӧ зэв ыджыд кыв кутана, политической мог. Гӧгӧрвоана?

— Тайӧтӧ, бара, гӧгӧрвоана, гӧль йӧзлӧн власьт вӧсна тышкасим, — зболял том большевик Зильган Вась.

— Ставыс лоӧ сы сайын, кодӧ кутас сиктсӧветнас веськӧдлыны. Ӑтик-кӧ, мед быть вӧлі коммунист, сэсса и видз-му да кыйсян делӧ тӧдысь, повтӧм, и мед кулакъяс эз вермыны сійӧс бокӧ кежӧдны.

Зильган Васьлӧн тӧдлытӧгыс дзирнясьыштчысис: да тайӧ жӧ уисполкомса шленыс дзик сы йылысь, Вась йылысь шуис. Вась сэтшӧм и эм. Видз-му уджалысь и кыйсьыштӧ жӧ, повтӧм, небось кольӧм еджыдъяс дор сулалысьяслы да кулакъясыдлы сійӧ пуж петкӧдлас! Найӧ улӧ нюгыльтчӧмӧн кутасны сы водзын сулавны... И куим пиысь сійӧ медся том да сюсь. И виччысис, кор уисполкомса шлен сылысь нимсӧ шуас.

— Ме кӧ эськӧ, — бара Кысов шыӧдчис ачыс, — сиктсӧветса юралысьӧн вӧзйи Константин Егоровичӧс.

Зильган Васьлӧн гӧгӧрбоксянь пӧсь ылькнитіс, став вирыс, буракӧ, ӧттшӧтш юрас ыльӧбтіс — чужӧмыс дон кӧрт кодь гӧрд лоис, и мед некод эз казав тайӧс, мышнас стен бердас жмитчис. А ыльӧбтӧм вирыс юрсӧ дойымӧн топӧдіс... "Н-но... уездса большысь... нинӧм оз гӧгӧрво... Ещӧ и Сӧвет власьт котыртны босьтчӧма дай!.." — скӧраліс уисполкомса шлен вылӧ Зильган Вась.

А Кысов водзӧ нуӧдіс сёрнисӧ:

— Константин Егорович винӧв характера большевик, гӧрд партизан, Изьядорын пыдди пуктана крестьянин-кыйсьысь. Изьядорсаяс асланыс скодъяс вылын сійӧс куимысь нин бӧрйылісны и земствоӧ и сӧветӧ. Ме чайта, партячейка кӧ вӧзъяс Константин Егоровичӧс сиктсӧветӧ юралысьӧн, депутатъяс паныд оз сувтны. Кыдз ті думайтанныд?

— Ме сідз жӧ думайта — сы дор сувтасны, — ньӧти падъявтӧг вочавидзис Елизавета Павловна.

— А, Василий Петрович, тэ мый шуан?

— А ме сідз жӧ шуа, — шедіс жӧ Васьлӧн лолыс гора вочавидзны, мед некод нинӧм эз казав.

— Сідзкӧ сёрни гижӧдад мӧд сёрни кузяыс, Елизавета Павловна, сідз и гиж: изьядорса партячейка сиктсӧветса юралысьӧн бӧрйыны вӧзйӧ коммунист Игушев Константин Егоровичӧс.

Недыр чӧв олыштӧм бӧрын уисполкомса шлен содтіс:

— Талун кежлө ставыс, позьö разöдчыны. Аски асывсянныс выльыс чукöртчылам да урчитам, кодö кытчö ветлам да кутшöм лунгьясö.

Татшöм ыджыд, водзö олан визьсö урчитан шуöмгьясöн и помасис изьядорса дзoляник партячейкалөн еджыдгьяскöд тышкасьöм бöрын первой чукöртчылöмыс.

4

Эз ло сідз, кызди чайтис да ёна көсийс Ёгор Косьта локтигчöжыс. Колö нин эскö вöлі ножмасьтöг чарöм вылас вөрö петавны да тувсовгья ур кыйыштны, и тулыс-гожöм кежлас йöра либö көр яй дасьтыштны. Но мöд лун асывнас Кысов коммунистгьяс водзын сувтöдiс сэтшöм моггьяс, мый вөрö петöм йылыс вöлі думайтны нинöм. Тöвсгья туйгьяс жугласьтöдз, а сэтчöдз уна вылö кык вежон колис ли эз ли, быд сиктын и грездын колö бöрйины депутатгьясöс. Медпервой ылі грездгьясын. А сэгсгья, көнкö, ковмас юяслыс воссьöмсö нин вичысьыны. Рöспута дырйиыд квайтымын верста вöлökгьястö бöрйöм депутатгьясыдылы сьökыд лöв вуджны, оз воны Изьядорöдз.

— Ме сёрнитчи уездкомкöд татчö кольчыны сиктсöвет бöрйитöдз, — юөртiс Кысов изьядорса коммунистгьяслы. — Бöрйиыян кампаниясö нуöдам нельөн. Текущöй политической моментыс талун миян сложнöй и, ме чайта, менам отсöг тияны колö. Ме веськыда повтöг шуа — некутшöм потас ог кольöй недобитöй белöй контралы суйсьыны миян сиктсöвет уджö. Сöмын талун колö сёрнитчыны, кызди миянлы бурджык вöчны. Менам выим мöвп: ставным кө öтлаын кутам ветлöддыны сиктыс сиктö, кадыс этша да огö удитöй. Ме думысь, миянлы, коммунистгьяслы, колö этша вылö кык пельö юксьыны. Сэки кык пöв öдйöджык депутатгьястö бöргьям, и дзикöдз туйгьяс жугласьтöдз, чайта, удитам. Кызди тi думайтанныд, тi вед бурджыка ме дорыс тöданныд ассыйныд тувсов рöспутатö?

— Лун дас мысти, көнкö, прамöйджыка кө шондöдас, миян ёльгьясыд да юясыд оз нин лэдзны вöлөн ни подөн вуджны, польдасны нин, — вочавидзис Ёгор Косьта.

— Вот, вот. Но поводгья вылö ми надейтчыны ог вермöй. Аски жö, медбöргья срок — аскомысь разöдчам сиктгьясö. Ме чайта, надейнöджык лöв, кыкөн-кыкөн кө мунам. Ме аскöд босьта том коммунист Шомысов Василийöс. Менам опыт эм, мед мекöд велöдчас партийнöй удж нуöдны. А сийö сиктгьяссö, йöзсö тöдö. А Елизавета Павловналы ковмас Константин Егоровичкöд. Текущöй политической моментыс Изьядор вöлөсьтын абу сэтшöм, медым öткөн ветлöддыны.

— Колö öружие, мед некод эз лысьт миян вылö кисö лэптыны, — чуйдiс Зильган Вась.

— Миян öружие лöв, а вот кызд Константин Егоровичгьяслы?

— Ме юасгья партизангьяслысь, гашкö кодлөнкө коли наган ли винтовка ли, — көсийысис корсьыны Ёгор Косьта. — Öружие талун миянлы и збыльысь оз на мешайт. Сöмын кызди, Елизавета Павловна, сиктгьясöд ветлöддынытö?

— Ме сöветад секретаралигөн быд сиктын нин эг öтчид вöвлы, и йöзсö тöда. Эн видзöд, Константин Егорович, мый ме юбкаа. Ме некодысь ог пов. Тэ кө мейс он пов-а? — шмонитана нин серöктiс Елизавета Павловна да козыналiс Косьтаöс наяна шпыннылан видзöддасөн.

— Сідзкө та кузя сёрнитчим. Ме кывлі, Косьта абу жö ёна польыс рöдысь, — дөвöля нюмдiс Кысов. — Но ыджыдджыкнас лоас Елизавета Павловна. Сідз, Константин Егорович?

— Сідз, дерт, Елизавета Павловна партячейкаөн веськöддысь, — вочавидзис Косьта.

— Сэгсгья урчитам, кодгьяс кутшöм сикт-грездгьясын нуöдам бöрйисьöмгьяссö. Нокö, вайлы, Елизавета Павловна, сикт-грездгьястö видзöдлам. И олысьгьяссö сэтгьясь, кодгьяслөн кутшöм көзгьяйство да.

— Михаил Ильич, сэтшöм гижöдгьястö да лыдпасгьястö ме верма дасьтыны сöмын пажын бөр кежлö.

— Бур, пажын бõрын, сідзкõ, выльысь чукõртчылам. Ставыс.

И изьядорса коммунистыяс бара на пажын бõрõдз гортгьясаныс разõдчисны.

Выльысь мужикгьяс исполкомõ чукõртчисны, да Елизавета Павловна эзн нин пукаліс. Пызан вылас бумага лист чукõр.

— Со, Михаил Ильич, мый верми бõрйыштны, — мыччис Елизавета Павловна орчõн пуксысь уисполкомса шленлы некымын бумага лист.

Кысов зуныгысис да лõня, тэрмасытõг, некод вылõ видзõдлытõг видлаліс листгьяссõ, весиг полевõй сумкасыс перйис карандаш да тетрадь, мыйкõ кутіс черкйõдлыны-артавы, чукрõдліс плешсõ.

— М-да-а, — шыõдчис жõ сэсса Кысов. — Оз ло кокни тані кывзысысь, гõль йõзлысь пролетарскõ-крестьянскõй сõветтõ бõрйыны... О-оз-ы-ра ті оланнуд. Весиг кык мõска крестьянинõс кõ бедняк лыдõ босытны, і то нелямын прõцентысь на этшаджык беднякыс, а мукõдыс ставныс, артмõ, середняк-кулакгьяс... А ті танõ нель куканя-мõска крестьянингьясõс середнякõ сюяннуд... А сэтшõмыд... тõданнуд мый? Сэтшõмыд аския кулак, вот мый ме тїянлы шуа... М-да-а... Тїян вõлõсытануд со, кыдзи арталõма Елизавета Павловна, сõ комын нель овмõс пиысь сõ дас кыкыс куим да унджык мõска-куканя, а эмõсь кõкгьямыс мõска-куканя да вит вõла овмõсгьяс. А найõ тõданнуд кыдзи кутасны ассыныс йõзсõ сõветад суйны? Онõй? А ме тõда, ог первойысь бõрйысьõмгьястõ нуõд.

— Ми тай кольõм во куимысь ли мый ли бõрйысылім да некодõс торгья эз суйны-а, — шыõдчис Ёгор Кõсьта. — Сэсса вед, Михаил Ильич... Куим мõс-куканыд нõ овмõсад кутшõм сійõ озырлун... Быд керкаын кõ сейысыс кõкгьямыс-дас морт да унджык. Мыйõн кõ вед найõс колõ вердны. Быть видз мõсгьястõ да вõлгьястõ.

— Константин Егорович, — чорыда видзõдліс Кысов Ёгор Кõсьта вылõ, сэтшõм жõ чорыда и кывгьяссõ крапйõдліс. — Мõдысь висьтала: кык-куим мõска да сымда жõ вõла крестьянин век кõсйõ водзõ озырмõдчыны. Кымын унджык сылõн, сымын унджык колõ сылы... Вот тадз. Сы вõсна ме бара шуа, мед бура тõд выланыд кутіннуд: сэтшõм крестьянин аския кулак, контра. Ми тышкасим гõль йõз вõсна, гõль йõзõс и колõ бõрйыны сõветõ. На вылõ мянлы, коммунистыяслы, мыджсынысõ колõ. Тадзи Ленин велõдõ. Тэ, Константин Егорович, кольõм вотõ эн казтывлы. Сэки найõ еджыдгьяс вылõ на надейтчисны... Чайтїсны — найõ вермасны, да важ мозыс лõõ. И со мый, сволочгьяс, вõчисны. А Керõсаныд тїян, позьõ шуны, дзик контра поз. Кодгьяс восьсõн тышкас еджыдгьяс дор пырисны, ме найõс меститі. Но колисны гусьõн пурысыс. Став сиктыс Трипан Олõш кулак вокгьяс дор вõлõма. Сиктас дас õкмыс овмõсысь со дас куимыс куим-сизим вõла, да сы мында жõ мõска. Налы позьõ эскыны?! Ме ачым сэтчõ ветла Шомысовкõд. Ме налы пуж петкõдла, заводитласны кõ ныргьяснысõ суйны сõветõ. Гõгõрвоана, мый колõ, кодгьясõс колõ сõветõ бõрйыны? Оти кывйõн, сэтшõм йõзõс, кодгьяс сулалõны большевикгьяс дор! Бура сюркнитõй тайõс пельяс саяныд...

— Гõгõрвоана, Михаил Ильич. Ми йõзтõ тõдам да кулак коддõмгьястõ бõрйыны ог лэдзõй, — лõньõдіс укомса уполномоченнõйõс Елизавета Павловна.

— Ме верита, — лõняджык нин кыв кõрталіс сійõ. — А õні сэсса коді кутшõм сиктгьясõ. Ми кõ Шомысовкõд мунам Керõсõ, сідзкõ ми жõ бõрйысьõмгьяссõ нуõдам Изьва горувса сикт-грездгьясас: Одõсõдз лэччылам, бõр локтїгõн Нямõдын нуõдам, і удитам кõ — Вежавожõдз пыравлам. А ті, Елизавета Павловна, выльыса сиктгьясас: Гораягын, Переволõкõ кык вок дорõ ковмас пыравлыны — мед коднысõкõ асьныс иңдасны, Шушунын і Ягкõджын. А тані локтам да õтвылысь нуõдам. Тадз? Гашкõ кодлõнкõ мõд пõлõс вõзйõм выим? Абу? Бур. Константин Егорович, тэ õтнад колин мужикгьяс пиысь воддза бõрйылõм исполкомысь. Вот, сійõ власьтõн бõрйы кык вõв, медбургьяссõ.

Ачыл тѳдан, кодъяслысь. Медводз сиктсѳветлы вылѳ конфискуйт еджыдъяс дор сулалысьяслысь, кодъяслѳн коли на. И медкокни да медлѳсьыд додьяссѳ. Дыркодь ковмас ветлѳдлыны. Гѳгѳрвоана?

— Бур. Ме талун жѳ и бѳръя да дасъта аскомысь кежлѳ и вѳвъяссѳ и додьяссѳ, — кѳсийсис Ёгор Кѳсьта.

— Став йывсысь, буракѳ, сѳрнитѳма лои. Вайѳ шойччыштѳй да лѳсьѳдчѳй, — лѳдзис изъядорса коммунистьяссѳс гортас уисполкомса шлен, укомса полномоченнѳй.

5

Ёгор Кѳсьта сийѳ жѳ рытнас ветлис Ош Митрѳпанъяссѳ: Кѳсьта тѳдис — Изъядорын сылѳн медсюсь вѳвъяс. Весъкалис — буретш вѳлѳм ужнайтѳны. Ыдждыл пызан сай тырыс верстыѳ йѳз пукалисны: пызан помас ачыс кѳзьяиныс да орччѳн Маланыс бѳра улѳс вылын, медадждыл пиыс Опоньыс да Вера моньныс ар вита нывкѳд, верстыѳ жѳ нин, но гѳтрасытѳм на пияныс — Иваныс да Олъѳксаныс. Эз вѳв сѳмын Гришаныс. Но Кѳсьта тѳдис нин: Ош Митрѳпан Гриша эз сѳмын татчѳ еджыдъяс волѳгѳн налы отсась да лѳкав, но накѳд жѳ и мунѳма Изъядорысь да онь ни бус ѳнѳдз.

Пызан весьтас ѳшалѳс югыд стеклѳа абажура лампа да бура югзѳдѳс пызан вывсѳ да пызан саяс пукалысьясссѳ, и ыдждыл керка пытшкѳссѳ тшѳтш ставсѳ.

— Бур рыт. Нянь да сол, — кульыштѳс шапкасѳ Кѳсьта, воськовтѳс порог дорсыс да кыйкнитлис синъяснас, кытчѳ пуксыывны Ош Митрѳпанкѳд сѳрнитыштны.

Ош Митрѳпан паньсѳ кысыс лѳдзтѳг синъяссѳ читкыртыштѳмѳн видзѳдѳс пырысь вылѳ, тѳдис Кѳсьтаѳс да паньсѳ пуктѳс пызан вылас.

— Ё-огор Кѳсьта вѳлѳма, — нюжѳдыштѳс кывъяссѳ Ош Митрѳпан. — Висъталѳсны эськѳ, локтѳмыд жѳ пѳ да... Шойччы-шонтысь, Ёгорович. Кузь кокъяса на, буретш ужнайтам. Лок пуксыы миянкѳд тшѳтш панясыыштны.

— Менам ужнайтѳма жѳ нин, муртса пызан сайысь, — корѳмсыс атъѳаланамоз вочавидзис Кѳсьта. — А пуксыыны пуксыылла, сѳрни выим да. Могѳн моз пыри.

Кѳсьта пуксис пач бокас сулалысь бѳра улѳс вылѳ жѳ, веськыл коксѳ шыбитѳс шуйга вылас да мыджсис кыкнан кинас, шапкасѳ киясас кутѳмѳн, пидзѳсас.

Ош Митрѳпан ѳна видзѳдѳс Кѳсьта вылѳ, тѳдчис, мый сылы зѳв колѳ вѳлѳ мыйкѳ юавны Кѳсьталысь, но кутчысис. Кѳсьталѳн аслас мог йылысь висъталѳмыс сийѳс, буракѳ, торкис. И сийѳ веськѳдя нин чѳвтѳс:

— Мог кѳ нѳ суис — дерт... Вермам кѳ могмѳднысѳ-а...

Изъядорын быдѳн тѳдис Ош Митрѳпанлысь топыдлунсѳ: оз, небось, сийѳ чѳпѳсий мукѳдлысь могъяс могмѳдны да отсыштны, да Кѳсьта лѳня, но чорыд гѳлѳсѳн висъталѳс:

— Абу эськѳ ыдждыл, да государственнѳй мог, Митрѳпан Иванович. Власът лѳсьѳдан мог. Уездсян тшѳктѳны Изъядорын выль сиктсѳвет бѳрйыны. Ачыл тѳдан, мый еджыдъяс вѳчисны кольѳм во бѳрйылѳм сиктсѳветыдкѳд. Колѳ вѳла-доддя ыли сиктъясѳ депутатъяссѳс бѳрйыны ветлыны.

— Мед ветласны да бѳръясны, выль власът кѳ колѳ.

— Тѳнѳ тшѳктам ѳти вѳла-доддясѳ аскомысь асыв кежлѳ лѳсьѳдны.

— Мыйла менѳ? Меысь ѳддор сѳсся некодлѳн вѳл ни додь абу?

“Но, Ош Митрѳпаныд оз нин вежсы, кутшѳмѳн чужлѳма, сѳтшѳмѳн и мѳдар югыдас мунас”, — скѳрысь аслыс думыштѳс Кѳсьта, но гора водзѳ шуис скѳравтѳг, но чорыда жѳ.

— Ѳтик-кѳ, тѳян конюшняд квайт вѳл...

— Ква-айт... — нюжѳдѳс Ош Митрѳпан. — Йѳзыдлысь кокни лыд-

дыны, он торксы. Арёса-джынъя чаныс вёл жё? Сэсса ёти тыра кёбыла...

— Вай, Митрёпан Иванович, ог кутёй артасыны, ме зэв бура тёда, кодлөн кутшём вольяс да додьяс. Весиг мегырьяссё. А мянлы колё, мед вёли и вёлыс сюсь, и доддыс бурджык. Ачыс Кысов сійён ветлөдлас.

— Эсійё кузь шынеля да револьвера гёпушникис али мый? — скёрысь юалис Митрёпан.

— Сійё, Митрёпан Иванович, абу "гёпушник", а ОГПУ-ысь следователь, и уезд исполкомса шлен. Уездысь локтём Сёвет власьт. Колё гёгорвоны. Сэсса тайё тэныд сиктсөветлөн тшөктём, задание. Аскомысь асыв мед сэтшём вёла-доддя вёли сиктсөвет дорын. Колысысь оз кол. И бурджык не ыргянитны, — скёрысь нин өлөдис Ёгор Кёсьта да чечис улёс вывсыс.

Ош Митрёпан сылы вочавидзис Кёсьта шапкаасигён нин, бурасян гөлөсөн.

— Ладнө, Ёгорович, эн скөрал, сиктсөветлы кё колё — бур вёла-доддя лөсьөда, дөвөл кольё тэнад уездса начальныкыд.

— Абу сійё менам начальник.

— Ладнө, ладнө, эн, мися, Ёгорович, скөрал. Ме ещө отитор юалны тэнсыд кёсии ветлыны тэ дорё, а тэ со ачыд пырин... Ёгорович, тэно вед еджыдыс дорё жё нулисны. Миян Гришакөд эн паныдасылы некөн?

— Эг. Эг кылы ни, — скөралөмсө дзёбөмөн жё вочавидзис Кёсьта и петис.

Петём бөрас нин Кёсьта аслыс пасйис: Ош Митрёпанкөд сёрнитигён пызан сайын пукалысыс ставныс жё паньяснысө пызан вылас пукталисны, но найё сёрниө некодi ни ёти кывйён эз суйсыны. Бура велөдөма Ош Митрёпан пиянсө.

* * *

Ёгор Кёсьта босьтис ассыс гётрасигас на сылы торйөдлөм вөвсө. Лыскосё жалитис кузь тудя босьтны — ёна нин сійё пёрысьмөма да. Батысьяслысь и важ шпура додьяс лөсьөдис. Матё лун джын ковмис сійён ноксыны: сиралём гез помъясысь вель заветкаяс лөсьөдис (мед эз вывтi котасыны да нюжавны, ёна кё ульдас) да бура гартыштис додья вожьяссө; разсө додья пьдөссыс вежис, додья бокьяссө вөсньыдик вель гезйён жё кёртавалис — важыс ройкмунёма нин. Вельысь гётёр виддалис: додья сювьясыс, письясыс, синлэптөдыс и бөрыс крепьдөсь на вёлины, да Кёсьта дөвөл колис: эз ло кадсө прөста воштөма — ёни тайё додьяд дыр на майшасьтөг поэяс, ковмас кё, шливъявны.

Мөд асывнас Ёгор Кёсьта додьясис да водз — муртса югдыштис — локтис сиктсөвет дорё. Кильчө өдзөсыс восьса нин вёли, и сійё домалис вөвсө кильчө сюръяас да первой пыравалис исполком керкаас — сэни некод эз вөв. Бөр петис да пырис Елизавета Павловна ордө. Сійё туй вылө моз жё нин пасьтасьөма.

— Но, Кёсьта нө локтин нин. Сидзкө, ме сёйөма-юөма жё нин да позьё и туйё петны. Сөмын час идралышта мыйскөрө, лун-мөд кежлө вед мунам, — сувтис джодж шөрас Елизавета Павловна да нюмъялис Кёсьталы.

— Тэ эн тэрмась, Кысовьяс абуөсь на, да Ош Митрёпан на эз петкөдчыл ни. Ме мөдарас виччысьла ставнысө. Оттшөтш нин туяс петам, — лөньюдис Елизавета Павловнаөс Кёсьта.

— Сидзкө, ме час өдийө. Кыкнад регыдджык лоө виччысьнытө.

Елизавета Павловна пелька шуркнитис пачводзас, а Кёсьта бөр петис исполкомө.

Ош Митрёпан кутис жё кывсө — ачыс сиктсөвет керка дорё көрзина додьяс додьялөм Гнедөйсө вайөдис. Додья тырыс турун.

Дыр виччысьны эськө сэсся Косьтаяслы эз и ковмы, весиг ас коста-ныс сёрнитыштны эз удитны. Да водзын вед налён кузь туйыс да ставсö удитасны сёрнитны Елизавета Павловнакöд. Ся, гашкö, унджык тöдö, кодi кöни...

Медводз шуркнитiс öшинюлас Ош Митрöпан, домыштiс вöвсö Кось-та вöвкöд орччөн мöд кильчö сюръяас, тэрмасьтöг пырис исполкомö. Пöрчис кузь гöна ыж ку шапкасö, корсьыштiс синъяснас ен ув пельöссö, эз аддзы Енлысь ни öти öбраз да сiдз асыввыв пельöсланьыс бергöдчöмөн гöна юрсö улö копыртлöмөн пернапасасис. Збыльысь, Ош Митрöпанлөн дзормөн ус-тошъясыс öтлаасьöмаöсь сэтшöм жö, быттьö пöймөн пызыналыштöм юрсиыскöд, да юрыс ош юр кодь и вöли: сöмын ёся видзöдысь гöгрöс синъясыс да на костысь чурвидзысь кыз нырыс и шыбитчисны синмад гөн писыыс.

— Бур асыл, да бур лун мед Енмыс сетас тiянылы, — пыдди пук-тана видзаасис сиктсöветын виччысьысьяскöд Ош Митрöпан. — Вот Ёгорович, кызди кöсийси. Медшань вöлнымöс, Гнедöйнымöс доддяли. Тiян тай эськö öти вöла-доддя сулалö нин да... Гашкö оз нин и кол сэсся?

— Сийөн ми Елизавета Павловнакöд вылыс сиктъясö мунам, а тэ-над вöлөн Изьва горув лэччыласны.

— Кык вöлөн нö сiдзкö... Кильчö дорас асланыд, буракö, вöлыд да?

— Аслам.

— К-хе, — тшöкнитiс Ош Митрöпан. — Сэсся нö виль власьтыд мыйкö мынтыштас оз вöла-доддя сетлöмсьыд?

Косьта видзöдiс Елизавета Павловна вылö. Сийö сöмын гөгөрвотöг топöдiс пельпомъяссö, да вочавидзнысö Косьталы аслыс жö ковмис.

— Öдвакö регыдяь кадö. Виль власьтыс бöрийтöм на, а еджыдыяс, дерт, миянлы эз колыны.

— Колясны... — лöга содтiс Елизавета Павловна. — Йöзсö гра-битiсны. Прокö Öньö да Як Митрей вед сиктысь сиктö ветлöдлöмөн зэв уна сьöм чукöртлiсны. Шуисны — Ляпинысь нянь сы вылö ньö-басны да ваясны, а усйысисны да йöзыслы нянь эз вайны, ни сьöмсö грöш йöзыслы эз бергöдны.

— Да, вöли сэтшöмыс, ме вель жö уна налы нянь вылö сетi, да ог тöд, кодлысь öни корны, — кияссö шевгöдлöмөн Ош Митрöпан видзöдiс Елизавета Павловна вылö. — Но да... кодкö вед тöдмалас жö, кытчö вошис йöзыслөн сымда сьöмыс. Гашкö, уездса начальникыд тöдö нин?

— Ме ог тöд, — Ош Митрöпан видзöдiс Елизавета Павловна вы-лö, да сылы быть ковмис кодкö вöсна вочавидзны.

— Да-а, о-он, дерт, ставсö тöд, — ачыс жö наян юасьысьыс и дорйис быттьö мыйыськö Елизавета Павловнаöс да сэтчö жö и сод-тiс. — Бара кö виль власьт лöö, и сьöм коркö сылөн лоас. Сьöмтöм власьт кутшöм власьт. Сiдзкö, Елизавета Павловна, пасйышт кытчöкö сиктсöветлы вöла-доддя сетлöмтö. Мед оз вун.

— Оз вун, пасьям, — Елизавета Павловна пыдди вочавидзис Кось-та дöзмыштöмөн нин.

— Пасьялöмыд пöрадок лöсьöдны отсалö, — велöдiс нин Ош Мит-рöпан том йöзöс. Сэсся Косьта дорö шыöдчöмөн корис: — Тэ, Ёго-рович, висьтал уездса начальникыды, мый миян Гнедöйлы оз кол плеть ни ньöр, мед ас вöлясьыс рöдтыны лэдзасны. Чожа рöдтас. Да шойччöдiгас мед ыркалтöдзыс оз юкталны, ни оз туруналны...

— Иваныч, ся вед миян кодь крестьянин жö, тöдö, кызди вöль-яснад вöдитчыны.

— Тöдныд эськö, колöкö и, тöдö да... Меным тай юасигас эз на дзик миян кодь кажитчы-а... Йöзыдлысь вед мукöдъяс оз на зэл жа-литны да, — шапкаасигмозыс нин шуис Ош Митрöпан. — Висьтал, Ёгорович. Кöзьяныс, шу, корис. А меным сыкöд абу окота сёрнитны. Висьтал: турун улас мешöкын зöртор на пуктышти-й.

— Ладнö, висьтала, эн шогсьы. Сэсся вед ся оз öтнас ло, изъя-дорсакöд жö мунö, Зильган Петыр Васькöд.

Ош Митрöпан кыліс вьль нимтö да порог дорас нин сувтыштліс, юрнас довкйöддыштіс.

— Сетöма жö Енмыс миян Гнедöйлы сійö доддын ветлöддысьясöс! Кутшöм надея нö поэö зильгангяс вылö кутны! Ен могысьөн, начальникыдды висьтал, мед вöлсö жалитöмөн ветлöддасны, — öдзöссö тöддытöгыс крапкымөн жугультчöм Ош Митрöпан сэсса петіс жö. Кильчö вывсьыс лэччöм бöрын матыстчыліс Гнедöй дорас, тапкө-дыштіс сьыліас, зепсьыс перйіс вывтыс солыштöм нянь шөрöм, сетіс Гнедöйыслы босьтны кисьыс аслас кыз льöбьясөн да вöлисти сикт-сöветланьö бергöдчывтöг варгультіс-муніс гортас.

Муртса Ош Митрöпан удитіс сиктсöветысь мунны, и Зильган Петыр Вась, водзджык, а сы бöрся и Кысов локтісны. Вась гöна пася да кыйсян пицала, киас дзольник ноп мешöк кодь. А Кысов кызди быд лун — кузь шынеля да öтар-мöдар бокгьясас öшалысь нагана да полевöй сумкаа.

— Ставыс дась, поэö по-коням, — гажаа, быдöнкöд киасьöмөн видзаасис Кысов.

— И вöлгьяс, и ми асьным дасьöсь жö, ті кө дасьöсь, — ыджыдалысьлы моз висьталіс Кöсьта.

— Аддза. Бур. Сідзкө тадз: ми Васькөд вниз по Изьве матушке-реке талун, көнкө, Керöсöдз. Сэні узьмöдчам, тшöктам мöд лунö сиктса скод рытгорув кежлас чукöртны. Узям и водз асывнас Öдöсö. Сэні ми луннас и чукöртлам скодсö, медем рыт кежлас бөр воöдчыны Керöсö. Öдöсын, чайта, некутшöм тшупöд-джопкангяс оз лоны, коді колö, сійöс и бөрьям, а вот Керöсын... Но... мед виддасны водзсасыны меным, — Кысов кыпöдліс шамыртöм кулаксö аслас ныр-вом водзö. — А ті?

— А ми, көнкө, талун сразу Перевölököдз ветлам, — Елизавета Павловна вылö видзöдöмөн кутіс висьтаваны Кöсьта. — Мунігмоз Гораягö пыралам да тшöктам жö, мед аски кежлö скод чукöртны дасьтысясны. А Перевölөкад ми кык воккöд сёрнитчам, кодныс депутаталасны. Васьсö тай веқджык ыстылöны-а. Сійö кыв-вораджык.

— Да, кык вокгьяслөн гырысь челядь выим. Колö ставнысö чукöртлыны, кодлы кызь арös тырöма, да сідз накöд сёрнитны, — тöдчöдіс Кысов. — А бөрйыны колö, дерт, батысьгяс пиысь коднысöкө.

— Ме сідз и думышті. Елизавета Павловна, кызд думайтан?

— Ме дзоньяс сöглас тэкöд, кызди висьталін. А Гораяг бöрын сэсса водзö кызди слöймыны кутам.

Елизавета Павловна чуньяссö куснялөмөн мыйкө лыддьöм бöрын содтіс: — Артмö, вит лун миянлы сідз и тадз ковмас.

— Мыйта ковмас став депутатсö сэтысь бөрйыны, сы дыра кутанныд и ветлöддыны. Мöдысь ветлөм сэтчö оз ло, — чорыда кыв көрталіс-өлөдіс Кысов.

— Да удитам, оз на туйгьсыд öти лунөн пасьмунны, көть кутшöма оз шондöд, — лөньюдіс ёртгьяссö Кöсьта.

— Ладнö. Понятнö. Поехали, — öвтыштіс кинас Васьлы. — Да, вöладоддьяссьыс кодыс миянлы?

— Көрзинааыс. Ош Митрöпанлысь босьтім. Вöлыс сюсь, плетьтöг тиянös нөбөддас. Турун пиас зöрттор весиг пунктöма Ош Митрöпан, — висьталіс жö Кöсьта Ош Митрöпанлысь корөмсö. — Час ме тиянös кольбөда додь дорөдзныд, а, Елизавета Павловна, тэ пасьтась жö.

Додь дорас Кысов киасьöмөн прöщайтчис Кöсьтакöд.

— Сөлöй, а ме час вöжжинытö разя.

Кöсьта разис сюръяö көртыштöм вöжжисö, и сійöс зэлөдіс Кысов ачыс, а Кöсьта домöдыс кутöмөн бергөдіс вöвсö сиктысь войвывлань петан туй вылö да лэдзис. Кысов муртса вöжжинас и шлячнитыштіс, и Гнедöй öдöбтіс чожа рöдтыны.

Петіс и туйö пасьтасьöм Елизавета Павловна. Öти киас вель ыджыд ёкмьль — зэв мича дзоридзьяса кашемир чышгьянö тубыртöм көлуй ли, туйвыв сёян ли, мөдас карнан. Клопкис кильчö öдзöссö, накöсалис карнаннас сійöс öдзöс вуггяс суйöмөн да лэччис Кöсьта дорö.

— Со, ме дась, — сувтіс Косьта водзё Елизавета Павловна.

— Пукты мича тубрастё додь нырас пыдоджык, мед оз усь, да пуксы маличаяс вылас. Гашкё ковмас войяснас мунігөн. Ме кыкёс босьті.

— Менам вед эм жё маличаыд, верма босьтны.

Косьта овтыштис кинас:

— Тырмас кыкыс, пуксы.

Елизавета Павловна тубрассё нырас пуктём бёрын сёліс доддяс, Косьта разис вёжжисё кильчё сюръясыс да сёліс жё Елизавета Павловнакөд орччөн, вөрзёдіс вёвсё да веськөдіс туй вылас лунвылө.

6

— Н-но, Вильё, гажаджыка вай, — кыкысь шлячнитіс вёжжинас вёлыслы бокъясас Косьта сиктсыс петём бёрын, и Вильё сылөн казямён тэрыбджыка кутіс джопйөддыны кокъяссё туй тшупөдъясас.

— Код нө татшөм мича нимсö кыскö сетöма вöлыдды? — шыөдчис Елизавета Павловна, мед не чөв пукавны да ачыс лөня, меліа шусу кажитчөм вөв нимсö. — Вильё...

— Ме ог төд, меным тая нимнас нін вичмис. Бабаяс пиысь, көнкө, кодкө. Вильышкодь вөлөма да... — мыйкө ассыс юрас кутёмөн вочавидзис Косьта. Сэсса төждысьөмпырысь видзөдліс Елизавета Павловна вылө. — Ме вот юрөс жугла, код дорө мянлы Гораягын пыраллыны да кодөс тшөктыны аски кежлад сиктса скодтө чукөртны? Воддза сөветө бөрйылісны Йөра Петыр Ольөксанөс, Петыр Трөпимөс да Вась Öндрей Васьөс... Ловъя өтнас Вась Öндрей Вась коліс. Ме видзөдлі тэнад гижөдъясысь, да сылөн овмөсас куим вөв, нель мөс да кукань. Сёйысыс эськө сизим душ жө да, а уджалысыс кыкөн. Посни челядыс ещө да. Кызди сійөс лыддыны? Абу, дерт, дзик гөль овмөс. Но шөркоддьöма олысыяс найө, али зажиточнөйяс?

— Ме лыддя шөркоддьöма олысыясөн. Зажиточнөйөдз налы ылын на, — падъявтөг вочавидзис Елизавета Павловна.

— Гөльджыкъяс пиысь кö быттё — позьö Петыр Öнью дорө пыраллыны. Сылөн овмөсыс быттё өти вөл сөмын, мөска-куканыс эськө куим жө. Но семьятө вед кызкө быть верд. Сія эськө гөрд партизанад эз гижсылы, но век вөлі мян дор. Вот сөмын... воксö, Петыр Трөпимтө мучитөмөн виөмаөсь да, эз-ө повзы?.. Эз-ө чорзөдчы да Сөвет власть дорсыд өтдорчты? Кысовыд тай висталіс...

Ёгор Косьта видзөдіс Елизавета Павловна вылө да быдсөн чуймис, сэтшөма сылөн друг чужөмыс вежсис: видзөдласыс чорзис, вом доръясыс топалісны, скөрмисны.

— Да, виисны... Война вылад тай виалöны... век виавлісны да водзё, көнкө, виавны кутасны. Но и мый?! Менсым тай Михайлөс виисны жө да... Öта-мөд дорө эг удитөй дзикөдз велавны, радейтны... — Елизавета Павловналөн доршасис синваыс, а гөлөсыс кыліс дзик выль ног: чорыда, скөра. — Меным, сідз кö, колö чорзөдчыны Сөвет власть да партиялы паныд?! Мөдарө, колö чорзөдчыны на вылө, кодъяс виисны, кодъяс выль олөмсö котыртысь-тчысыяслы паныд сувтöны. Ме думысь, колö Петыр Öнью дорө пыравлыны. Сы коддьөмъяс вылө тай и тшөктö мыджсыны Михаил Ильичыд. А сійөс партиялөн уезднөй комитет татчө ытіс.

— Ладнө, сідз и вөчам, пыралам Петыр Öнью дорө, — сөгласитчис Косьта.

И тайөн сёрниныс орис. Кыкнанныс заводитлөм сёрнисö Гораягөдз ас кежсыс видлалісны-донъялісны.

Петыр Öнью вөлі гортас, лабичас пукаліс да шыран, буракө, вөлөм кеслө. Төдіс пырысыясөс да напилөксö и шырансö пуктис өшинь вылас. Ёгор Косьта кепысыяссö да шапкасö чөвтис порог дор лабичас да матыстчис пукалысь Öнью дорө, нжөддіс сылы кисö:

— Видза олан, Öндрей Петрович.

Петыр Öнью места вывсыс чеччывтөг топөдліс Ёгор Косьталысь

кисо, сэсса и орччон нуюддөм кион жо сулалысь Елизавета Павловнакөд сидз жо видзаасис.

— Но, виччысьтөм гөсьтгяс пырисны... Войдөрлун эськө кылсыйлис нин да: Ёгор Косьта пө ловъя... Горгас локтөма... И збыльысь со... ловъя. Пуксьой, шойччой-шонтысьой нө, Гораягөдз нин кө воинныд. Водз чеччөмныд да кытчөкө моддочөмныд?

Гөлөсас Петыр Оньолон некутшөм буралөм ни пыдди пуктөм эз вөв. Сийö нуюддчылис өшинь вылас жо куйлысь табак кошелысла да тэрмасьтөг кутис гартны чигарка.

Ёгор Косьта гөгөрвотөг эз ов, мый көзяиныслы налөн пырөмыс дзик эз вөв сёлөм сертиыс — весиг төдса туй йөзөс пөрччысьны эз кор. Но Косьта нинөм эз петкөдды: пырөма-вөчөма, колө асланыс мог йылысь сёрнитыштны.

— Пуксьыштлам, Елизавета Павловна, — корис партячейкаон веськөддысьсөс да тшөтш пуксисны лабичас. — Мудзны эськө эг мудзöй — вөлаөсь да, ывла вылас кынмыон абу көдзыд ни, но пуксьыштлам, могөн моз, быттьö, пырим да.

— Кутшөмкө мог нин сэсса ме дорö тиянөс суис, — пыдисянь кыкыштлис чигаркасö — муртса чигарка помыс бион эз ыпнит, да чатөртчөмөн пөлыштит табак тшинсö, и ныр пырыс лэдзны на нөшта тшыныс пытшкас кольлөма.

Ольөксан Паладь, Петыр Оньолон гөтырыс таркъялис жо — кыкысь нин петавалис керкасьыс пырөм гөсьтгяс вылө видзөддытөг, ни кыв ни джын шутөг, а öни могөн пырөм йывсыд кывлис да, пачводз залавка дорас сёрнитысьяслы мышкөн сувтис, Пельяссö, буракö, чошкөдис.

— Елизавета Павловна, тэ кө ачыд висьталан-а, — корис Косьта Елизавета Павловнаөс.

— Бур. Голь да шөркоддөма олысь крестьяналы, Андрей Петрович, Изъядор вөлөстын выльысь колө котырты ассыныс власьтсö — Сöвет власьт. Вот мян партячейка шуис бөрйыны сиктгясысь депутатгяссöс выль сиктсöветö...

— Мыйся ячейка шуис?

— Партячейка. Но... изъядорса коммунистьяслөн организация...

— Вот и бөрйöй, шуинныд кө... Бара... А ме нө мый?

— Тэ, Андрей Петрович, век вөлин Сöвет власьт дор. Вот, ми көсьям тэнö корны отсавны Гораягын аски кежлө сиктса скод чукөртны. Скод вылас и бөрьям Гораягысь сиктсöветö депутатгяссöс.

— Некутшөм сөвет мям Оньöлы оз кол, и ин некутчө кыскöй, — виччысьтөг скöрысь, сёрнитысьяслань бергөдчывтөг суйсис сёрниас Ольөксан Паладь. — Öти вок сёлөн, шонъянöй, партизаналис да сөветалис нин... Коньөрöй. Мыйла Петыр Трөпимгясад ин пырöй? Видзөддинныд эськө, мый керсьö Иван Марьякөд... Öтнас, коньөранöй, челядыскөд колис.

* И Косьта, и Елизавета Павловна татшөм скöрысь на вылө уськөдчөмсыд падмыштлисны. Первой аддзысис Елизавета Павловна.

— Мед модысь сэтшөмыс эз ло, сийөн и колө ассыным крепыд власьт сувтөдны. Мед некод водзö эз лысьт уджалысь йөзөс нартитны да кисö на вылө лэптыны.

— Модысь сэтшөмыс оз ло, еджыдгяс, буржуйяссöс дорйысьяс, быдлаын нин сетчисны. Öни быдлаын Сöвет власьт сувтис. И Изъядорын мянлы колө сувтөдны, — содтис Косьта.

— Тиянлы кө колө, ти и сувтөдöй, а Оньöөс ин ылөддöй. Ме ог лэдз сийөс: ог көсий, мед сылысь ки-кокгяссö чеггялисны да юрсö кералисны, мед посни челядь баттөг быдмисны. А мян меддзоляыслы öдва на арөс тырис.

— Ме шуи нин: сэтшөмыс, мый лоис Изъядорын, сэсса некор оз ло. Ог лэдзöй. А Петыр Трөпим Сöвет власьт вöсна ловсö сетис да Сöвет власьт и отсалас сылысь челядсö быдтыны. И став голь йөзлы отсалас воддза дорысь бурджыка олны, — Ёгор Косьта надейтчис на синны ас дорыс Петыр Оньöөс, но Паладыс сёлөн эз лэдзчысь, а водзö ещö на ёнджыка скöралис.

— Отсалінныд нін тай, мися, Иван Марьялы... А миянлы некутшом отсасысьяс оз колны. Асьным нін, кызди вермам. Ен отсөгөн. Инёй, мися, ылөддөй, Ёньёс. Ог лэдз! Челядькөд порог вомён уськөдчам, а ог лэдзёй. Миянөс таялөмөн кө оз пышйы... Ен могысьөн, ин, мися, ылөддөй Ёньёс, мунёй миянысь да некор ин пырёй татшөм могнад. Ен прөститас менё татшөм кывъясысь, — Ёльөксан Паладь бергөдчыліс жё сэсся чужөмнас ен ув пельөслань, некымынысь пернапасасис да бөр мышкөн сувтіс.

— Збыльысь, прөстө манитчанныд. Ме тиянлы татшөм делөын абу отсасысь. Ог куж ни, — Паладь дорсыс небыдджыка, буракө, көсийс помавны сёрнисё Петыр Ёньё да босьтіс ёшинь вылас эновтлөм уджсё.

Елизавета Павловна кыліс, кызди вирыс зэлөдіс чужөмсё, юрси йылөдзыс, көнкө, гөрдөдіс: налы индісны өдзөс вылас кортөм да мустөм гөсьтъяслы моз! Татшөмыс ськөд некор на эз вөвлы! Көсийыліс на эскөдана кывъяс корсьны да шуны, мый Сөвет власьтсё налы вылө лөсьөдөны, но эз нин вермы. Чеччис лабичсьыс да кутчысьөмөн, мед скөр йывсьыс медбөръя кывсё не шуны, корис Көсьтаөс.

— Константин Егорович, и збыльысь вед ми манитам Андрей Петровичөс, асьыным прөста кад воштам и. Сійё унатор на оз гөгөрво да кузь сёрни колө, а миян кадыс талун абу. Мөдысь коркө аддзысьлам да ёнджыка сёрнитам.

— Ладнө нө, сідзкө... Тадзи кө. Сідзкө, мөдысь аддзысьлытөдз. Мөдысь, гашкө, бурджыка гөгөрвоам өта-мөднымөс, — Көсьта бөръя кывъяссө шуис порог дорас шапкаасигмозыс нин.

— Эн дивитөй, — шырансё кеслігмоз юрсё кыпөдлытөг нурбыльтіс Ёньё. Весиг "водзлань волөйсө" шуны эз убөлит.

Ни Елизавета Павловна, ни Ёгор Көсьта эз петкөдлыны асьыныс сьөлөм дойсө, скөрмыштөмсө — эз крапкыны өдзөссө, а чөла петісны ывлаас. Сөмын вөв доддяс сөлөм бөрүн Көсьта шыөдчис:

— Ёні сэсся быгь колмас Вась Ёндрей Вась дорад пыраллыны.

— А Ёндрей Вась кө тайөяс моз жө миянөс примитас?

Көсьта эз дзык пыр вочавидз, чөв олыштис-арталыштис, мый эськө сэки бурджык вөчны.

— Сэки сэсся тані водзө манитчытөг Перевөлөкөдз нін колө мунны. Сэні талун рыгнас чукөртлам кык вок котырьясөс, мед асьныс шуасны, кодөс сиктсөветө. А аски водз асыв сьтысь петам да тані и узьмөдчам, да асьным скодсө чукөртам. Пажын кежлө татчө воөдчам да ставсө удитам. Тэ босьтін сьөрсьыд тайө сиктъяссьыс овмөсьяссө пасялөм гижөдъястө?

— Босьті.

— Перевөлөкө ветлігмоз колө миянлы видзөдлыны да төд вылын кутны, көні кодъяс вылө медводз позяс надейтчыны. Сідз?

— Чайтім да надейтчим тай Петыр Ёньё вылад — мый артмис, — жугыля, и скөрысь вочавидзис Елизавета Павловна.

— Сійё вед... Воксө мылдінсаясыд зверьяс моз чашйөмаөсь да... А кадыс этша на колис, шогсьыс абу на удитөмаөсь дзыкөдз палялны. Ачыд төдан — сьөлөм дойсьыд он на, гашкө, другөн мын.

— Төда эськө да, шог кымын мойвиис нин мен тайө воясас... Кыдз сөмын сьөлөмөй ёнөдз эз пот?.. — шога ышловзис Елизавета Павловна. Чөв олыштис да содтіс: — Ковмас, дерт, бурджыка видзөдлыны да бөрйыны, кодъяс вылө позяс мыджсьыны медводз. Сэсся вед тэ, Көсьта, бура төдан сиктсаястө... Быдөнөс, көнкө. Кысов шуөм серти ыджыдавнытө миян костын, Көсьта, тэныд ковмас.

Елизавета Павловна видзөдіс Көсьта вылө: чужөмыс сьлөн, скөралөмыс, тыдалө, кусөма нин да, бөр мичаммөма, синъясас веритчөм, надея.

— Төдныд эськө төда да... Но вежласьөны на тай йөзыд, — лөня вочавидзис Көсьта. Сэсся гажаджыка содтіс: — Но, мед, кодъяс миянлы колөны, найө на и сюрасны. Воим, этайө керкаыс Вась Ёндрей

Васълөн. Ме вълнымос потшосас домыштла, первой сідз пыраллам. Армияын моз кө — разведкаон пыраллам. Да эн пов, Елизавета Павловна, гагаджыка видзод, — сероктис Ёгор Косьта.

Көзияныс Косьтаялыс паныдасис кильчө вылас. Сійө ёна чуймис, аддзис керка дорас матыстчысысдас да.

— Лизавета Павловна да Ольош Ёгор Косьта кө-а?..

— Олан-вылан, Оңдрей Вась, — кайисны поскөдыс кильчө вылас да Косьта киасис Вась Оңдрей Васькөд.

— Олам-вылам тай. Ті олой-вылой жө... Енмыс со видзөма да, слабог, ловйон-дзоньвидзаон кольомныд да. Кысянькө водза-водз мө-дөдчөмныд?

— Ми эськө талун Изъядорсянь Перевөлөкөдз ёсьтысим да, — висьтасис Косьта. — Да со мунігмоз тэ дорө кежим. Сёрнитор выим.

— Но, пырамой, сідзкө, керкаас, огөй жө кильчө вылын кутөй сёрнитны. Тэ, Егорович, вөлтө личөдыштлы да туруналлы, мед шөйч-чыштас. Дзонь вөлок, артмө, вуджөмныд, мед көть дженьыд, но вөлок, водзын тиян кузь вөлөкыс. А ми, Лизавета Павловна, лок пырам, — Вась Оңдрей Вась ачыс водзын юрсө копыртышглөмөн воськовтис посводзас.

Вөвсө туруналөм бөрын Косьта пырис керкаас, да Елизавета Павловна пөрчысыөма нин вөлі, пукаліс өшинь дорас, и Косьта ачыс кортөг пөрчысис жө. Оңдрей Вась пукаліс пызан дорас. Көтшас өшинь дорас зуньгыртчөма сылөн пөрысь мамыс. Гөбөч вылас йөжгыльтчөмаось челядыныс: ар дас — дас кыка чоя-вока да налөн ичөт, ар вита, вокныс. Найө сюся видзөдісны локтөм гөсьтыяс вылө. Паччөрас, кылө, кызіс-тшөкъяліс Оңдрей Васълөн батыс. Көзйякаыс, Микол Надьө, пачводзсыс пызан вылас вайис руалысь пөсь шыд тыра тасьті.

— Матыстчөй пызан саяс да шонтыштөй пөсь шыднас пытш-көснытө. Вель кузь на тай тиян водзө туйныд, шуанныд, — меліа корис сійө виччысьтөг пырөм гөсьтыясөс.

— Збыльысь вед этша на кадыс колис да оз ков, аттьө. Прөста беспокоитчанныд, — водзө, буракө, өткажитчис Елизавета Павловна.

— Но, морө, пөсь шыдыд оз на сьөктөд тиянөс. Кольөм вежон өти йөра тотшки да талун Надьө челядылы буретш йөра яя шыд пуыштис. Асьным эськө пөрысьяскөд кослунья вөлөгө вылын да, челядыдылы вед-быдмыныд колө, ыджыд видз вөсна абу грек. Тиянөс, туй йөзөс, Ен прөститас жө и. Пуксьөй, пуксьөй, эн ыждадой. Сэсся панясиг-мозныд, сёрни, шуанныд, выим да, и сёрнитыштам. Перевөлөкөдзыд дөза ылын на да ёнасө манитчынысө вед, көнкө, он жө көсйөй, — көзйякаыскөд тшөтш босьтчис корны Оңдрей Вась.

— Огөй эськө, гашкө, ыждадой да... Инө, пуксьыштлам и эм, — пыр и сетчис Ёгор Косьта, шливкнитис пызан саяс пыдөдзджык да ки пыдөснас шлопкис лабичас орччөн. — Пуксьы, Елизавета Павловна, мед оз ло бур йөз водзын ышнясыөма.

Кыкнанныс эськө, и Елизавета Павловна, и Ёгор Косьта прамөя жугыльтчылісны Петыр Оңьөяс бөрын, а Вась Оңдрей Васькөд куш паныдасыөмыс на и ловзьөдіс кызкө найөс.

— Сэсся нө кутшөмкө сёрни көсйинныд сёрнитны да... — казь-тыштис Оңдрей Вась пызан сайө пуксьысыяслы. — Оттшөтш кө верманныд — позьө и сёрнитыштны.

Косьта тэрмасытөг висьталіс, кутшөм могөн найө петісны Изьва йывса сиктьясө, и мыйла сувтлісны Гораятө. Висьталіс Оңдрей Васьлы и Петыр Оңьөясө пыравлөмсө.

Оңдрей Вась чөла кывзіс. Косьта висьталөмсө нин помаліс да видзөдіс чөв пукалысь Вась вылө, а сійө вель дыр на сідз пукаліс, лэдзис гөсьтыяслы лөня панясыштны. И изъядорса коммунистыясөс бара кутіс шымыртны майшасян ру, эз кут сөйсыны.

— Оз позь ёнасө найөс и дивитны, — шыөдчис жө сэсся Оңдрей Вась. — Миян сиктысь кыкөс виисны, а Петыр Митрөпанөс проклятөйяс торья нин ёна мучитөмөн. Матыса рөдвужыдлөн сьөлөм

дойныс дыр на оз бурд. Коркө кадыс, дерт на, бурдодас... А Петыр Ёньо абу лёк морт... Паладыс-ий... — Ёндрей Вась гыжйыштис бая-бөжсө. — А крестьянинөс дорйыс власьтө, дерт, колө выльыс ловзёдны. Век полөмөн олөмыд оз жө артмы. Аски, сідзкө, йөзсө колө чукөртлыны?

— Аски ми пажын бөрын локтам. Ог төд, дыр-ө кутасны горяягса мужикъяс соборуйтны, а шоңдї лэччытөдзис, дерт, колө удитны куим мортөс бөрыны выль сиктөсөветө, — стөчмөдїс Көсьта.

— Сідзкө, Миколай Саватейлыс мөд керкасө ми шонтылам дай. Ыджыд керкаыс, горяягса мужикъяс ставныс төрасны.

Пызан сайын гөститысьяслөн сьөлөмъясныс сразу личалыштисны.

— Лизавета Павловна нө, кос сөрки пареньчаа ырош юанныд, али йөв тасьтї вая? — пач дорсяныс юалис Микол Надьө.

— Йөлсө и ырошсө вай, мый юасян, көзайка, — эз чорыда, но дивитыштис быттьө көзайкасө Ёндрей Вась.

— Ме ырошсө, — тэрмасьөмөн вочавидзис Елизавета Павловна.

— И ме ырошсө жө, — тшөтш висьталіс и Көсьта.

Ёндрей Вась Елизавета Павловнаөс да Ёгор Көсьтаөс пасьтөгыс кильчө вылөдзис колльөдїс.

— Сідзкө ми аски тиянөс пажын бөрын и виччысям, Миколай Саватейяс керкаын, — стөчмөдїс Ёндрей Вась, дзикөдз бурмөдїс сьөлөмъяснысө пыралысьяслыс.

— Да, да, аскиөдз, Василей Андреевич, — Елизавета Павловна ачыс нөужөдїс кисө Ёндрей Васьлы.

Киасьөмөн прөщайтчөм бөрын Көсьта да Елизавета Павловна, дө-вөльөсө, лэччисны кильчө вывсьыс.

— Сразу маличаась, Елизавета Павловна, — тшөктис Көсьта додь дорас матыстчисны да. — Шоңдыс эськө, вылөджык кыпөдчас да, шонтас талун миянөс, но вөрөшитчытөгыд дыр пукалігад ыркалан. А маличаыд майбыр доддяд, кутас шоңыдтө, оз лэдз ортсө.

Көсьта курыштис вөв ныр увсьыс кольөм турунсө да пунктис доддяс, додь вөжъяссө лэптыштөмөн элөдїс седелка көвсө да ачыс малича-асис жө. Вөлисти разис вөжжисө потшөссьыс да сөліс Елизавета Павловнакөд орччөн.

— Но-о, Вильө, бара на шойччыштим да вай сэсся лөсьыда ну миянөс Перевөлөкөдз, — лөня тракнитис-вөрзьөдїс вөвсө Көсьта. — Шойччанін сэсся сэтчөдз тэныд абу.

Вөлыс кыліс, буракө, көзаяныслыс русө да вөрзьөдчис тэрмасьтөг, но вөжжинас мөдыс бокъясас шлячнитөм бөрын босьтчис рөдтыны.

— Мед ачыс вөляясы рөдгас — мудзыс вөляясы сідз шедлө тайө вөлөксө вуджигөн. А ми тэрмасьтөг воам, — Елизавета Павловна вылө видзөдлытөг лөня содгис Көсьта. Мед сийө эз майшась.

Елизавета Павловна видзөдліс Көсьта вылө. Сийө кыліс Елизавета Павловналыс видзөдлассө да бергөдїс жө юрсө, кыкнанныс кыв ни джын шутөг воча нюмдїсны. Сэсся Елизавета Павловна лөня серөктис.

— Тэ вөлін медводдза изъядорса, кодкөд ме төдмаси... Го-осс-поди-и, дас... дас өти во нин сэксянь коли... Да-ас өти!.. Помнитан, Кыръядінсянь тэ менө Изъядорад вайин?

— Помнита, дерт... Тайө додьнас на ещө ветлі тэла... Лыско вөлөн. Ветлынысө Илья Йөвгиньлыс мича мегырсө корлі, — гажаа серөктис Көсьта.

— Збыльыс, зэв мича, кык тільгуна мегыр вөлі. Помнита, — талунъя мегыр вывсьыс синсө вештывтөг думыштчөмөн казтыштис Елизавета Павловна. Сэсся ньөжйөникөн бара юалис: — Көсьта, тэныд дум вылад коркө усьліс эз сийө Кыръядінсянь кыкөн лөктөмыс?

— Олөмад ыджыдджык лөөмторъясыд век кежлө, көнкө, мортөддөн кольөны паметяс ли, сьөлөмас ли, — Көсьта вежавидзана бара серөктис да видзөдліс Елизавета Павловна вылө. — Ме весиг шыбөльсө, көні додьным пөрліс, помнита. Повзьөдлі тай тэнө. Верми эськө петкөдлыны, сөмын сийө Перевөлөк сайын, талун абу миян туй вылын.

— Збыльсь, — гажаа серөктіс и Елизавета Павловна. — Ме помнита жө... Ставсө... Первой ме сэтшөма повзьялы лым пиас бурскысьбысь... Господи, кутшөм ми томось сэки вөлім... Менам дзик на челядь руа вөвсьөма...

Елизавета Павловна вель дыр кежлө аслас мөвпгьясө вөйтчыліс, орөдчывтөг видзөдіс төвся туйыслысь тэрмасьтөг вөв додь улас вольсасьөм-пырөмсө. Сэсся пыркнитіс юрнас, мынтөдчис, буракө, сійөс шымыртлөм думгьяссыс, бара бергөдіс юрсө Көсьталань да вежавидзана, небыда юаліс:

— Көсьта, тэ збыльсь сэки ме вылө радейтчылін? Али том учительша дорө, кызди сиктсаяс вөлі шуөны, ылавлін?

— Збыльсь, Елизавета Павловна, збыльсь, — войсасьтөг и гажаа серөктіс Көсьта. — Ёна радейтчылі... Вежөкта вөлі и... Страсьт.

— Мыйла, сідзкө, сразу мөд вылө гөтрасин?.. Ньөти эн виччысьышт.

— Тэ некутшөм надеятор эн сет да... Веськыда янөдін... тодмышкалін менө, жөникөс, — серавтөг и нюмгьявтөг нин вочавидзис Көсьта. — Сэсся рөдительяс, сэтчө жө, менө, кызди ыджыдджык пиөс, чорыда топөддісны... Не найө кө, дерт на эськө бурөн эг гөтрась сэки... А-а, сэсся вед, шуласны, мый Ен шуөма...

Елизавета Павловна малача юрсө лэдзис баялөжас, бергөдіс чужөмсө вылөдз нин кыпөдчөм шоңді югөргьяслы воча. Найө кокныда писькөдчисны көдзид сынөд пырыс да эз на вермыны сійөс шонтыны, но меліа, небыда малалыштисны-шонтисны нин Лизалысь чужөмсө. Сійө кунькыртіс сингьяссө, сетчис мелі шоңді югөргьяслы да бара вөйтчыліс аслас мөвпгьясө... Сымда во... Мыйтөм ва визувтіс... и бара со кыкөн өти доддьө веськалісны. Сөмын талун мөдарлань мунөны... и оз нин том ныла-зонма, а коньөр-дөва да дөвеч... Абу на эськө и пөрысьсө, бур верстьө йөз на да, но олөмнас лөкысь пөслалөм верстьө йөз нин. Сійө ачыс коньөр и эм... Верөссө виисны, писө воштис да өні оз төд кыгысь корсьны... И Ёгор Көсьталы сюри жө сьөкыдыс и лөкыс юр вывтис... И войнайд, и пленыд, и... Гөтырыс кадтөм кадө кувсис со... кагаыскөд тшөтш... Шогыс нө оз йир сьөлөмтө! "Кыкнанным ми коньөргьяс", — жаль лои Лизалы и ачыс, и Көсьта, да синваыс и тюрөбтіс төдлытөгыс. Сійө гусьөн, мед Көсьта эз казьяв, кепысьнас косөдіс сингьяссө, чышкаліс бандзибгьяссө да шоңді югөргьяснас чужөмсө косөдөм да дзикөдз лөньөдчөм бөрын бөр бергөдчис Көсьталань.

— Висьтася ме тэныд талун... Уна нин ваыс визувтіс, да өні позьө, — смелмөдчис Лиза важөн, важөн поздысьлөм да вежөрнас уна пөв быд ногыс гөгрөдлөм-думайтөм курыд мөвпгьяссө висьтавны Көсьталы. — Тэ вед сэки, Константин свет Егорович, вөрзьөдлін жө менсьым сьөлөмөс... Тэно дзикөдз вылө воштөм бөрын нин гөгөрвои: удитлөмыд сьөлөмө пырны... Муса лолөмыд... А ме повзи. Мыйысь?.. Том да йөй вежөра на вөвсьөма. Унаысь гусьөн синва кысьтлі, да кысьсөм ватө пө тай, небось, он курышт. И олөмсө бөрө он бергөдды да выль пөв ов. Сэсся өти прөступка ас бөрсьяыс мөдөс кыкис — юр вежөрөс воштысьөма да ачымөс ылөді: мустөм морт сайө верөс сайө петі. А олөмтө он ылөд — ачымөс дзескыд пельөсө йөршитлі да аслым жө став прөступкясысьыс и лоө вешгысьны өнөдз. Опньө Михайлө, шань морт, жалитіс менө, коньөрөс, да көсийс отсавны... — Елизавета Павловна та пөрийө пальто пытшкөс зепсысь перийс дзоляник вышивайтөм пельөсгьяса еджыд чышгьян, вель дыр чышкаліс сингьяссө, бандзибгьяссө, лөньөдчис. — Сэки меным кажитчис нин — ладмас менам олөмөй... Да рөксыд, буракө, он пышйы. И Михайлөөс, менө жалитысьөс да радейтысьөс, виисны, и медся донасө менсьым, сьөлөмшөрөс, муса пиукөс мөдысь пышйөдісны...

Елизавета Павловна тупийс чужөмсө дзоля чышгьяннас, эз вермы кутчысьнысө да лөниника кутіс сыркгьявны.

Ёгор Көсьта чөв пукаліс, сөмын вөжжисө гежөдика тракнитышталіс — вежөрттөг на вед вермас видзчысьтөм кывйыд петны да

содтoд дойдны сьoлoмсo Елизавета Павловналысь. И Кoсьта нoьжioн, ёна видзчысьoмoн юалис:

— Петыртo бара мырддисны?

— Микайлoос петкoдoм бoрын ывлаас кутисны лыйсьыны, — Елизавета Павловна нoьжioн, мукoддырйи дыр кeжлo чoв ланьтлoмoн, кутис висьтавны-казытивлыны неважoнся шуштoм лoмтoръяссo. — Ме садь воштымoн повзи да oтпoлoсoн чeпoсьи ывлаас... Кык винтовка салдат бoр локтисны миянланьo, паныдалисны менo кильчo пос помын, тойлалoмoн бoр пыртисны керкаo да тшoктисны пасьтасьны. Ме Петюк дoрo, а oтик салдатыс нетшыштис менo пельпoмoд да лeкыс матьoктoмoн тшoктис oдйoджык пасьтасьны. Og кo пo кoсьи винтовка прикладлысь кoрсo видлыны. Сидз и шуис: "приклад кoрсo видлыны"... Ме пасьтаси... Петюк ёна повзис да бoрдны кутис... Бара Пиля Педот Вась пырис да сразу матыстчис бoрдысь Петюк дoрo, а менo тойлалисны ывлаас... Абу вед вoтoн, а вемoсoн тайo ставыс лoис... И кызд coмын сьoлoмoй oнoдз эз пот... Мoд асывнас миянoс витoнoс Тима Ваньoяскoд, лeччoдисны Уквaвoмo. Тани на мыччысьлис Прокo Oньo да юали, мися, кoни менам пийo. А сийo скoрысь буркнитис, эм пo кодысы вoсна тoждысьны... И бaть, и пoль, и пoч пo... Мукoд арестуйтoмаяссo Уквaвoмянь водзo Изьвалань лeччoдисны, а менo юасьoм бoрын офицерыс Уквaвoмo кольччoдис. Ме эг висьтась, мый ме коммунист, а найo, буракo, эз тoдны, и менo пoрысь Кузьма Митрoпан гoзья oрдo овмoдисны. Тайo пo тeныд, coветьяслы oтсасьысь вoвлoм учительницалы, гортса арест пыдди. Кык керка кoстысь ылoджык пo эн лысьт некытчo вoрзьoдчыны. И офицерыс чoрыда oлoдис: он кo пo кывзысь — аслыд пo лeк лoо, жалитны пo водзo ог кутoй. Тoлысьысь дырджык сeни кутисны. Coмын асьныс кутисны лoсьoдчыны усйысьны Уквaвoмысь да вунoдисны ме йылысь. Полi жo эськo пeрвoйсo, но вoрзьoдчи гортлань. Дас сутки, гашкo, Изьядoрoдз кысси да. Быд сиктын пoпуттьo мунысь вoла кoрсьыси да виччыси... Сeсья меным вoча eджидьяс бoр Изьядoрысь пышйигас паныдасисны... Наысь дзeбсьяси. Вoи Изьядoрo да Гриша дядьясo пырaвaлi шoнтысьшыштны, и сразу Пиля Педoтьясo. А сийo меным — быттo нoшкoн швaчкoбтис юрo: Вась пo семьянас кык вoла-дoддьoн кык вeжoн сайын нин мунис Изьядoрысь. Петрован пo бaтьыскoд жo, миянлы пo Петровантo эз сетны... Ёна пo корим, да эз пo сетны...

Елизавета Павловналoн сыркьялoмыс oддзылис, и сийo дыр пукалис дзoля чышгьяннас чужoмсo туйoмoн да гусьoникoн кыскышталис нырнас.

Ёгор Кoсьта кывзис бoрдысь-шoгсьысь Елизавета Павловнаoс, и жаль лoи сылы. Сэтшoм том да мича, ёна вeлoдчoм нывка Изьядoрo волис, и oнoдз на Елизавета Павловналoн мичлуныс абу дзикoдз чусмoма. Кoть и син дoрьяс, вoмкoтгьясас oлoмыс и колялoма жo нин асьыс пасьяссo. А oлoмыс вoт сылoн Изьядoрын эз ладмы. И вeрoсььяснас, и писo co мoдысь пышйoдoмаoсь и... Татшoм oлoмыд кoть кoдoс на нюкрoдлас. А эз кo эськo сeки Елизавета Павловна oтдoртчы Кoсьтаысь? Сы сайo кo пeтис?.. Сьoлoмыс тай вoрзьывлoма жo, шуo, сылань... Рaдeйтчылoма жo. И Кoсьтaлы Лиза сэтшoм муса вoлi... Бура эськo и ладмисны найo, да уна чeлядь, гашкo, быдтисны... А-а, эськoыд и гашкoыд пo кыр йылын несйoны да кашкoны. Мый oлoма — кольoма. Тунавны оз ков — мый лoны лoма. И кольoмсo, небoсь, он бeргoд да он выльысь ов. Coмын мый водзo лoас — колис тунавны. Збыльысь, кыззи гартчo сe мoрoн лыйoм oлoмыд... Co сымда во кольoм бoрын бара кыкoн oрчoн oти дoддьын рoдтыны-гoнитны вeськалисны, керка-картаясoсь, быттo, а кыкнанныс пoзтoм кoкьяс кoдьoсь колисны. Асланыс пoвьeстoг... Бара oлoмыс мыйкo кoсьio гартыштны али мый? Кутшoмкo пас, гашкo, тайo миянлы?

Кoсьта видoддис Елизавета Павловна вылo. Сийo лoньыштoма нин, бeргoдчис жo Кoсьталань да муртса тoдчымoн жугыля нyoмъeвтис. Збыльысь, Елизавета Павловна зeв на мужикьяслы вeж пeтмoн мича aнь. Кoсьта вoча нyoмдис жo да лoньoдис сийoс:

— Елизавета Павловна, энй дзикодз шогыдлы сетчой, аддзысся тэнад Петрушаыд. Пиля Педот Вась семьянас мунёма да эз на му туган йылодзыс, конкё, мунны. Коникё вед коми муын жё поздыссясны. А оні сэсся быдлаын Совет власьт сувтис да аддзыссясны, — лоньодис Елизавета Павловнаос Ёгор Косьта.

— Аттё, — Елизавета Павловна синмас видзёдёмон кепыся кинас небыда инмодчылис Косьта пидзёсё.

— А ми нёшта и Кысовос корам, мед отсалас найос корсьны.

— Ме эськё и ачым сы йылысь думайтли жё нин да, — Елизавета Павловналон надеяон югыштитс чужомыс.

— Сидз и вочам — локтам да сразу ськёд сёрнитлам, — кыв корталис Косьта да тракнитис вёжжисё.

Тэрмасьтёг шуисны, да сидзи и мунисны. Шондыс выло кыпёдчис да туй бокьяссьыс лымсё сывдом-йирыштомён нин шонтис, и Елизавета Павловна да Косьта пёрччисны маличаяснысё да вольсалисны уланыс. Чой паньдьясыс чеччылисны додсьыс да кайисны подон: Елизавета Павловна додь бёрас кутчысьёмон, сы бёрся Косьта.

Воисны Перевёлкё — шондыс сажень вылнаын на вортассяныыс вөлі. Косьта сувтис Митрей Вась ошинюло да керкаас пыравтёдз на и лэдзасис.

— Но-о, кодьяс, мися, татшом каднас кытчөкө мөдөдчөмаось-а. А со Йо-огор Косьта да Лизавета Павловна вөлөмаось... Ловьяось-дзоньвидзаось, слабог. Быдсяма страксё висьталлисны да. Пырөй, пырөй, шойччой-шонтысьой, — кильчө вылас петавлис видзөддыны кёзяиныс да корис локтысьясёс.

— Ми. Мог суис, да тиянөдз, Митрейч, — вежавидзана вочавидзис Косьта.

— Но нё... Могтөгыд, дерт, на, конкё, оні некытчө он пет, благо-вещеннё нин со ныр улын да, — гыжъялыштитс тошсё Митрей Вась, — чуймөдис, буракё, мортөс сы дорё татшом йөзлөн могөн локтөмыс. Но нинөм эз юав, водзё поводдя йылысь гарыштитс. — Тулысыс тай эськё быттьё оз на тэрмась миянланьё да. Тыдалё, төлся туйыд сулалас на. Шуласны, төлся туйыд пё жугласьё либё вежон благо-вещеннөодз, либё благовещеннөсянь вежон мысти да. Вай пырөй керкаас, — мөдысь корис сийё воысьясёс да ачыс найос виччысьтөг пырис.

Воысьяс пырисны өттшөтш. Елизавета Павловна ки йылас аслас мича тубрасөн, а Косьта дзоляник ноп мешөкнас. Пуктитсны тубрасьяснысё көтшас лабичас, да Косьта пёрччисигмозыс на и юалис:

— Педот вокыдьяс сэсся кызди олөны-вылөны?

— Олам-вылам тай. Кызди Енмыс шуёма, сидз и лоё олны. Тайё сьөкыд вояссё бур олёмон он шу, он ошйысь. Ловьяось на тай-а, Енмыс милөсьта да. Педотьяслөн ловьяось жё ставныс, слабог.

— Ми вед Елизавета Павловнакөд тиянө локтим Изъядорса сикт-сөветө кодөскө бөрийыны. Важ сиктсөветыс сөмын вит морт колис. Колё вокьяс чукөрлы, гырысьясыслы, талун чукөртчылыны да шуны, кодё лоё тиянсянь депутатөн.

— Но, тайё могөн, сидзкө, та ылао локтинныд, — сьөлөм вөрзья-лөмыс, буракё, Митрей Васьос лэдзис, да гажаджыка нин шуис. — Колё кө — чукөртчылыны, миянлы абу дыр: петалам Педотьясё да корам дай. Оти здукөн локтасны. Ёгорыс да Тимаыс кындзи. Найё вөйдөрлун вөрө мунисны да улыдытөдзыс, конкё, котраласны. Миян Ваньё да Петыр вөрынөсь жё и.

— Кодьяс гортаныдось, найё и чукөртчыланныд, — шыөдчис Елизавета Павловна.

— Сидзкө, вай, первой нурьясьыштны тиянлы колё. Лунтыр вед дзижгинныд талун Изъядорсянныд.

— Позьё самөвар пуктивны, ми чай-сакараось, — чуйдис Елизавета Павловна.

— Самөвара делё — сийё бур делё, — дөвөля нюмдис Митрей да

тшөктіс нылыслы, коді сөмын на пырис ывласыс. — Вай, Лиза, самовартө гөсьтгысла пукты.

— Час, батьө, — сьод синтасьяса да том дзоньвидзалунөн ыпгылаысь бандзибьяса невеста нылыс Митрей Васылөн шаркнитіс-пөрччис пасьсө, шыбитіс гөбөч вылас да сюся босьтчис ноксыны самоварөн.

Ёгор Көсьта төддытөгыс любуйтчыштіс, кутшөм сюся да пелька вөчө ставсө Митрей Васылөн том нылыс: самоварыс залавка вывсыяныс джоджас бытгьө лэбзыштіс, и ва тыра көшыс пельсасыс жбыркьяліс, да самоварыс бөр лэбзис пачводзас, и чегөм косаыс вөчөм кузь чуқла пуртыс трачкөдіс-юкаліс сартгас ворсөдчигмоз и... Ставыс тайө Лизаыслөн артмис ворсігмоз. "Сюся да зіль нылөс быдтөмаөсь Митрей Васьяс", — думыштіс аслыс Көсьта.

Педот дядьяссө корны котөртліс Лиза жө, да найө өдйө и локтісны. Витөн. Кампета чай на весиг морт өти чашкаөн удитісны юны. А ставныс вокьяс котыр чуқөрмисны өкмысөн. Но бөрйысыны на пиысь, висьталіс чуқөртчысыяслы Елизавета Павловна, вермисны сизимөн.

— Митрейлы да Ириньлы быдмыштны на колө. Вот кызь арөс налы тырас да и найө кутасны бөрйысыны. А өні гырысыя пиысь кодөскө колө индыны сиктсөветө депутатөн. Асьныд думышглөй.

Бөрйысысыяс чөв олсны, сөмын бокынджыс көтшас пельөсас пукалысь воча чоя-вокаяс, Митрей Васылөн дас нель арөса Митрейыс да дас куим арөса Ириньыс Митрей Педотлөн мыйкө вашкөдчисны да гусьөникөн пыльсыялісны.

— Васьөс, көнкө, — медводз шыөдчис Митрей Педот. — Сійө кыв-вораджык.

Некод нинөм эз шу, бара вель дыр чөв пукалісны. И собрание нуөдысыя эз тэрмөддыны.

— Менө нө мый, пөрысыс. Гашкө, челядь пиысь кодөскө? Думыштыны кө, — гыжйыштіс баялөжсө Митрей Вась.

— Позьө жө и ... дерт, — эз пыксы и вокыс.

— Бабаясөс, дерт, тшөт вылө ог босьтөй, — водзө нуөдіс мөвпсө Митрей Вась. — Миян Лизалы, и тиян Анналы колө верөс сайө, а не кутшөмкө сөветө мунны. Миян Иван, да тиян Ёгорныд да Тиманыд саддатө на эз ветлыны, олөмсө эз на прамөйджыка исалыны... А вот Ольөксейөс кө? — Митрей Вась сюся видзөдіс пызан дорас пукалысь дядьөн шуысь вылө, сэсся видзөдлассө вуджөдіс вокыс вылө.

— К-хы, — тшөкнитіс Педот да кузя видзөдліс медаджыд пи вылас. — Сылы вед гөтрасыны жө нін колө да.

А Митрей Педот Ольөксейлөн батыслөн кодь жө гөрд ускөнтөшкөн щөтгяссөм чужөмыс эз и вөрзьяв, бытгьө эз сы йылысь сөрнитны.

— Ольөксей миян сюсь кыйсысь, и саддат туй таяліс, порок тшын дук война вылын исалны сылы сюрлі. А мужикыдлы көть кымын арөс, век жөник, ныляс моз оз энды, — подулаліс ассыс мөвпсө Митрей Вась.

— Сэсся нө Ольөксейлы колмас Изъядорө ветлыны? — юаліс Трөш Мелань, Ольөксейлөн мамыс, чышгян помнас вом дорьяссө чышкалігмоз.

— Да, корсюрө ковмас, дерт. Оз частө, уджысь ни вөралөмысь оз манитчыны, — висьталіс-лөньөдіс Трөш Меланьөс Елизавета Павловна.

— Мед нө, сідзкө, Ольөксей. Гашкө, ветлігас вөлөсьтсыс кыськө аслыс невестапусө бөрьяс, — Митрей Васылысь вөзйөмсө ачыс мамыс Ольөксейлөн вынсьөдіс.

— Невестапутө Ольөксейлы ми медводдза волігас на и вермам корсылыны. Позьө бара бөрйыны, көть Изъядорысь, көть Гораягысь, көть Шушунысь, — гажаа кыв көрталіс Ёгор Көсьта. — Ольөксейлы кольө сөмын коді медся сьолөм вылас воас бөрйыны.

Ольөксей кутіс вежавидзана шпынныяны.

— Мен кажитчө, өти кывйө воинныд; Изъядор сиктсөветө Пере-

вөлөк починоксянь бөрйыны Ольөксеийөс? — юалігмоз көсийс помавны бөрйысьөмсө Елизавета Павловна.

— Воим кө-а, Ольөксеий кө сөглас, — Митрей Вась видзөдіс чөла шпынныялысь уска-тошка дядьөн шуысь вылө.

— Ветла. Абу кө рөспута да страдна дырйи, — сетіс жө сэсся кывсө сиктсөветө вөзийөм Ольөксеий.

Абу тай коллыс пусьыс ыло лэбзьөма, төдчө, небось — Митрей Педот йылөм, оз кывъяснас лишной шыблась.

Елизавета Павловна матыстіс асланысь пызан вылас водзвыв лөсьөдлөм кабаласө, ручка да чернила дозсө да кыв көрталіс:

— Час ме өні лөсьөда та кузя сөрни гижөд, — восьтіс дзояник чернила сулеясыс пробкасө да сэтчө ручкасө чутйөдлөмөн кутіс гижны. — Сөрнитны чукөртчылінныд сизимөн...

— Вөралысьяссө миянлысь вай пасйы жө. Найө вед эськө танысь кө вөліны, Ольөксеий жө эськө шуисны, — корис Митрей Вась.

— Оз позь, — стрөга вочавидзис Елизавета Павловна. — Кымынөн вөлінныд, сымынөс и гижам. Сөрнитанторйыс миян өти: Изъядор сиктсөветө депутатөс бөрйөм. Сөрнитісны: Митрей Педот Пашнин, Митрей Вась Пашнин, Трөш Меланья Пашнина...

— Менө нө, лобай, сэтчө гижан жө, — яндысяна чышгян помнас вомсө тупкөмөн серөктіс Трөш Мелань.

— Гижа-а, сөрнитін да. Сэсся шуим: Изъядор сиктсөветө депутатө бөрйыны Пашнин Олексей Федотовичөс. Коді кырымасяс сөрни гижөд улас кызди чукөртчылысьяс пиас юралысь?

— Вась жө, көнкө. Сійө миян кужө, — бара воксө индіс Митрей Педот.

— На, сідзкө, Дмитриевич, пукты этатчө кырымпастө.

— Вай нө, — паськыда нюмъяліс Митрей Вась. — Ва-ажөн нін кырымпасьястө некытчө эг пуктыллы... да артмас кө.

Елизавета Павловна вештыштіс гижөм кабала листсө Митрей Васьлы, чуткыштіс ручкасө чернила сулеяө да сетіс Васьлы киас, чунь помнас индіс, кытчө колө пуктыны кырымпассө. — Со татчө кырымась дай.

Митрей Вась бергөдлыштіс син водзас ручкасө кыз, сарөга чуньяс костас.

— От төд, тайө гижаныс зэл ёсь йыла да артмас оз. Карадашнад эськө артмылліс да, — Вась юрсө пөлөстөмөн индөм местаас серпасалис первой шыпассө, юрсө выльысь отарө-мөдарө пөлынтьлөмөн донъяліс сылөн чунь помьяс улын артмөм шыпассө, ачыс чуткис ручкасө чернила тыра сулеяас да водзө кутіс серпасавны индөм местаас асьыс нимсө. Помаліс да дөвөль вештыштіс кабала листсө Елизавета Павловналы.

Елизавета Павловна видзөддіс кырымпассө: өна вежньөдлөмөн гижөма сизим гырысь шыпас и бөрас ыджыд крест пуктөма — М И Т В А С П +.

— А крестсө, Дмитриевич, мыйла пуктін?

— Кужтөмгьясыд тай крест пуктыласны да гашкө, мися, колө жө да.

— Бур, мед олас. Депутатөс бөрйинныд, сөрни гижөд та кузя вөчөма — ставыс сэсся.

— Кор нө сэсся, сідзкө, Ольөксеийлы колө ветлыны Изъядорад, — эз терпитсы, буракө, мамыслы.

— Збыльысь, Елизавета Павловна, кор? Ме думыштли жө та йылысь. Митрич со шуө, благовещенньөөдз кө пө туй эз жугал, благовещенньө бөрас на пө вежон сулалас, — думыштчөмөн, ньөжйөникөн шыөдчис Көсьта.

— Тадзи миян батыяс да пөляс на шулісны, да таво, тыдалө, сідз и артмө. Туйыд сулалас на вөла-доддьөн ветлымөн лун дастө. Ставыс сы вылө индө, — эскөдана докнитіс юрнас Митрей Вась.

— Вот ме сійөн и артыштли ас кежысь: талун выльлун, аски Горагын скод чукөртлам. Сэні узымөдчам, дырджык кө нюжалас сөр-

ниным. А, колөкө, и Ягкөдждз на мунам, ог кө сөрмөй. Да сийо жө рыгнас и сэни чукөртлам. Сэни, дерт, узымдчыны колмас, сідзи кө быгтыо артмас. А мыйла оз артмы? Дыр-ө чукөртны верстыояссо нель орчча керкасыд?

— Артмас, мыйла оз, — сөгласитчис Елизавета Павловна.

— Сідзкө середао мунам Шушунө да сэни чукөртлам скодсө. Оз кө сийо жө луннас артмы — мөд луннас, четвергө. Артмө, четвергө жө рыгнас ли, войнас ли ми гортын, Изъядорын нін лоам. Сідз вед?

— Миян сідз артмө, — бара сөгласитчис Елизавета Павловна. — Но кызди вед Кысовъяс на?

— А Кысовъяс талун көсйисны узымдчыны Керөсын да аски кеж-лө дасытыны скодсө. Аски, вторникө, найо бөръясны депутатъясstö Öдөсын, ветласны да. И бөр локтөм бөрас көсйисны Керөсын. Сэсса середао найо ласны Нямөдын, и Вежавожө кө пыралласны, пекничао Изъядорө жө бөр локтасны.

— Но и мый сэсса? — гөгөрвоис нин эськө Елизавета Павловна, кыгчань кыкис сёрнисө Көсьта, но юалис.

— Сідзкө ми Изъядорын субөтаас вермам пажынөдз сиктса скод нуөдны да депутатъяссөс бөрийыны, а пажын бөр кежлас водзвыв чукөртны мукөд сикт-пөчинокъяссын бөрийөм депутатъясstö дай исполком и сиктсөветөн юралысьяссөс бөрийыны.

— Тэрмасъны көсьям, а Кысовыд мый миянлы шуас?

— А мый шуас, сийөс тшөктөмаөсь вель сиктсөвет бөрийтөдз татчө кольчылны да? Субөтао кө лөсьөдам вель Сөвет власыт, көть сийө жө войнас и вермам сийөс шаркнитөдны-петкөдны Эжва йылө зумыд вөла туйөд. И аслас карө төвся туйөд на воас. Эз кө, дерт, Изъядорын пөдруга удит лөсьөдны-а, — шпыньялігмоз помалис Көсьта.

— Но, тэ, шуан жө... Сэтшөм морт да... ыджыд могъясөн ветлігөн кутас пөдругаясөн ноксыны... Збыльсы, гашкө сідз и колө вөчны да. Огөй кө өні исполкомтө да веськөдлысьяссө бөрийөй, гашкө май тө-лысь помөдз вөлөсьтным власыттөг коляс: ва ямтөдз депутатъяссыд Изъядорад оз веськавны. И Михаил Ильичлөн нырыс нюжалас. Сідзкө, сразу субөта кежлө и кутам корны ассыным депутатъясstö? — Елизавета Павловна юасяна видзөдіс Көсьта вьлө.

— Ме тай сідз думайта-а. А Ольөксейлы, — Көсьта видзөдіс тшапа пукалысь вьлөн бөрийөм депутат вьлө да паськыда нюмдіс, — көсйө кө, мед ми сылы отсалім пөлсө бөрийыны, колө водзджык — пекничао локны. Изьва вөлөсьтсыд медся мича да шань кралясө коралам, — лыбзыштөмөн ызийөдіс пөчинокса вежавидзысь кыйсьысьсөс.

— Локтас, локтас, мичаджыка пасьтөдам да. Сө пасибө тиянлы, дитюкъяслы, отсаланныд кө миян Ольөксейлы аслыс пөлсө корсьны. Колө жө нін сылы гозьясьны, коймөд дас нін кутіс тыртны да. Сьөд вөр шөрад тай зарни анясыд сөмын мойдын паныдасьлөны... Он сэсса век ай-мам дорын ол... Ичөтджык вокъяссы со, Ёгор и, Тима и кутісны талялны, налөн нін гөтрасян кад воис, — төдчөдіс-эскөдіс Трөш Мелань, кутшөма налы колө медыджыд писө гөтравны.

Зэв тай кыв-вора вөлөма Митрей Педотлөн Трөш Меланьыс, кыв дзирйыс бура мавтөма. Тайө и верөс пыддиыс тшөтш ставсө таргас, юалас и висьталас. Митрей Педоты кольө сөмын чөв пукавны да сөглас гөна юрнас довкйөдлыны. Эз тай, небось, Педотыд пельясstö өна сьөдмөд.

Сёрнитанторйыд эськө, гашкө, и водзө на сюрис да, сэсса вед изъядорса гөсьтъяслы аски колө водз жө чеччыны, налөн водзө кузъ туй да ыджыд могъяс на. А колана сёрнисө помалөма, мый йылысь колө — сёрнитчөма. И Митрей Педот котыр петісны горгас, а Гриша Оксинь кутіс вольсасыны: Көсьталы Митрейкөд пөлатяс, а кык Лизалы небыд вольпась вольсалис джоджас да вежавидзана шыөдчис Елизавета Павловна дорө:

— Миян вед абу крөватъяссыд да, Лизавета Павловна, миян Лизакөд узьөй. Гөна эшкын улад оз ло көдзыд.

Мод лун асывнас Елизавета Павловна да Ёгор Косьта Перевёл-
кысь бөр туйо петисны югдытдзыс на. Вөлі сэзь, но асыввысянь
заводитчом югыдыс став енэж пасьталаыс нин удитома кусодавны
войнас мичаа дзирдалысь кодзувьяссө. Войся сынодыс прамоя ырка-
лома, и Косьта да Лиза места вывсяньыс маличаасисны. Водзын
налон куим лун кыв кутана удж — выль сиктсөветө йөзөс бөръян
удж. Колана йөзөс. Тöрыт найо медводдза воськовсө вöчисны, панас
лоис. И кыкнанныс дөвөл колисны тöрыгтя сёрнинас. И öтлаын
ветлөдломнас и öттшöтш сёрнитомнас вöлины дөвöленöсь жö. Артмө,
быгтö, налон йөзкд сёрнитомыс... Сийон, көнкө, и долыд вөлі сьолөм
выланыс талун. Асывсяньыс. Ставыс на вермас ладмыны водзö
олöмыс налон... Чайтисны, медся лёкыс бөрö нин сэсся колис...

Водзö лоö на.



Выль
кывбурьяс



* * *

Уна шог на менö
Сулас таладорас.
Унаысь на рökыс
Быдсяма ног ёрас.

Унаысь на ёртгяс
Пөръявласны менö.
Унаысь на ковмас
Пыравлыны венö.

Унаысь на аньяс
Дойдаласны лолöс.
Уна сьökыдлун на
Ваяс меным олöм.

Но, а мöдар югыд
Гажа пö да мича.
Сэн пö тэнсьыд ловтö
Енмыс ставсьыс видзас.

Мед! Ме таладорас
Немторйысь ог дзевсьы!
Сöмын таладорсьыс,
Лолöй, эн на лэбзы.

Тöждьясысь ог мездлун —
Мöдтор Енлысь кора:
Медым дырджык сетіс
Овны таладорас.

* * *

Нюммунас кор асыв ывла вылын
Верöс сайö петавтöм на нылөн,

Шондйыс кор весьтö каяс рама,
Нюммунас му весьтас шуда мамөн,

Олöмыс сэк колип сьыланкывнас,
Шондінас да гожся ывла вывнас

Менö бара ылöддыны кутас —
Коркö пö тэ тшötш на лоан шуда!

И ме эска: эбöс лоö сынны
Визув паныд, уджйöзьясысь мынны.

Унатойö лача видзысь лола:
Кыз нö асьтö пөръявтөгыс олан...

* * *

Дм. Фроловөн паметьлы

Мудзсö веськöдны рытпомö шондйыс юас кор пырис —
Муыс зумышмис, жугыльтчис — лунся став мичлуныс быри.

Мекөд өтвылысь пемыдас майшасьё-мөвпалё муыс:
Гашкё, шондiсö гыяснас изiс сё дзирд вылö юыс?

Гашкё, шондiыс джудждасö видлавтөг пыри да вöйи?
Да öд ставным ми, ставным здукъясөн овывлам йöйөн.

Водзвыв джудждасö тöдмавтөг олöмас юö моз пырам,
Сэсся вабергач кытшсьыс ог мынöй — и олöмсьыс бырам.

...Сöмын кыаыс öзйö и миянлы лачатор сетö:
Аски шондiыс, дзоньвидза, бара на му весьтас петас.

* * *

Войтва тёпкөм лун сьömöснас кылö —
Воан кадсö тулысыс оз узь!
Уськөдасны вежöдысь му вылас
Сыланнисьö локтысь дзодзөг-юсь.

Бара öзтас дзоридзьяссö лежнөг,
Алöйгөрдөн асыкалас вад.
Немтор вылö тулыссö оз вежны
Найö, кодлөн мусукасян кад.

Сьökыдлунъяс... Майшасьöмъяс... Дойяс —
Тувсов кадö ставыс вунлö век.
Дженьдöсь вот мусукасян войяс —
Тайö сöмын майшöдывлö сэк.

Пөттöдзыд оз сюрлы тöлысь улын
Кольöдчыны... Тулыс! Вильышпоз —
Лолöс шоныд гыяс вылад нуан!
...Ышмöдö да кызь во сайын моз

Сьölөмöйлысь дышсö, мудзсö венны
Тшöктö бара — ыгъялысь да яр —
Югыд тувсов шондi...
Сöмын меным
Ёнджыкасö лöсялö нин ар...

* * *

Кор кыаясыс ыгъялöны орччөн,
Сэк весиг шондi лючкисö оз шойччыв...

Кык кыа костас саймовтчылас сутш —
И бара вöчö мусö шонтан удж.

А сиктса морт кө шондi мозыс олö
Да асывъяснас дырджык узыны полö —

Сэк сийö олөм кутысыс и эм!
Сы водзын нэм чöж яндзим лöө мем...

Лов кыпыдунöс сыысь шогыс виö,
Мый некыдзи и аттьöавны сийöс...

Да мыйөн на и аттьöалан, зон:
Öд шондiлөн и сылөн — öти дон!

Гожся шондыс енэжөд уйö...
Тэнад керкалань векныдык туйöд
Дзирыд кар шөрсянь прөст кадö кежан —
Воан ыркыдас, гажаас, вежас.

Лэбач дзольгөмөн керкаыд ойдö,
Бытгьö олан он карын, а мойдын.
Тани лолöй и аслам тшөтш сьылö,
Гожся шонди моз качөдчö вылö.

Кодыр гожöмыс сьөлөмад кывтö —
Татшöм здукьясö олан мөй сьывтөг!
Мыйкö бурджыкыс му вылас эм-ö
Войвыв гожöмлөн дженьыдик нэмö?

Жугыль мөвгьястö вежöрсыйд вешты —
Мунас гожөм, но мойдыс оз эшты:
Арся шондыс гожсясö вежас —
Керка гөгөртö зарниөн эжас.

А вот мунас гожöмыс да арнас
Мыйсö на оз козьяв йöзлы парма!
Пестер босьт да состö сöмын пудж —
Киясыды арбыд лоö удж.

Сийö-й төждыс сиктса мортлөн — оз öд
Онi сийöс верд колхоз-совхозыд.
Бур, мый коми мортлөн вöрыд эм —
Тшыгла, гашкö, оз на помав нэм.

Кыдзкö-мыйкö бергөдчас на сiдзнад:
Асыд вот, да-й вузальштны вичмөд —
Пызан вылас лоö нянь да сов,
Бара кутас овны. Быть öд ов...


АРСЯ ЗЭР

Дзик бытгьö корысь — кöдзыд арся зэр
Кык вежон чөж нин шөйтö мудзсö төдтö
Да жугыльмөдö ывлаислысь сер,
Да сьөлөм пытшкысь олан бисö пөдтö.

Да личкö-пөдтö менсьым олан лад...
О, мыйта шогыс лолад вөлөм төрö.
Оз эскыссы, мый мунас зэра кад,
Мый шонди бара петас енэж шөрö.

Эн гажөдчөй! Мед гөгөр лоö шог!
Мем мустөмөсь сэк теш да кыпыд серам,
Кор олөм пыдди — сöмын төжд да нок,
И коймөд вежон коставлытөг зэрö...

Вика КАРМАНОВА



МУСАӢЙ

Бара на вой шӧрын садьмӧдін-чуксалин,
Тӧдан ӧд, кодзулыс миянлы кусӧма.
Ӧні ме мӧдлӧн нин.
Мӧд...
Донаӧй!
Жебиник муслунсӧ видзим ми ӧна-ӧ?
Сійӧ, мый му вылас медьӧна колана,
Сӧмын нин руалысь вӧт.

* * *

Ме кӧсья здукӧн вошны
Да ӧновтны веж мусӧ,
Кӧн томлун менам косьмӧ,
А олӧм биыс кусӧ.
Ме татшӧмтор ӧг виччысь,
Ме чайті — шуда лoa.

А ӧні мунны кытчӧ?
Дай кодлы, кӧні кола?
Зӧв сьӧкыд сьӧлӧм вылын.
Мый аски луныс ваяс?
И сӧмын гажтӧм сьылан
Руд енӧжланьыс кайӧ...

* * *

Овмӧдчӧма шоныд кодзув
Ичӧт сьӧлӧм пиын.
Нюмдыштӧма, морӧс водзын
Узьӧ менам пийӧй.
Эзысь тӧлысь ӧшинь сайын
Ӧзйӧ сись кодь биӧн.
Лӧнис Эжва сайса кайыс...
Узьӧ менам пийӧй.
Узьӧ менам дзоля мортыс —
Менам сӧвмысь лача.
Сылы сьыла, сылы мойда,
Сійӧс вӧтӧн аддза...

Мусуктö сьөлөмүд бөрйö

ПОВЕСТЬ

* * *

— Максим, регыд пывсянö мунны. Опонь дядь көсйö бöрас мунны, ог пö ме вермы жарас пывсьыныыс.

Максим гожводзалігкості Тонялөн пывсяныс ваймöма, пусьöма-пöжасьöма и оланінсö пелькөдöма: чышкасьöма, мыськасьöма и жырь-яс сынöдыс лоöма сөстөмджык.

Максим тівксөдіс көстыльяснас пывсянö, недыр мысыт корöсьсөн локтіс сэтчö Тоня, юалис:

— Пөрччысьныд кө он вермы, вай отсала.

— Абу öд седун. Тэ мун татысь, — öвтыштис кинас зон.

— Ладнö, ваяссö вöча и муна, — ныв пырис пывсянö, мөдіс шоль-көдчыны ваон, а зон пывсян көджен разис доймөм коксьыс көртөдсö, босьтіс шынасö. Пөрччис дөрөмсö да улыс гач кежысь стен дорö ки пöвнас пыксьөмөн тшөтш пырис.

— Корөсьсö пöжöма, ваяссö лөсьөдöма, ёна пывсьы, мед лудöмыд бырö, — пывсян жарысь гөрдөдөм чужөм вывсьыс пöсьсö чышкаліс Тоня. — Ме сэсся муна.

Пывсян пытшкөссö дас кымын морт вылö лөсьөдöма. Горсö ыджы-дөс изйысь тэчöма. Öти ломтөмö куим-нөл партиядз вермасны пывсьыны, и пыр жарыс эм. Төвнас сортовщикьяс быд вежон пывсьöны, öти луно мужикулов, мөдö — нывбабаяс.

Максим неуна пукалыштис улыс пөлök вылын, мед вир-яйыс бурджыка шоналас, сэсся чапура тыр койыштис гор вылö пöсь ва. Доналөм из клопкис-луйыс, вомдзалөмны пö, шулуыліс из потігөн батыыс. Пöсь жарыс первойсö ньөжйөнник, сэсся пыр ёнджыка пыськөдчис вир-сөнъясөдз, быд лолыштігөн гильөдіс голя розь, небзьөдіс гырк пытшкөс, лысьөмсö. Максим сьөлөм бурмытөдзыс швачөдіс небыд корөсьөн мыш и водз, лудан коксö. Сэсся мөдысь на чапура тыр ва койыштис гор вылö, ачыс нюжөдчис вылыс джоджö. Зонлы вöлі лөсьыд, некыті эз вись, эз дойд, куйлас көть рытывбыд, но жарыс да пöсьыс вөтліс улыс джоджö. Ыркөдчөм могоысь востіс пывсян öдзөссö. И уси дум вылас төвся лоөмтор, кыдзи код юра Конö Пиляөс ыстылісны мужикьяс пывсьыны. Пиля локтас пывсянö, лючки-ладнö пөрччыяс да пырас баба чукөрö — налөн луныс вөлöма. Томджыкьяс горзігтырйи уськөдчасны вылыс джоджö, тупкаласны яндысянсö кияснас, збойджык аняяс кватитасны ведра тыр көдзыд ва да бузгасны-кисьтасны мужиклы юр вылас. Мөдыс пасьтасьны вунөдас, йöй моз локтас баракö. Вот смекод!

Ыркөдчөм бөрын том морт нöшта на койыштіс горйö, выльысь швачөдчис, сэсся киськасис да петіс пывсян көджö пасьтасьны.

— Максим, тэнад гөтов, пывсьыссис? — кыліс ывласьян Тонялөн юалөм.

— Гөтов, неуна ыркөдчышта и кышася.

— Ме, либö, пыра.

— Эн на, ме пасьтөм.

Пом. Водзыс первой номерын.

— Ог кут видзодны...

Зон эз на удит вочавидзны, а ныв шурк пырис нин коджэ, чуш-чаш пёрчис вывсыс сарапансэ да улыс дёрём мыг кежысь воши өдзэсэд. Сэсся недыр мысти кыліс корёсьён швачөдчөм. Максим мөдліс пасьтасыны, а улыс гачыс эз вөв, пывсянас пырис улыс гачён, петігас вунөдөма.

— Тоня, — чукөстіс нылөс зон, — өдзөс пырыс мыччы улыс гачөс, кольөма сэтчө.

Воссис пывсян өдзөс, но ныв эз мыччы зонлы гачсө, а ачыс петкөдіс. Пөсялөма, руалө, жарысла быдлаті банйөма. О, господи! Зон водзын дзык пасьтөм сулаліс Тоня, коді вөлі дзык сэтшөм, кутшөмөс коркө батыс висьтаваліс. Эм пө зэв мича ныв Венера, кодлысь пө мыгөрсө пасьтөгыс кисьтөмны бронзасы да видзөны музейын. Максим быттө нылыштіс кывсө, нем оз куж шуны, сөмын лапйөдлө синьяснас да тяпөдө вомнас. Видзөдө андел кодь мича ныв вылө, кодлысь Енмыс быдлаті шыльөдөма, лөсьөдөма, ас местаас тэчөма и лоөма дзык Венера ныв кодь. Ичөтик нёнясыс пывсян жарсыс булки сямөн лыбыштөмны, водзө чурвидзөны. Дитя вомө веськавлытөм кизь кодь нёнйывъясас өшйөмны ва войтъяс. Гөгрөсіник рушку шөрө вөйтчөма гөгтор.

— Мукөд зон водзө кө, эг лысьт петны, а тэзысь ог яндысь, колөкө, видзөд. Паськөмнас быд лун аддылан, а пасьтөгыс первойысь на. Тадзыкөн, гашкө, ёнджыка кажитча да верма избачкаыдлысь мырдзыны, — өти здукөн нывлөн көсйөмыс ылькнитіс-петіс вомсыс, кодөс пыр на видзис гусьён.

— Мун татысь, яндысьтөм син! — Максим вөтліс ас водзсыс вельмөм нылөс, көть эськө окота на вөлі мичнас любуйтчыны.

— Мед төдан, мый ме збыльысь тэнө радейта! — алөй дзоридз кодь вом дорьяссө нюлышталіс ныв, быттө окыштны лөсьөдчө. — Верман дивитны, янөдны, верман мекөд не сёрнитны, но ме тэнө, муса зон, Максимушко, радейті и кута радейтны. Сьөлөм тэнө бөрийөма, мый көть сэсся бөрыннас ло.

— Тоня, өвсыс, менам Катерина эм, — зон көсйө вөлі гачасыны, но ныв водзын яндысис да бөр тупкысис. — Эн болгы, а пыр да пывсы... Опонь дядь локтас, мый думыштас? Ныла-зонма пө пывсянын пасьтөмөсь. Юр яндзим!

— Сійө абу йөй, ставсө гөгөрвоө, и ме ог көсйы дзевны йөзсыс тэ дорө ассым муслунөс. Вот! Оні ставсө висьталі, пыра сэсся...

Максимы вөлі нимкодь: ныв висьталіс сійөс радейтөм йылысь, ачыс көть водзджык нин тайөс төдіс. Но зонлөн сьөлөмыс мөдторйысь майшасис: вермас-ө сійө Конө рөдкөд миритчыны, вермас-ө накөд лоны кутшөмкө йитөд? Тоня эськө зэв мича и авъя ныв, радейтчөма со сы вылө и ачыс некодысь повтөг и юасьтөг кольччөма сы дінө... "Мый нө вөчны, кодлысь юавны? Ёндрей воканлы тай кажитчөма жө. А кытчө Катеринасө? Ме сійөс радейта, а сійө менө радейтө-ө, оз?"

Татшөм думъяс гартчисны зон юрын пывсянысь локтігөн. Недыр мысти нывлөн пывсыссьөма жө, локтіс кумач моз гөрдөдөма, пөсялөма, но удитөма нин чукөстны пывсыны Опонь дядьөс. Тоня шыбитчис нар вылө да ыджыда ышловзис.

— Уф! Татшөма некор на эг пывсысыв...

— Став гректө мыськин? — серөктіс том морт.

— Менам грекыс абу на, не кө лыддыны тэ водзө пасьтөг петалөмсө. Ева пө тай пасьтөг жө сулалөма Адам водзас.

— Сэсся грек тай и вөчөмны...

— Ме вылө кө радейтчан, ог пов грексыс...

— Ме кык пеляс ог вермы юксыны, медым өтпырйө кык нылөс радейтны...

— Максим, ме тэныд висьтавалі: рынышыд сотчө, сэрапомъясыс нин, көнкө, эз кольны.

— Вай сы йылысь огё кутё бызгыны.

...Вазьём дөрёма пырис Опонь дядь. Съод печеньча кодь чужо́мыс пывсян борад ловзыштёма, бандзибъясас то́дчыштис алёй рём.

— Небыд да кокныд парён, — ётшётш шуисны том йёз.

— Тэныд атгё, пывсян вёдитысь, — шуис Опонь дядь Тонялы. — Пывсяныд, челядь, быдёнлы лёсялө, лысьёмтө небзьёдө, лолтө личёдө и бытгё томмөдө. Миянөс тані көрт туй пискөдигөн кык-куим то́лысьёдз эз пывсьёддыны. Ном да лөдз курччаломысь яй кучикным кормёма, пупышось-нерөдось, мыляс письталёны, майтөгөн мыссьывтөг кикар погласёма. Ставным тойёссим, чашйысям-гыжъясям. Лоё тай терпитны. Но, ладнө, кольёманас ог кут тиянөс майшөддыны. Вайлы, Тоня, нар улсьыд туиссё, эм на кө сэни юанторйыс.

— Эгө ми вөрзьөдлө, пыр на сэни, — вочавидзис Максим.

— Коркё Суворов шулёма, пывсян борад пө кальсонтө вузав да румка вина ю, — сур туиссё лабич вылө пуктём бёрын варовитёс Опонь дядь.

— Кутшөм Суворов? Коді тай ягын пөрөдчигас пу улө веськавліс? — юалис Тоня пач вылысь сёян ваялігмоз.

— Яков Суворовыд тэнад менам Суворов водзын, код йылысь сёрнита, нямөд доныс оз сулав. Сійө ыджыд полководеч вөлөма, кужлөма воюйтны и пыр вөрөсө вермылёма. Царица Екатериналы служитлөма, а тэ шуан: пөрөдчысь Суворов! Смек! — Опонь дядь лэптыштлис сур тыра кружкасө том йёзөс ышөдөм могысь. — Матыстчөй пызан дорас да мед лочки-ладнө вөлі таладор светас. Аминь!

Максим вешйыштис пызанлань, а Тоня бара пыксис юёмысь.

— Ме төн нин висьталі: ог ю.

Кык мужичөй юыштисны и бөр пуктисны кружкаяссө, чеплявны мөдисны жаритөм чери.

— Ёні, шоныдінас дыр сулаліс да, кажитчө, ёнджык лөма, — Максимлөн вильышмисны синъясыс дай чужо́мыс лои гөрдджык.

— Кымын дыр видзан, сымын ён сур артмө, — ошйысьны пондіс тошка дядь.

— Меным бара нин юрөдз кайис, — нюмдіс том морт да яндысьёмөн видзөдліс Тоня вылө. — Коддзыны верма.

— Мед. Пывсян борад пөлезнө, вируд ветласджык. Дерт, оз ков вывтіасьны-а.

Бівласянь кыліс понлөн никсөм шы. Опонь дядь петаліс да лэдзис Буско понсө керкаө.

— Дырджык кө гортө ог лок, корсьны кутас, — бурывсь донъяліс ассьыс понсө көзяин. — Кок туй серти аддзас, быд мортлөн вед аслас дук.

— Опонь дядь, тэ быд гожөм тані коллялан, абу гажтөм? — Тоня лөсьөдыштис пель дорсьыс дзугсьылөм юрсисө да виччысис пöрыссянь воча кыв.

— Абу вед өтнам, баба эм дай кань и пон — нель душ! — йөнгыля чуньяссө чукрөдліс дед. — Сэсся мыйөн тані омоль? Ачым көзяин, некод оз вид, оз команduit. Бабакод огө пиньясьө. Тані гожөмнас рай! Быдтор эм, мый лолыдлы колө. Немтор вылө ог веж татчөс олөмсө. Енмыс кө сетас здоровйө, позьө на вөравны и чери кыйны, и вотчыны.

— Опонь дядь, тэ пыр на гаралан көрт туй трасса стрөитөмныгө, а он висьтав, кызди сэтчө веськавлін? — Тонялөн синъясас өйис быдтор төдны көсьяна битор.

— Абу зэв гажа висьт. Быд пөрийө виччысян вөлі плешкад пуля либө сёлөмад пурт, — Опонь дядь бара юыштис сурсө, чышкыштис ус-тошсө да водзө мөдис висьтавны: — Уна зеклөн тані, трасса бокас, шойыс сисьмө. Менө кызкө Енмыс видзис, эг згинит. А вед кутшөм ыджыд йөзөс судитлөмны; врачыд и артистыд, дай весиг өти полковник вөлі. Коньөр, татчө и цуктис ловсө, виисны шпанаяс. Нырщикъяснас тані вөліны быд бандитыс да морт виысьыс.

Опонь дядь индіс чуньнас Максим кружка вылө.

— Вай нөшта кисьта.

— Тырмас, ки-кок лёталіс, сингяс мөдісны куньсыны, — өтка-житчис зон сур юбмысь.

— Ог мырдөн невөлит... — сөглас сетіс Опонь дядь. — А ме ичөти-канад видьштывла, тадзи, пывсян бөрьясө да празникьяс дырйи. А сідзсө ог жө... Но, ладнө, көсийси Тонялы висьтасьны, да висьтася. Пөкаитча вичкоын моз. Ветымын вит вонад уна жө чукөрмис грекыд, көть эськө мортөс эг вилы, нылөс эг өбидитлы, гусясьны эг велавлы, пөрьясьны сідз жө, но кык грек эм: вина-сур юбм да куритчөм. Вот сідз, едрөна корень! Дас кык во сайын, кызь өкмысөд воө тулыснас, аслам жө сиктса йөз, кодьясөс шуисны комбедса войтырөн, гражданскөй война дырйи еджыдьяслы отсасьбөмысь менө мыждісны да кулачитөм кык крестьянинкөд этапөн мөдөдісны татчө трасса керавны. Вайисны, а оланіныс абу. Ковмис аслыным барак кодь вөчны. Кык вонад меным сюрис пыкны и тшыгсө, и кынмалөмсө, и висьбөмсө. Гожөмнас тшак вөлі вовсю вотамө да тшак "юкванас" сукар кылөдамө. Зэв омөля вердісны, кынөмыд пыр сюмалө, виччысьны он вермы тшак пуөмсө, чуть кө небзыштөма — панялан нин. Сэсся өти войө тадзнад рушкүөс пондис ныж пуртөн оройөдлыны, терпитны ог вермы, көть караул горзы. Куим сутки чөж куснясьбөмөн нар вылын вальмайтчи, эбөсөй дзикөдз быри, асмогасьны ог вермы чеччыны. Но, думайта: "Опонь, прөпал, сюсь да визыл морт эськө вөлі, да кула, тыдалө, татчө, и гөтыр оз мөд төдны гусө. Мыйтөм нин шой куйлө проклятөй трасса бокын кресттөм да нимтөм гуын. Енмыс төдө. Нельөд сутки тыригас, чайті нин, кула, киясөс морөс вылө кресталі, виччыся лов петөм. И стөч сійө здукө кодкө пырис баракө. Ме кодь жө ичөтик тушаа, өчкаи морт, пуксис нар вылө. Юаліс, важөн-ө вися? Ме висьталі. Аслам кывйөй омөля нин бергалө, вежөрөй ру пиын, вот-вот синмөс куня пыр кежлө. Öчкиа мортыд юкталіс менө мыйөнккө да корис нянь крөшки вомө не суйны, а юны сөмын пузьөдөм ва. Рыгнас бара воліс да клизма вөчис. И сідзи дас лун чөж олө куш ва вылын. Поконик кодь нин вөлі, и дивө вед — сувті кок йылө. Бөрыннас нин кывлі: менам андел-спаситель вөлөма Вөлөгдаысь, уджавлөма врачөн, а сэки, ме моз жө, трасса писькөдөма. Сыысь өтар эз вөв врач ни пельшар, висьсысьсө некодлы вөлі бурдөднысө дай нинөмөн вөлі бурдөдныс: лекарствоыс некутшөм эз вөв. Врачыд, велөдчылөм мортыд, аддзөма менсьым майшасьбөмсө да ас вөлясьыс, некодлысь юасьтөг, отсаліс бурдөдчыны. Прамөй морт вөлі лекарыс, уна мортөс спаситіс. Ог төд, көні бур юрнас өні ветлө-а?

— Батьөс менсьым тані жө кык во чөж уджөдөмны, — суйсьыліс сөрниө Тоня. — Аддзылөма жө быд пөлөс мортсө, кила нажөвиттөдз лоөма, өні на висьбө.

— Төда, помнита батьтө, ыджыд, ён мужик вөлі, унакөд тані зык-сьыліс, аслыс сюрлі и, — чигарка гартігмоз казытыштіс пөрысь морт да водзө кутіс панөм сөрнисө нуөдны. — Комынөд воө трассасө лючки эштөдтөг и помалісны уджсө. Мөскуасянь шуөмаөсь: абу пө колөма сэті көрт туйсө писькөдны, өшибка пө лои. Кулачитөмаясөс да ми кодьбөмяссө лэдзалисны гортгьас. Ыджыд мыж вөчысьясөс бөр нуисны кытчөкө. Гортын куим семья олісны: ыджыдджык да ичөтджык вокьяс гөтыргьяснас дай бать-мам, менө Матрөнкөд эз нин сибөдны. Некөні вөлі овнысө да ковмис өтилаын-мөдлаын уна во шөйтны, дас пөлөс удж вежны, кытчөдз эг кывлы "Комилесса" уджалысьяслысь, мый Кос Яг вөрпунктө колө стөрөж. Ме вөлі төда татысь гажа местаяссө да и медаси. Витөд во оламө. Төвнас конюкала, гожөмнас — стөрөж... Но, тырмас сэсся болгыны. Дзикөдз мөді гажмыны. Буско, вай гортө мунам.

Максим гатшөн водөма да шкоркйөдліс нырнас, узис нин. Тоня чукөртіс няйт көлуй да муніс пывсянө пеласьны.

Нывлы рытгорулөдзыс ковмис ноксьыны көлуйөн: пелавны-пожь-

явны, косьтём вылө ошлыны. Бөрсө гортас локтигөн мышсяныс друт кодикө мисьтём гөлөсөн "Бу-у-у, бу-бу-бу" букнитис. Тоня кывлывліс олома йөзсянь сюзьлысь повзьөдчөмсө, быд ногыс гөлөссө вежлавны кужом. Мукөддырйиыс пө баксыны вермө вой улө узьмөдчөм мөсьяс моз. Унаысь мөс корсысь бабаясө аслас "Бу-у-у"-өн весьөпөртлома, повзьөдлөма омөль сьөлөмаясөс.

Ён суртө юом бөрас Максим пыр на узьө, сөмын бергөдчөма бок вылас да эз нин шкоркйөдды. Нывлы окота вөлі матыстчыны, топөдыштны гөрдөдыштөм чужөмсө морөс бердас. Чөскыда чупнитны окыштны ускасны мөдөм парсө. Аслас нэмын, а сылы нин дас өкмысөд вылө, Тоня некодөс на эз окавлы, а сийөс орчча керкаысь гөрд Өльөксей, шуткаөн ли, збыльысь ли, трөича праздник дырйи окавліс. Нывьяс чукөрысь кутіс сийөс, топөдіс юрсө да дульбөсь вомнас нильөдіс парьяссө. Бөрыннас бур здук ковмис сьөласьны. Өльөксей окыштөмысь эз вөв Тонялы нимкодь, а зывөк. А өні аслыс окота вөлі мусуксө окыштны, и сьөлөмыс тайөс корис, и лолыс көйиис. Ныв матыстчис узьысь дорө, ньөжйөник копыртчис, мөдіс видзөдны чөскыда нискысь узьысь да, дерт, мыйкө вөталысь зон вылө. Тоня эз нин вермы кутчысьны, кутшөмкө пытшкөсса вын ышөдіс сийөс ляскыны парьяссө зон парьясө и сідзкөн олыштны, вунөдлыны ставсө, мый вөчсьө таладор светас. Ныв паськөдыштис парьяссө да чурснитөмөн топөдчис зонлөн вом дорьясө. Максимлы эз мөд тырмыны, тыдалө, сынөдыс лолавнысө, садьмис да восьтис синьяссө.

— Мый тэ вөчан, пөдтан вед? — нывлөн окалом вылө зон эз дөзмы, ачыс на сывйыштис сийөс сьыліөдыс да водзөссө чөскыда окыштис. Тоня мынтөдчис зон сывйысь, гажаа серөктис.

— Тэ, вөлөмкө, бура нин кужан окасьнысө.

— Кыкысь ли куимысь ли Катеринакөд вөлі делө, — эз кут сосыны Максим. Сэся пукис лабич вылө да мудера шпыньмунис. — Тэ, тыдалө, збыльысь менө смилитін ас дорад. Катеринакөд во сайө дружитам, а сьөлөм бурмыгөдз эз на удайтчыв сийөс оковны. Кыдзкө, быттьө, сийө өтдортчө меысь, полө. А тэ вот босьтін да первойөн менө окалін. Мый нө өні меным вөчны? Кык би костө веськалі, өтарсянь и мөдарсянь кутанныд сьөлөм сотны.

— Өти бисө кусөдам, а мөдсө ёнджыка пестам, мед нярьяласотас туй потшысьсө. — Тонялөн югыдлөз синьясас ыпнитис меліун, вөсньыдик парьясыс лоины оз тусь кодьбөсь — сьөлөмас поздысьөма радлун. Ассым биөс ме некөр ог кусөд, и тэнсьыд сьөлөмтө өзта на и...

— Видзөдлам, кодныд ёнджыка өзтанныд бипурнытө! Сы дорө и муна шонтысьны, — не то збыльысь, не то серамөн вочавидзис зон.

— Менам, муса зон, сьөлөмын абу бипур, а пөжар, и чайта, некод сийөс оз вермы кусөдны, — вильыш синьясөн видзөдліс зон вылө ныв. — А Катеринаыдкөд тэнад рынышыд сотчас и колясны сөмын чусалысь шомьяс. Гортад лэччан да тэ дорө сылөн шырбиыс лоө нин кусөма, вот аддзылан?! Төвбыдөн өти гижөдтор эз ыстыв, көть быд вежон сиктад лэччылысьыд вөлі. Мыйла? Сы вөсна, мый тэзысь сийө оз гажтөмтчы, тэ йылысь оз мөвпав. Сідзкө, кольө өтитор: дугдыны сы вөсна асьтө майшөдлыны. Сьөлөмсьыд нетшышт, ылөдз кимльөс ки выв шыбит. Вот!

"А, гашкө, сідзи и эм. Төлыс коли, а өти письмө эз ыстыв. Бөрья лэччылігөн пыксьө вөлі окасьөмысь и. Збыль кө, быттьө, радейтис менө, эз жө кут сідз вөчны? Мыйкө миян костын неладнө. Кодкө, тыдалө, миян костө суйсьөма, сы вөсна и көдзалөма ме дорө. Но мыйла? Ачыс шуліс, мый менө радейтө и кутас виччысьны. А збыль кө пөрьясьө? Зэв тайө абу лөсьыд. Тоня ме вылө радейтчөма да ачыс со первойөн окаліс, эз яндысь весиг пасьтөг ме водзын сулавны. Нылыс зэв мича и шань, уджач и, чайта, оз ков сы дорысь өтдортчыны" — зон юрын татшөм мөвпьяс гартчисны Тонялөн лөсьыдик мыгөр вылө видзөдігөн, коді өні пач дорын лөсьөдіс ужын.

Войнас ныв да зон асланыс наръяс вылын дзуртісны-бергалісны, эз вермыны дыр унмовсьны, быдён мөвпаліс ассьыныс майшөдлана думъяссө.

Аскинас Тонялөн мича чужөмыс вөлі пыктыштөма, бытгё номъяс курчаломны. Узытөмсьыс да майшасьөмсьыс, көнкө.

— Лун-мөд кө нөшта татшөм шоныд лоө, вөр туйыс косьмас, — өшиньөд шондіа ывла вылас видзөдлөм бөрын сёрниө пырөдчис Тоня.

— Сідзкө, регыд нин мела вөлөн воласны, — вочавидзис Максим. — Сиктын, көнкө, ёна нин майшасьөны ми вөсна. Кыдзи пө сәні и олоны, мый сөйөны?

— Менө мам сөмын жалитө, а мужикуловыслы ме эм көть абу, — сьөлөмсянь кайтыштіс Тоня.

— Өтлаын олім да мый вот и кутасны ми йылысь шуасьны? — майшасьөмөн артмис Максимлөн.

— Кодысь полан, избачкасьыд?

— Йөз баснисьыс.

— Радейтчөмыд, муса зон, — абу гусясьөм! Нинөмла сійөс дзенысө. Ме быдөнлы лысьта висьтавны, мый тэнө радейта, и некодысь ог пов, весиг ай-мамысь, — Тоня чеччис пукаланінсьыс, лосьөдыштіс ассьыс сарапансө да кок пөв вылас шурк бергөдчис зон водзын. — Ог пов и ставыс, мед, колөкө, төдөны!

Жырийө пырис Опонь дядь.

— Талун стөч зэрмас, кодзувкоткар вылысь гагьясыс тупкалөмны пыран-петан розьяссө дай номъяс өдөлитөны, — юөртис пөрысь морт, сәсса адзис Тонялысь пыктөм чужөмсө, жалитыштіс.

— Тэ дорө тай, ныланө, вир юысьясыс сибөдчылөмаөсь нин?

— Медчөскыд кажитчөма ныв вирыс, — серөктис Максим.

— Быд вой кө тадзи мөдасны курччасьны — матайтчам. Колө перина эжөдьясысь вурны вон дөра, — вочавидзис Опонь дядьлы Тоня. Оз өд кут висьтасьны: эг пө узы, радейтчөм вөсна пө майшаси. Коньөрасьөм нин тайө лоө.

— Мезда тиянөс, сета вонтө. Баба век вөлі сәні гожөмнас узылө, а өні сійө абу, — көйыисис Опонь дядь. — Менам яй кучикыс табак тшынсьыс дубитчөма, оз сөйны номъясыс, вирөй курыд и...

— Ми кыкөн, вонйыс өти, ковмас вежөн-вежөн узылыны, — кияс-сө паськөдліс Максим.

— Ме сета тиянлы, а сәні асьныд пудьясьө, кыдзи кодлы узылыны? — бытгё веськодпырысь вочавидзис пөрысь морт.

Вон дөрасө ковмис өтар боксянь и мөдарсянь бедьяс вылө өшөдны, а бедьяссө пөтблөксянь тонгөдөм гезьясөн көртыштны. Паськыд вонйыс, а лабичыс векныд. Нөшта куим пөв содтыны, и кыкөнлы бура позис сән узыны, төрисны эськө.

— Вот, узигад номъясыслы туйыс өні игана, — нимкодьясис вон дөра пуктөм бөрын Опонь дядь. — Ме муна талун сямөд кульны, колө пач өддзөдантор төв кежлас дасьтыны, — керкаыс петігөн нин висьталіс Опонь дядь.

Сійө мунөм бөрын Тоня шуис:

— А ёна жө бур да лышкыд морт дедөыс.

— А челядьыс абу, — содтіс Максим.

— Гөтырыс вит арбсөн том, өтиөс пө и вайлөма, но кутшөмкө висьөмысь кагаыс кулөма, — жалитіс Тоня. — Челядтөгыд абу лөсьыд, пөрысьман да коді кутас видзны? Менө кө верөс саяд босьтан, Максимушко, дасөс эськө вая.

Максимлөн серамыс петіс, любөпырысь видзөдліс ныв вылө.

— Став юрситө нетшкасны, көсатө немесь лоө кыны.

— Мед, сы пыдди кутшөм гажа лоө. Гизьвидзөны пызан саяд ичөтысь-ичөт, мичаникысь-мича, зөлөта ёкмьяльяс.

— И ставныс сөйны корөны, бөрдөны, — пыльснитіс Максим, Тоня моз жө ворсөдчис.

— А батыс мый вылө? Вердас. Видзөд, кутшөм ыджыд да ён.

— А мамыс эськө мый мөдас вöчны?

— Мамыс? Мамыс — быдтысьны: пусыны-пöжасыны, вердны-юктавны зöлöта пиянсö, зарни тусьяссö. Вот.

— Сийö ва вылö на гижöма...

— Ставыс тэ сайын, муса пи.

— Гöтрасыны меным оз на позь. Öти-кö, таво гожöм вермасны нуны армияö, мөд-кö, менам невеста эм.

— Надейтчы, надейтчы, сы кежысь и колян, вот тэныд мый шуа, — Тоня дузгысис да петис жырйысь.

Лун шөрланьыс ставнас енэжыс лöзöдiс. Ыджыд шыöн локтiс төв ныр, катлöддыны-пöлынявны кутiс пуяс, чашйис-нетшкис керка вевтысь сись тьöсьяс, гызьöдiс ю веркöс, вайис ыджыд зэр. Гым-чард водзад став зверь-пöткаыс ланьтöма да дзебсьöма.

Тоня котöртлiс шор дорö, чай вылö чегьялыштiс сэтöр увьяс да бөр тэрыба кайис. Муртса удитис пырны, и керка пытшкыс ставнас югзылыс, сэсся сы бöрын енэжыс быттьö потi, чорыда гымыштiс, и сийö жö здукö кос аныкытш кодь шер мөдöдчис швачöдны öшиньö.

— Таво первойысь на татшöм чорыда гымалö, — öшинь пыр дзоркнитiс-видзöдлiс ывлаö Максим. — Тувсов Микöлаөдз кö гыма-зэра лö, вотöс уна лö, шулывлö мам.

Гыма зэрыд регыдөн и кобис. Бара мыччысис мича шондi. Сылөн югöрьяс улын руалiсны керка стеньяс, ю дорысь лыбис небыдик ру. Быдласянь кылис лэбачьяслөн сьылöм. Вылысь пуксис гажа, мича лун.

— Кöстыльнад вöдитчигөн киняулыд резьдöма, вай дөрöмтö пöрччы, вурышта, — Тонялөн видзöдласыс пыксис Максим дөрöмö, кодлөн соскыс муртса нин кутчысьö дзикöдз оромсьыс.

Зон пöрччис дөрöмсö, а ныв кыскис аслас кудйысь ем, сунис да мөдiс вурсьыны. Первойсö Тоня ньöжйөнiк, сэсся пыр гораджыка мича гөлöсөн заводитiс сьывны.

Ой, милöйöй, милöйöй да,
Шондi булки чужöмöй,
Юмов преник вом дорöй.
Ок, милöйöй, милöйöй да,
Бать-мамысь кöдзöдысьöй,
Чой-вокысь янсöдысьöй,
Рöдвужысь янöдысьöй.
Ок, милöйöй, милöйöй да,
Вунöдiн тай, вунöдiн,
Шог-печаль вылö колин.

Максим помöдзыс чöла кывзiс нывлысь сьылöмсö, эз торкав. Бöрас вöлись шыасис.

— Тэ тай и сьывны мастер вöлöмыд. Эг на и кывлы.

— Менам мам мичаджыка на сьылö, сийö менö велöдiс, — ошйы-сьыштiс Тоня, сэсся пиньнас орöдiс суниссö, мыччис зонлы дөрöмсö.

— На, кышав.

Сөлөть ва паськöма жырйö пырис Опонь дядь. Питшöгсьыс перйис ёкмыльтор — пузчужöм кöчпи.

— Трасса вылас, коньöр, кык кер костö сибдöма, төрыт на, буди, и чужöма. Буско явитiс, эськö керьяс костас и ланьтiс, — жалитiс вайöмторсö пöрысь морт.

— Ме кывлi, кöч мам пö ассьыс писö вайöм бöрас öтчыд вердö и пыр жö эновтö, — юалiс Максим. — Тайö збыль?

— Да. Кök да кöч пöшти öткодьöсь, некоднанныс оз тöждысьны пиян вöснаыс. Öтиыс ассьыс кольксö мөд позйö шыбитö, мöдыс пузчужöмсö вöля выв, ас кежас кольö, кул кöть ловзы, — шог ни печаль, — висьталiс Опонь дядь, вөр-ватi уна велгöм морт. — Мөд мам-кöч кö слöймас котöртны, вердыштас да бара водзö аслас туйöд. Кöч йöв зэв пöтöс, а вежон мысти пиыс ачыс нин йирсьö.

Кык мужик сёрнитiгкöстi Тоня кытчöкö недыр кежлö петалис, пырöм бöрас шыасис.

— Опонь дядь, сукарсö гирскöмысь умим нин, колö видлыны пöсь нянь пöжавны. Ме öнi видзöдлi: пöжасянинас пызьыс эмышты. Рокöссö гортсыд вайыштан кö, пöжася.

— Сямман кö, виды! — сöглас сетiс тошка дядь.

Тонялы бур звук ковмис ноксыны пöжасян жырыин: ва пыртлыны, пес вöчны, нянь шом кöтны, чышкасыны. Сэссия веж турун на ковмис кöчильлы нетшкыны. Жыръяс пырис пемдiгас. Максим куйлiс нар вылын да первойöн шыасис.

— Тоня, черöдыс вонъяс тэд узыны.

— Мем кö, и узя, — кöсийысис ныв, ужнайтöм бöрын шурк пöрччысис и тювкнитiс вонйö. — Тани местаыс эм на, тэ тöран и. Воча мыш водам дай.

— Ёна кö мöдасны номъяс курччасыны, войнас, гашкö, локта, — кöсийысис зон.

Войнас Максим садьмылiс, но номъяслысь курччасьöмсö эз кыв да бöр унмовсис.

Асывнас зонмöс садьмöдтöг Тоня петiс пöжасыны. Öбедайтiгкежлö нывлөн пöсь няньыс пачысь петiс. Банйöм, пöсь тупöсыас пыртiс пызан вылö, чукöстiс тшöтш Опонь дядьöс.

— Дай Бог и водзö тадзи пöжасыны, вот тайö кöзяйка! — ошкис нылöс пöрысь морт. — Водзджык кö висьталiн, мый мастер пöжасыны, эгö чорыд сукарөн вөлöга кылöдö. Менам бабалөн кодь жö чöскыд артмöма. Вот сiдз, Максим, колö кужны гöтыръястö бöрийыны — пусьöм-пöжасьöм серти. Кылан? Эн вай зевайт, а гöтрась.

— Водз на мем гöтрасьнысö, — вочавидзис Максим.

— Водз гöтрасьöмысь да водз чеччöмысь некор оз ков каитчыны, сiдз менам пöль висьтавлiс, — табак кöшель перийс зепсыс дядьö. Но эз тэрмась гаргыштны чигаркасö, а кöшельсö бöр пунктiс пидзöс вылас, тыдалö, кöсийс тöдмавны, уна-ö мешöкас табагыс да оз-ö ков содтыны.

— Ачыд сёрөн жö гöтрасьöмыд, коркö тай шуан вöли, — кöригыштiс бытгыö пöрысьöс зон.

— Гортын уна гозья олiсны, да некытчö вöли вайöдны гöтырсö, вот и нюжалыштiс гöтрасьöмöй, — веськыда висьтасис олöма морт. Аслас збодера на югьялiсны синъясыс, кöть мортыс нэм джын нин олöма да уна ускöттгыö аддзылöма.

Мöд рыгнас Максим бара шуö Тонялы:

— Менö номъясыс оз курччавны, тэ вонъяс вод.

Ныв эз кут вензыны. Бара вонйын узис. Сэссия пöдрад куим вой ассыс пайсö вонйын узыны зон нывлы сетiс. Öти рытö Тоня нарoшнö эз пыр вонйö, лои водны Максимлы. А войнас Тоняöс вир юысысыд матö воштiсны да сылы быть лои пырны вонйö. Асывнас Максимлы ошйысö, зев на пö и лöсыда воча мыш узимö, мöдам пö и водзö тадзи узылыны. Но воча мышкөн эз дыр узылыны, коркö войнас Максим садьмис да некодарö оз вермы бергöдчыны. Тоня сывйыштöма мышсяныс, дiнас топöдöма, баялбöжас нискö-лолалö. Зон бергöдчис нывлы воча чужöм, инмöдiс паръяссö куйлысьлы бандзибас, чупнитiс-окыштiс. Тоня кылiс, дерт, окыштöмсö, но сетчис узыём улö.

Сийö вой бöрас ныла-зонма эз нин водлыны воча мыш. А воча ныр узылiгэд коркö сэссия и Максим вельмыштiс да кисö суйис нывлы нёнъяс дiнас. Дыр малалiс ичöтик булки кодь ёкмыльяссö, сэссия кöсийс нёнъ йывсö окыштны, и ныв юалiс:

— Катеринаыдлысь тэ тадзи жö чабралiн?

— Ме сийöс некыдз эг чутöд.

— А менö мыйла чутöдан?

— Ог вермы ачымöс кутны, збыльысь тэ вылö радейтчи.

— Пöръясян, буди?

— Ньöти ог. Пывсянсыд пасьтöгыд аддзылi да сэтысянь тэ дорö кутiс кыскыны.

— Кажитчи, сiдзкö?

Максим нинѳм эз шу, топѳдіс Тоняѳ морѳс бердас...

— А ме ѳд зон кѳрсѳ ог на тѳд, — шыасис ныв да ѳнджыка топѳдчис зон бердѳ, окавны кутіс.

— Гѳтрасьтѳгыс ѳд грек лоѳ.

— Грек лоѳ мырдѳналігѳн, а ми ѳтсѳглас. Енмыс прѳститас, сійѳ аддзѳ.

— А кынѳмасын кѳ?

— Ачым быдта.

— Вокьясыд сэки менѳ вѳлись зульѳдасны.

— Тэ, муса зон, зэв полысь. Ме ныв, и то ог пов.

— Вай сідз куйлыштам, менѳ тірзьѳм босьтис.

— Ачыд менѳ ышѳдін, нѳньяс малалін... Аслад то чорзьѳма да менам лядвейѳ пыксьѳма...

— Тадзитѳ гусясьѳм кодь лоѳ, абу на тэ гѳтыр да?

— Тавой кѳсья лоны тэнад гѳтырѳн. Тэ менам медся мусаыс и мичаыс свет вылас, — пѳся шѳпкѳдіс Тоня. — Избачкаыдлы ог сет, вай ѳнджыка топѳд менѳ...

* * *

Коркѳ Кос Ягѳ и верзьѳма вѳвьясѳн локтісны ѳндрей да Опонь дядьлѳн гѳтырыс — Матрѳна. ѳндрей висьталіс, керсѳ пѳ Конѳ Пиля нарошнѳ бунт вывсьыс вѳрзьѳдѳма, мед Максимѳс дойдны, ачыс пѳ эсса кѳсті пышійѳма моль бѳж вѳтланінсыс.

Максим ѳні вермыштис нин тувчыштавны доймылѳм кок вылас, но кѳстыльяссѳ эз на шыбит, гортас лэччигѳн сьѳрсьыс босьтис.

Кос Яг эз на сирѳтаѳн ло, кыкѳн на колины. Сиктѳ лэччысьясѳс кольбѳдигѳн Опонь дядьлѳн нормыліс сьѳлѳмыс, а нывбабаяслѳн вазьылісны син дорьясныс.

ѳти вѳв вылас Илья Муромец моз ѳндрей пукалѳ, а мѳд вылас — Максим да Тоня. Вѳрса туйтыд эз сюрлы вѳвьяслы рѳдтыштны, вѳсыласѳн ковмис вѳлѳксѳ вуджны, дыр лои лэччыныыс да сиктѳ локтісны рытьядор.

Мамыс Максимлѳн кымынкѳ "оия да оия" и шуаліс жѳ пиыслѳн висьтасигѳн. Пѳрысь аныл сьѳлѳм чепѳльтмѳн жаль вѳлі ѳтка пиыслѳн неминучаѳ веськавлѳмысь.

— Конѳ Пиляыс водз локтіс кылѳдчанінсьыс, эз и висьтав тэнад доймѳм йылысь, — майшасис мамыс. — Кодкѳ лунѳ на и кывлі, ѳндрей вокыд локтіс кылѳдчанінсьыс да. Енманѳй! Он тай найѳс мыжды миянлы лѳк вѳчѳмысь.

— Мам, а чойыс налѳн, Тоняыс, зарни морт, не кѳ сійѳ да Опонь дядь, ме век на коктѳм вѳлі, а ѳні верма нин сулавны, — пиыс сувтліс кѳстыльястѳг да сідз сулалыштис недыр. — Меным отсасыны нарошнѳ кольчѳма, абу, небось, повзьѳма скѳр ая-пиыысь.

— Тоняыс зэв шань ныв, — пиыскѳд ѳти кывійѳ воис Максимлѳн мамыс. — Менѳ, пѳрысь мортѳс, пыдди пуктѳ и. Аддзысям да первойѳн шыасьѳ. Катеринаыд тѳвбыдѳн ѳтчыд эз пырав, позис жѳ видлыны: вися ли ог. Кывлі йѳзсяныыс, быттьѳ пѳ Визинѳ лѳсьѳдчѳ мунны.

— Верѳс сайѳ? — кызкѳ веськодя юавсис Максимлѳн.

— Сідз тай баитѳны йѳзыс.

— Коді жѳникыс?

— Грездьясті пѳ ветлѳ, налог чукѳртѳ.

— Меным Тоня унаыс висьтавліс, но ог вѳлі эскы... Мам, ме ывлатыс ог на ветлы, тэ аддзѳдлы Тоняѳ, мед пыралас миянѳ, — джодж кузя ѳтарѳ-мѳдарѳ бедьтѳг нин прѳйдитіс Максим. — Колѳ юавны, кызди примитісны гортас, видісны эз?

* * *

Кос Ягын бѳрья кадсѳ Максим эз и торйѳдчыв Тонякѳд, оліс и узьліс ѳтлаын, да талун со здук на и торьялісны ѳта-мѳдсьыныс, а

гажтөмтчис нин, сьолөмыс майшасис мусмөм ныв вöсна. Окота вöли висьтавлыны мамыслы Тоня йылысь став ошканасö, бурсö, но полis "кокни руаи" асьсö петкөдлөмысь да эновтчис тайö сёрнисьыс мөдысьöдз.

Максимгьясö Ондрей пырис юрсö öдзöсöдыс копыртөмөн, көть ки вомлөс юр шмакыс эз на инмы вывса куричас. Вежань дорас киасны матыстчигөн быд воськолысь джодж плаакыс дзуртыштis. Аслас гөлөсыс тыртөм бөчкаын моз брунгис.

— Видза олан, вежань, төнлун Кос Ягö тэрмаси, эг слöймы пыравныыс.

— Лок, лок, вежапи, Ондреюшко, виччысямö ужнайтны, — вежаньыс лапöдыштis гөстьöс пызан пөв пасьта пельпомас. — Час, ме чөлта шыдсö, а тi, кык вок, пуксьö пызан саяс.

— Менö, эськö, гөтыр виччысьö жö сөйнысö да, — пызан сайö төрөдчигмоз муркнитis гөсть.

— Тэ, батюшко, вежапи, крещенньöсянь эн пырав миянö, — пызан вылö шыд бекар вайис көзьяка, сэсса бара ветлис кылтас да локтis штопөн да румкаясөн. — Трöича кежлö кык доз ньöблi, öтисö юктöдi праздник дырйиыс, а мөдсö тянлы, кык воклы коли.

Гөрд вина юөм бөрад варовмисны; Ондрейлы, ён мортыды, унджык сюри да ёнджыка и варовмис.

— Мый кутам Конö Пилясö вöчны? — юасыны пондiс зня-пия дорö шыасьбөмнмоз. — Водзöссö босьтам али кызз? Ме кылөдчанинын көсийи "пывсьöдны", но пышйис, канальöйд. Соритөмсьыс Илья вылö пö лөгалö и.

— Мый лоөма, сийöс Ен шуөма, — пачводз дорсянь шыасис ань. — Энö көть судö сетö, сэки вöлисти миянөс пурасны Конö ая-пия.

— Судад огö сетö, — шуис пиыс. — Асьным ладмөдчам. Менö армияд вермасны нуны, мам öтнас кольö, бара вермасны пакöсть вöчны.

— Ме служитi нин, гортын лоа, ог сет öбидитны вежаньöс! — нöш кодь кулаксö лэптылис Ондрей.

Кузь вөлөктö вуджөм бөрад да винатö юыштөмысь Максимлөн сингьясыс куньсьыны мөдiсны. Ондрей казьялис, мый зонмыс мырдөн кутчысьö, та понда тэрмасьбөмөн аттьöасис да мунis гортас.

Коймөд луннас вöлись удайтчис Öкуль тьötлы, Максим мамы, адзöддыны Тоняöс да корлыны пи дорас. Тоня, мыйөн висьталiсны мусук дорас корөмсö, пыр и локтis. Лөз ситечысь вурөм ковтаа, сэтшөн жö рөма юбкаа, кокас смоль сьод туплияса, кудель кодь көсасö юр шмакас тутурö гартөма, көвдум сямөн банийөм чужөма, лөз енэж сингьяса, оз тусь вом дорьяса пырис Максим дорö — карса барышня дай сөмын.

— Бур лун, Максимушко! Мамыд корис да локтi, ачым ог лысьт вöли, — ныв матыстчис лабичын пукалысь зон дорö, окыштis бан боксö, а Максим сывйыштis нылөс, водзöссö тшötш окыштis.

— Ме пыр на майшася тэ вöсна, кызди примитiсны гортад? — зон пуксьöдiс мусмөм нылөс ас дорас, шыльöдны кутiс сылысь киясö. — Мамлы тшöктi чукоöstлыны, гажтөмтчи да.

— Кык вок пурны мөдiсны, а мам дорйис, — вильышмисны сингьясыс Тонялөн. — Мам шуис, абу нин пö дас арöса, дас öкмыс тыртö. Төдö нин пö, мый позьö и оз. Ачым пөрьясьыштi жö, мися, мастер тшöктis тэ дорö кольччыны. Мамыд көни?

— Мунis Ондрейясö.

— Максим, — ныв зэв мелiа видзөдлiс зонлы сингьясас, — меным эн верит, а избачкаыд мунö Визинö, верöс сайö петö.

— Мам висьталis нин, абу прамöй ныв вөлөма, пөрьясьысь.

— Мед мунis кө, зато ме тэнад эм. Некор тэ дорысь ог пышйи. Мый шуан — вöча, кытчö коран — муна. Кувтөдз мөда радейтны. Нуасны кө Гөрд Армияд — виччыся, меным некод оз ков тэысь öтар. Вот...

— Тоня, ме тэнö тшöтш радейта, гöтрася сöмын тэ вёлö, — Максим топöдiс нывлысь бандзибъяссö, окыштiс. А Тоня серам сорөн юалис:

— Сараяд вон дöратö öшöдöма?

— Вонйыс эм, но пуктытöм.

— Öшöд, ачыд кө он вермы, Öндрейтö кор.

— Колö сылы висътавны.

— Ме сылы висътала, мяся, тэ корин вон дöра öшöдны.

— Локтас, оз öткажитчы.

— Рытнас войпукны петала да, гашкö, вола?

— Сарай звöзти пыр, кильчöйыс лоö игана.

— Но, сэссия муна, виччысь рытнас.

Чеглöм коксö песöм могысь Максим талун дыр ветлöдлiс джодж кузя. Шынасö кокчöрсыйыс Кос Ягын на босьтлiсны, öнi ветлöдлыныыс кокныдджык, но гартлöм туйыс век на лудiс да тшöкыда ковмис гыжъявны.

Локтiс мамыс. Том дырйиыс сийö вёлöма мича чужöма, öнi, пиыс казлiс, верöссö пуксьöдöм бöрын шогсьöмсьыс да Максим вöсна майшасьöмысь чужöмыс чукрасьöма, пöрысьмöма, но вöрасыс кольöма важ кодыс — тэрыб да пельк.

— Конö Пиля том йöзлы код юрнас ошйысьöма, Максимöс пö регыд зульöдам, — висъталiс шемöсмытöдз повзьöм мам. — Тэныд, муса пи, повны колö сыысь, збылысь вермас лёктор вöчны.

— Ог пов. Öти на öти ме некоднан вокыслы ог сетчы, — такöдiс пиыс майшасьысь мамсö. — Ковмас кө быттö өтсöг, менам вокан эм, отсалас.

— Энö жö, бобöяс, косьöдзыс воöдчö, — кевмысьны пондiс ань. — Кыдзкö-мыйкö бурөн лöсьöдчö. Тоня найö жö семьяысь, а быттö мöд пöрöдаысь петöма, некыдзи он öткодяв. И мичаник, и лöсьыдик, оз ыджыдö пуксы, зэв шань ныв лоöма. Бур невеста, а вокъясыс — понъяс.

Öндрейлысь волöмсö Максим эз кывлы. Пажын бöрын кайис пöлатö да час кымын нiскис-узис. Воканыс сы костi волöма, удитöма öшöдны вон дöрасö. Шойчысь воксö абу и садьмöдöма, бөр гортас мунома.

Рытнас вичко дорын гудöкасьöм шы да нывъяслөн мыла сьылöмыс каймöдлiс жö зонлысь сьёлöмсö, окота вöлi тшöтш мунны на дорö, Тоня дорö, кодi, көнкö, сэни жö сьылö-йöктö, но вермытöгыд коли сöмын петны сарайö да водны. Вонйö вольсалöма небыдик, чöскыд турунөн тыртöм перина, а шебрас пыддиыс руд нойысь вурöм кыз эшкын.

Зон вöлi ойбыралö нин, кор дзуртыштiс сарай öдзöс и тюк-тюкөн кок чуньяс йылас локтiс вон дорö ныв.

— Максимушко, тэ узян? — шöпнитiс Тоня.

— Ог, пыр татчö, — сiдз жö шöпкöдöмөн вочавидзис зон вон дöрасö восьтiгмозыс.

— Час, ме сарапанöс пöрчча.

— Пöрччы, танi шоныд.

Ныв шыбитiс вывсьыс сарапансö и тювкнитiс-пырис вонйö.

— Кутшöм танi пемыд!

— Окасьнытö тыдалас, — зон сывйыштiс нылöс, окыштiс...

— Дöра гачыд зад зыртö, пöрччы вай.

— Сiдз куйлыштам, тэ висътасьышт.

— Пöрччы гачтö дай висътася.

Зонлы быть лои гачтöгыс водны ныв дорö.

— Öнi кывза тэнö, муса ныв, сё зөлöта.

— Кывзы, инö, пыр на көсья висътавны да кызкö яндысикодь, но öнi висътала. Ме арöс куима ли, нёля ли вöлi, но ставсö зэв бура помнита, öнi на син вöдзын сийö серпасыс, кодöс аддзылi кутшöмкö праздник дырйи. Ме вöлi ывлаысь челядькöд ворсанiнысь гортö пыра

и посводзись аддзи Пиля вокос, код мёд керкао пыран одзос костті зэв ёся кыйодчө. Матыстчи да юала, мися, кодос кыйодан али дзесьясьомысь ворсанныд? Вокө видзөдліс ме выло да стрөга шуис, эн пө шумит, батё мамлы кага вөчө, оз позь пө тэныд видзөдны. Пиля меысь ыджыдджык да думайтө, сылы поэьо. Ме и шуа: "меным окота жө төдны, кызди кагасө вөчөны?" — да ныр тшөтш соя одзос костө. Аддза мамлысь куш кокьяссө, улыс дөрөмсө лэптөма нёньяс вылодзыс, а батё пидзөсөдзяс лэдзөм гача пырөма мамлы кок костас, ситаннас легөдө. Эг казаяв пила ни чер боксыс, да думайта, мыйөн найө кагасө вөчөны? Аскинас йойыд и юала мамөлысь, мися, төрыт кагатө вөчид да көні нө, петкодды? Первойсө мам шөйөвошліс, чужөмыс кисьмөм пув моз гөрдөдліс, сэсся недыр чөв олыштөм бөрын сюсь вежөра мамө пыр и аддзис петан туй. Шуө, батыд пө төрыт код вөлі да кагаыс эз артмы.

Сы бөрын унаысь на батылысь кага вөчөмсө аддзылі, код юрнас сійө миянысь, посни челядысь, нёти эз яндысь, да пыр и личкас вөлі мамөс сарайө ли пывсянө. Быдмышті да ачым нин куті яндысьны, кыздкө абу лөсыд мам-батыдылысь видзөдны мыйкөкерөмсө.

— Öні асьным нин мыйкөкерам, — серөктігмоз окыштіс нылөс зон.

— Көсья лоны гөтырөн, сійөн и мыйкөкерам.

— Висьтыд тэнад өддзөдіс, кутчысьны ог вермы.

— Эн и кутчысь, то кутшөма зэлалөма...

Вөлі вой шөр кад. Тоняөс гортас кольөдігөн Максим шуис:

— Армияө мунтөдз вай гөтрасям?

— Кокыд висьө да, гашкө, оз и нуны, виччысьлам, — вочавизис ныв да воши сарай өдзөсөд.

* * *

Кос Ягысь локтөмсянь коли кык вежон, чеглөм кокнас Максим чөтыштіс на, но бедытөг нин ветлөдліс грезд кузя. Турун пуктыны петтөдз воканыскөд көсийсисны ыж гид пөдлөжитны да öні кык вок быд лун ноксисны сэні. Висьөм бөрад лунтыртө керьяснад ноксигөн Максим жуявліс, рыгьяснас ужнайтыштіс, воньяс пырөм бөрын пыр и унмовсьліс. Тоня воддза моз пыравліс, но ёна мудзөм зонмыдды эз сывьясьөмөдз вөв, сійө узис. Ныв куйліс мусук дорас, окавліс бандзібьяссө. Тонялы вөлі любө таджикөн орччөн куйлыны, кывны сьөлөмнас и вир-яйнас муса зонлысь чөскыда ніскөмсө, мудзөмысла ки-кок тіралөмсө. Зіліс шөйчысь мортөс этшаджык чөтөдны, мед пө узыштас, мудзыс прөйдитас, войыс пө кузь на, эштам на пө, садьмас да, окасьны.

Гожся войясыд миян войвылад югыдөсь, коркө и аддзылөма Тонялысь сарайысь петөмсө Окуль тьөт. Сэсся өбедайтігөн и паніс сөрни пыискөд.

— Ми нылалігөн узылывлім жө бурлак зоньяскөд, окасьлывлімө и, но сэки мода эз вөв, медым гөтрасьтөдз зоньяс өбидитісны нылөс. А вөлі кө сэтшөмыс, рөдвужыслы позорысь не мынны, и эндыліс нылыс. Некутшөм зон сы выло эз видзөдды. Вот кутшөм миян кадө вөлі олөмыс. Тэ, муса пи, эн жө өбидит Тонятө өтлаад узылігөн.

— Мам, ми өта-мөдөс радейтам. Кос Ягө сійө нарошнө кольчөма, менө радейтөм понда, — юөртіс зон. — Сөглас кө сетан, служба выло мунтөдз ми гөтрасям. Мый тэ шуан, мам?

— Мый ме öні дзык пыр верма шуны? Колө медводз нывсө коравны, но миян семья костьясын пыр на зык-шум, да өдвакө мам-батыс нывсө тэ сайө сетасны, — пызан выв идралігмоз лабутнөя байтіс мамыс. — Катеринаыд тай вөлі мича ныв жө, да мөдөс аддзөма. Служба вылад мунад, гашкө, сідз жө Тоняыд вөчас?

— Катеринасө ме радейті, а сылы эг во сьөлөм вылас, — шуис воча Максим. — Тоняөс ме радейта и эска сылы. Мунтөдз кө ог гөтрасьө, чайта, менө армияысь виччысяс, ассыс мусулунсө Кос Ягын

нин петкөддiс. Абу ылөдчыс ныв, ме збыльыс сылы эска, а сийö — меным. Локта служба вылыс да, гашкö, бать-мамыслон сэк кешлö бурмыштасны сьөлөмгьясыс, оз кутны пыксыны нывсö сетöмыс.

Мамыскöд сёрни бöрын Максим виччысыны кутiс рытнас Тоняös, окотитiс юавны, мый ачыс шуас верös сайö петöм йылыс. Но мый-лакö нылыс сы дорö эз лок, сэсся эз лок и мөд рытнас, и коймөднас. Вичко дорын войпукгьяс дырий быд рыт виччысис ассыс мусасö, но ныв и рытйысыны эз петавлы. Пöдругаясыс нем жö эз кужны висьтавны, мый Тонякöд лои, мыйла нинöм висьтасьтöг дугдiс аддзысылыны? Максимлөн сьөлөмыс пыдзрасис, места эз аддзы майшасьöмысла. Куим лун бёрти сэсся и паныдасис юкмös дорö лэччигөн.

— Тоня, мый тэкöд лои, көни вöли? — повзьёмсö зiлис пöдгыны зон.

Ныв сывйыштiс Максимös, чышгьянөн гартыштöм юрöс пуктiс сылы морös вылас, тадзикөн дзедис пычкысыс синвасö.

— Батьö кучикгьяс вузавны лэччис карö, а вокгьяс менö мөд керкаö игналисны, куим сутки пöшти сейтöг видзисны. Талун свöякгьясас ним-лун ыдждöдлыны асывсынь мунисны, мам и лэдзис менö. Тарыт найö кодöсь локтасны, эн сюрöдчы. Пель пöлөн кыли, быттьö тэнö грöзитчисны войпукигад нöйтны.

— Кор көсийсны?

— Гаралисны, быттьö, тарыт.

— Эн пов, төвнас кык пинь Пиляыдлыс чегли, ковмас кө, мөд сымда кисьта, — чорыда шуис Максим. — Водзö кө мөдасны тэ вылын тешитчыны, сьöвзы ныр-вомгьясас да лок овны миянö.

— Рытнас ме войпукны пета жö, сэни аддзысям.

Максим мунис вокан дорас висьтавны Тонякöд сёрни йылыс. Öндрей ноксис кильчö помас, кляничаөн шыльöдiс коса пу.

— Конö вокгьяс Тоняös мөд керкаас игнавлөмны, мыйла пö мекöд ёртасьö. Вöйпсьöмаось рытнас менö зульöдны.

— Мед видласны, — мурöстiс кыз гөлөсөн Öндрей да кабырсö петкөддiс. — Чöскыд абу тайö кулакыс?

— Найö асывсынь гөститны мунöмаось да кодöсь лоасны, — стöч-мөдiс Максим скамья вылö пуксьöм бöрын.

— Ме пета жö рытйысыныс, но ог ло том йöз чукöрас, а пыра друг ордö, Онтон Педөргьясö, сийö сэни матын олö. Локтасны кө, быттьö, Конö вокгьясыс да панасны кось, Тоняыд мед чукöстö менö, ачид водзас эн понды, — Öндрей чышкыштiс пач зыр кодь килутшнас плешсыс нывлөмсö да синкым пырыс сюся видзöддiс вокыс вылö. — Тэ эн пов, найö трус кодьсь. Аддзасны кө менö, гач пиас лэдзасны.

Рытнас Максим войпукö петны эз сёрмөдчы, локтiс Поп мыльк вылö, а сэни том йöз вöлины нин, виччысисны гудöкасысысöс.

Вичко дорын Поп мыльк — самöй гажаинын, кык юра вичкокöд орчөн медся выли местаыс, сы вöсна и шуöны Поп мылькнас. Сысынь пöшти став вöлөстьыс ки пыдös вылын моз тыдалö. Луныв банас зэв крут чой, улиас кык потшös праслö пасьятаö чöлыника визувтö ю. Мөдлапöлас ки пыдös вылын моз тыдалöны некымын грезд. Асыввыв бокас, вичко таладорас, бара жö куткырвидзöны грездгьяс. Войыв банас сöмын абу стрöйтчöмаось, гашкö, сы вöсна, мый сэтi мир туй муно карö.

Поп мыльк вылö гажөдчыны воывлiсны том йöз и матигögöрсга грездгьясыс. Йöктанiнсö повгьялöма. Гөгöрыс сулалисны еджид сарапана кыз пуяс. Сы улын том йöзлы шойччöм вылö лöсьдöдма лабичгьяс. Местасö гажтöмтыштö сöмын жугөдöм вичкоыс, кодi вераөн и правдаөн служитiс Енлы и йöзлы, а некымын во сайын лөк йöз уськөдiсны гора жыннянсö, сэсся кисьтiсны кирпич вылö вичко юргьяссö.

Ныв чукöрын Тоня эз на тыдав. Зонгьяс сулалисны нывгьясыс торйөн, куритчисны, кывзисны Мөсей Иллягыс кос пу йылыс тури висьталөмсö да гөрдiсны-сералисны. Максимös казялисны, чукöстисны ас дорас.

— Максим, ме збыльтор висьтала, а найо гөрдоны, оз эскыны! — шыасис пельсодзис вомсо жергодом Илля. — Висьтав, мый сийо збыль вөлі.

— Ме ог тод, мый йылысь тэ соран? — нюмдіс зон.

— Ондрейыд тай төвнас Коно кык воклысь кудзасянъяссө көр-таваліс, — стөчмөдіс висьтасысь.

Вичко дор пасьтала: “ха-ха-ха, гы-гы-гы” — том йөзлөн серам.

— Ме, зоньяс, сэтшөм дивөсө первойысь на кыла, — сералөмысь дугдывтөг шуис Максим, — а вот увланы юрөн тола пио сатшйөд-лөмсө аддзылі, сийо збыль.

— Максим, тэ шуткасө он лэпты, ме тэныд ставыс вөлі дзик збыль, — дивытыштис другсө Илля.

— Менам збыль сёрниыс шутка кодь, висьтала, колөкө, зоньясыды, кыдзи тэ порөдчигад сьод мыр пидди ош чайтөмыд, — водзө серам пестіс Максим.

— Пемыд вөлі, да збыльысь чайті: гуысь ош петө. Вөлөмкө, сотчөм мыр... — ставкөд сералис Илля.

— Гачыд көтасыліс? — юасыны том йөз.

— Ичөтика.

Бара гаж да серам. Нывьяс дорө локтөмаось нин гудөкасысыся да найо вөвсю сьылөны.

Катыд гөра, Катыд гөра,
Ок, ылысянь тыдалө,
Окаяннөй менам сьөлөм,

Катыдсабс радейтө.
Шондібанөй, рудзөг няньөй,
Мамөлөн пөжалөмөй...

Тайо мича кывьяссө сьылөм бөрын Максим пыр и төдіс Тонялысь колипкай кодь гөлөссө да водзө мөдіс кывзыны.

Шондібанөй, милөйөй,
Дум вылысь вошлытөмөй...

Тоня сулаліс нывьяс чукөрын лөзовгөрд дзоридзьяса лым еджыд платтөа. Сьыланкыв помасьөм бөрын пыр панліс выльөс.

Милөйөй, милөйөй,
Шобді булки чужөмөй,

Шобді булки чужөмөй,
Юмов преник вом дорөй...

Максим сибөдчис Тоня дорө, инмөдчис нывлы пельпомас да тшөтш мөдіс сьывны. Куплет-мөд сьылөм бөрын гудөкасысь дугдіс ворсны, а ныв-зон кутісны петитчыны бөрланьө. Кыяснас шенасыөмөн да шатласигтыр том йөз чукөрө матыстчисны Конө вокьяс. Максим удитіс Тонялы шөпнитны, ме зіла котөртлас Онтон Педөръясө Ондрейөс чукөстны. Кыкнан вокыс дөрөм кизьяссө разялөмны, гөна морөсыяссө нарөшнө петкөдлөны, кутшөм найо кызөсь да ёнөсь. Кулакьяссө кабыртөмны, кикарьясыс еджыдөсь.

— Көні тані Осип Микол пиыс? — Пилялөн вом дорьясыс бызьөмны, синьясыс быгалөмны, гутьясысь мездысысь вөв моз гогйөдлө юрнас. — Ми көсьям сийөс зульөдны.

Максим петіс том йөз чукөрысь, сувтіс налы паныд. Боксяныс видзөдігөн тешкодьөс кажитчисны Конө кык вок. Максимлы вөліны пельпомөдзис, бөчка кодь кызөсь, чукля кокаөсь, чужөмьясыс вина жарсыс гырдөн пөльтчөмны.

— Мыйысь көсьяд менө зульөдны? — Максим гөлөсын эз кыв полөм ни родөм, ньөти сөн эз зэлав чужөмас. — Батьөс тюрьмаө пуксьөдөмысь, менсым кок чөгөмысь али Тонякөд дружитөмысь?

— Батьыд гусясис, вот и пуксьөдісны, коктө чегин ачыд, некод мырдөн керьяс костас эз суй, а Тонякөд дружитны ог лэдзө! — мөдіс шенасыны кинас Пиля. — Лок, ветлам амбарьяс саяс.

— Мыйла мунны бөкө, тані вай зульөдө, — нарөшнө дэльөдіс пузыны мөдөм вокьясөс Максим.

— Көсьян кө, и тані позьө пөвсавны, — пинь пырыс сөдзөдіс Онтип да өдзөдчөмөн лөсьөдчис кучкыны паныдөн сулалысьлы, но Максим тайөс казалис, зэв өдйө копыртіс юрсө, Онтиплөн яя кулакыс

мегырөн гөгөртис сынөдти да чорыда швачөбтис вокыслы бан бокас, мөдыс ойөстис да турбыльтчис-уси. Но Пиля бөр на чеччис, люкасысь өш моз уськөдчис Максим вылө. Том йөз пөвстысь кодкө чургөдөма коксө — мөдыс конъясис и бара уси. Код юра мортыд ылө пластнитчис эжа вылө. Нем гөгөрвотөг Öнтип сулалис, видзөдис вокыслөн шемела песөм вылө. Максимөс тшөтш азартыс босьтис да көрт кодь кулакнас зяткис Öнтиплы пинь вужъяс, мөдыслөн пыр и гырдемис чужөмыс, но кок йывсыс эз усь. Код көть сийө вөли, а гөгөрвоис, мый куш кинад Максимөс он босьт да кути синъяснас корсьны зор-палич. Тани Максим бара эз кут мөмляйтны: өддзөдчөмөн чужийс Öнтиплы ситанас. Сийө вокыс моз жө кымынь сатшис му вылө, нырнас парсыштис эжасө. Татшөм тешсө видзөдигөн өтияс семдытөдзис сералысны, мөдьяс горзисны-ышөдисны да понъясөс моз усьөдисны.

Öндрей да Тоня сөмын на локтөмны Онтон Педөръясысь, сув-төмаөсь том йөз чукөрө.

Пиля удитис чеччыны. Шатласигтыр ветлис потшөс дорө да не-тшыштис майөг пом, сийөн шенасиг матыстчис Максимлань. Тоня повзис мусукуслы юрас кучкөмысь, лёк ног горөдис:

— Максим! Мышсяньд кучкасны!

Öндрей эз нин вермы прөста сулавны, петис йөз чукөрысь, шагрө-тис Пилялы воча. Код юра мортыдлөн ньөжйөджык вежөрыс уджалө дай оз сяммы бура-лючки лоөмторсө донъявны. Пиля паныдасис Öндрейкөд да мыйкө мөдлс шуны, а вомыс оз топав. Сулалыштис йөй моз, а сэсся шыбитис майөгсө да уськөдчис пышйыны, вунөдис весиг чукөстны воксө. Öнтип аддзылис вокыслысь пышйөмсө, но эз вермы усьөминсысь чеччыны. Коркө сэсся сувтис жө кок вылас, йирис пинья-ссө да бугжыльөн быдөнөс козьналис, ош моз мурзөмөн мөдс сикт-лань. Ылө нин мунөм бөрын кулаксө петкөддс.

— Öсип Микол пиөс ми сьөрөвнө зульөдам!

Öндрей да Максим кольөдисны Тоняөс гортөдзис, сэсся и тор-йөдчисны. Максимы эз вөв лөсьд сьөлөм вылас, пуксис асланысь звөз вылө шойчмөдыштны зелалөм сөнъяссө, ыркөдыштны пөсялөм вир-яйсө. Поп мылк вылад пуркөдчигөн эз и казав рытывывсянь кыпөдчысь зэв сьөд кымөр, кодс енэж джынсө шымыртөма да локтө сикт весьтө. Гым шыыс Илля пророклөн эз на кыв, а ыджыд би-пурлөн кодь югөрыс енэж пасьталаыс сывкйө, пөжар дырйи моз ен-вевтыс югзылө, сэсся ва койыштөм бөрын моз куслө и бара ыпнитө. Помся тадзи.

"Тавой зэв нин мисьтөм гым да чард локтө", — думыштис зон да пырис сарайө узыны.

Тайө вөли медбөръя рыт том йөзлөн, кор найө вермисны на пөттөдз гажөдчыны, сывны, йөктыны, петукъяс моз чокышасыны өта-мөд вылас. Лөктор йылысь эз думайтны, быдөн олис аслас олөмөн. Төждөн да шудөн.

Аскинас кылисны: война пансьөма...

* * *

Максимөс война вылө нуөм бөрын нин Тоня гөгөрвоис, мый нө-басьө, но та йылысь дзик пырсө некодлы эз висьтав. Төдчыны пө кутас, дзевнысө оз мөд поэны, сэки нин быть лоө воча кыв кутны бать-мам водзас. Öнтипөс, медся ыджыд воксө, пөръясьөмсысь Тоня эз пукты пыдди. Сийө нарошнө коксө кералис, мед эз нуны война вылө, да кык төлысь ниң олө гортас, кодыр став пөрнөй мужичөйыс воуйтө. Бурдлас нин кокыс, кучикыс кеньсялас, сэсся бара и пуртөн важ ранатыс вундыштө. Тадзи вөчигас ранаыс бытгьө пыр осьса. Военкоматсянь кык корөм нин волс, коймөдысьсө милиционер пы-ралис видзөддыны, юрнас довкйөдлөм бөрын шуис, вежон бөрти пө быть ковмас лэччыны военкоматө. Война вылө нуөм вылө нин. Вежон кольөм бөрын Öнтип лөсьөдчис. Нопйө тэчис кос яй, сукар, кос па-

ренча, тусіо пѳжѳм нѳк, истѳг кѳрѳбѳ сов, кружка-пань. Ѳнтипѳс гѳтырыс кѳсийс райцентрѳдз кольѳдны, но верѳсыс ѳткажитіс, ме пѳ ѳтнам вѳлѳн лѳчча. Бать-мамсѳ, гѳтырсѳ да нѳль арѳса писѳ кутышт-лѳм бѳрын петіс туйѳ. Тонялы сѳмын юрѳас гогнитіс.

Кык лун коли Ѳнтип мунѳмсянь, коймѳд луннас Конѳ Гаврил ордѳ бара милиционер локтіс, скѳрыс пондіс юасьны бать-мамыслысь, мыйла урчитѳм кадѳ пиыс военкоматѳ эз лок. А пѳрысыас шѳйѳво-шѳмны, ѳта-мѳд вежмѳныс висьталѳны, пиѳс пѳ кык лун сайын нин кольѳдлім, муніс пѳ верзьѳма вѳлѳн.

— Военкоматас абу волѳма, менѳ мѳдѳдісны сьѳрысь вайѳдѳм вылѳ нин, — висьталіс олѳма милиционер.

Конѳ Ѳнтип вѳлыскѳд вошины.

Ноябрь тѳлысь пуксигѳн лымйыс эз на усь, но му эжсѳ ѳна нин вѳлі камгѳма-кынтѳма. Доддѳн эз на позь ветлыны, телегаѳн кын корѳг вывтйыс ѳна дзобѳдѳ.

Кос Ягын Опонь дядѳлѳн додѳ и телега вѳлі, но тайѳ пѳрйѳ мед-бурѳн лыддис верзьѳма вѳв, сійѳс и босьтіс сиктѳ лѳччѳм вылѳ.

Вѳв вылас кияссѳ мышкас кѳрталѳмѳн шинѳвидзис-пукаліс Конѳ Ѳнтип, а вѳв водзас ямщик пыдди лѳтѳдіс-муніс Опонь дядѳ.

— Опонь дядѳ, криста ради, лѳдз менѳ, — кевмысис вѳв вылын пукалысь. — Коркѳ вед тѳд бурсѳ вѳча жѳ.

— Бур пыдди тѳнад мывкыдѳн лѳк артмѳ, — зывѳка видзѳдіс пѳрысь морт.

— Тѳ прамѳй морт, лѳдз вѳля выв?

— Эн леститчы, ог радейт сѳтшѳмьяссѳ. Кужин кѳ пакѳсьт вѳчны, куж и ѳтвет кутны. Вот сідз, едрѳна корень.

— Кутшѳм пакѳсть? Мый ме кружка суртѳ гусьѳн юи, сійѳс шуан? Тѳ тай сіт косьтысь, скупердяй! — пѳдзны пондіс вѳввывса морт.

— Чань моз эн пессьы, усян. Лѳптыныс тѳнѳ, брундаѳс, ог вермы, а то кѳртала кодзувкоткар дорѳ, мед вильѳдѳны.

— Тѳ мыйысь дѳзмин ме вылѳ? Ачыд тѳрыт кодзытѳдз юктѳдін, а войнас кияс кѳрталѳмыд, и ме жѳ мыжа! — пыктѳм ныр-вомсѳ чикрѳдіс Ѳнтип. — Кытчѳ нуан?

— Нуа гортад, бать дорад. Эг кѳ коддзѳдѳ да бабакѳд тѳнѳ кѳрталѳ, сира гезйѳн гортад эг вермы кыскыны.

— Менѳ гортѳ лѳччѳдан? Ог кѳсий. Вай бѳр бергѳдчам.

— Мед видзѳддас батыд, кыдзи пиыс германечкѳд воюйтѳ, — Опонь дядѳ син гугнас видзѳддіс верзьѳмѳн пукалысь вылѳ да сьѳвзис кок улас.

— Кысь кывлім, мый германечкѳд война мунѳ? — пытайтіс пѳрысьѳс Ѳнтип.

— Баба кык сутки эз вѳв, юѳмнад эн и казьявлы сиктѳ лѳччылѳмсѳ. Менѳ пондіс пытайтны, мыйла пѳ пѳрнѳй мужик нянь идралан кадѳ пышьялѳ? Тѳ локтін ми дорѳ кык тѳлысь сайын нин, вунѳдін?

Ѳнтип лѳптыліс вѳв вылас коксѳ, тыдалѳ, дум вѳлі чеччыштны, пышйыны вѳрас, но Опонь дядѳ ѳлѳдіс.

— Эн дур, сьѳрѳвнѳ аддзасны тѳнѳ.

— Ме пола войнасысь, мед нин и судитѳны, — тырмис сямьс веськыда висьтасыны пышьялысьлы. — Уна-ѳ эськѳ сетасны, кымын во?

— Кутшѳм тѳ пѳтка, сѳтшѳм и заряд лѳѳ.

— Опонь дядѳ, зѳлѳта морт, вай лѳдз менѳ. Пышья кытчѳкѳ ылѳ, мед морт оз аддзы. Но?

— Ланьт. Босьта чегѳм увсѳ да кыз сітанад лѳсышта, вот тѳныд и оз аддзыны, едрѳна корень. Дас ѳкмыс арѳсяяс, Максим кодьяс воюйтѳны, а тѳ, дылда, комын арѳса ош кодѳ морт, дезертиралан. Яндысьтѳм бугыль! Вот тѳд мый шуа, едрѳна корень!

— Опонь дядѳ, менам пукаланін небзис, — норасыны пондіс Ѳнтип.

— Кудзалін гачад али мый?

— Тöрыгыя сурьс юмнас петіс, чеччыла вай вöв вылсьыс, колöкö, ачым бöр пукся.

— Пукав, небыдджык лоö, а то дом поводнас кöртала вöв бöжас, подöн ковмас мунны.

Öнтипöс гортас вайисны сійö жö вöвнас, кор пышйыліс. Батьыс, ён на старик, писö аддзöм бöрын чорыда матьöктіс, сэсся кияссö пиыслысь кöрталöминсьыс разьтöдз косьыштіс-кучкис баябöжас. Мöдыс турликсис-уси кын му вылö. Пи дорсьыс вешйöм бöрын ырыштчис монь вылас.

— Котöртлы сельсöветö, мед милиция нуас кытчö колö. Сиктсаяс миянöс сідз нин немöстöны, а тэ ещö на янöдін.

Конö Гаврил жöдзис места вылас, нем эз куж вöчны, сöмын öвтчис кинас, чорзьöм йöнгыльöсь кулаксö вайлö пиыслы ныр улöдзыс, горзö:

— Пышйин кö, мед эз аддзыны, скöтина!

Тоня да Опонь дядь сэнi жö, кильчö помас вöліны, нем шыавтöг видзöдісны ая-пиа пессьöм вылö.

Милиционер сельсöветас вöлöма да пырысь-пыр и локтіс корö-минö. Эз мöд пинясьны, а сöмын шуис:

— Но, гуляка, сюрин! Кык тöлысь чöж пышьялін, мем тэ вöсна збучка сюри. Разьö вай кöрталöм кияссö, менамысь оз пышйы. Войнас лэччöда, асыв кежлас воам.

Öнтиплөн гöтырыс пуктіс верöсыслы туй вылас пажынтор. Кол-льöдчигас мамыс да гöтырыс нырьяссö кыскалісны жö, жалитісны, син дорьяссö чышкалісны, а батьыслөн да Тонялөн синва войт эз усь. Öнтипöс нуöм бöрын бать-мамыс пырисны керкаö, а Опонь дядь корис Тоняöс кольчывны.

— Öнтипыд локтіс Кос Ягö да шуö, видлавны пö мöдöдісны делянкаяс, кыдзи тöвнас пöрöдчисны да весалісны-ö став коляссö кыдзи колö. Висьтасис вöрпунктын олöмөн. Вот вед кыдзи миянöс пöрйöдліс, едрöна кореньыд! Делянкаяс видлалöм пыдди лун-лун узис мастер жырийн. Первойсö сурөн юктöдывлі, а бöрыннас, кор ми абуось, ачыс кутіс кузь киясьны, гусьөн юны. Сötанаыд, эз вед висьтав война пансьöм йылысь. Уджтöмалö, да эз кут эскыссьыны висьталöмыслы, бабаöс ыстылі сиктö юасьны, мыйла Öнтип Кос Ягö локтіс. Вöлөмкö, пышьялö. Ми тöрыт бабакöд сурөн коддзöдiм да войнас кияссö кöр-талi. Садьнас, эськö, эг вермö. Асывнас ёна бузитіс, сэсся вöв вылö кыдзкö пуксьöдiм жö кызмырдөн. Но, а тэ, ныланö, кыдзи олан-вылан? Максимыд мый гижö?

— Велöдчö полкөвöй школаын.

Тоняöс чукöстісны керкаас, а Опонь дядь муніс узьны аслас тöд-саясö.

— Тоня, тэнö пыр на лыдья дитяөн, а аслад нин пö рушкуад дитя быдмö, збыль ли мый нöбасян? — пыригкостыс варыш моз уськöд-чис ныв вылас батьыс. — Ноко, пöрчыс сарапантö, ачым смекнитя!

— Нöбася, батьö! — нывлөн тырмис смеллуныс веськыда вись-тавны гöтрасьтöдз грек вöчөм йылысь. — Зонсö зэв ёна радейта, вот и...

— Ог вöлі верит моньлы, а збыль вöлöма, — пузыны кутіс Конö Гаврил. — Лолтö босьта! Но и челядь быдмисны: öти дезертиралö, мöд кырсалö, коймöд ог тöд көнi. А тэнö вöтла гортысь, мун сы дорö, кодкöд тойсин!

Тоня тöдіс ичөтсьяныс нин: батьыслысь шуöмсö быть колö вöчны, ассьяс кывсö оз веж, кöть мукöддырийиыс абу прав. Вензьыны кö мöдан, нöшта пузяс, зэв кокныйд киа да вермас на мыйöнкö öж-гыны-кучкыны, дöйдны морттö. Тоня нинöм эз кут воча шыавны, палгис мыш вылас пыр новлан шушунсö, съöд чышьянасис, кокьясас нямöдтöг гурскис ас вурöм кучик сапöг, и чöла петіс керкаысь. Мамыс вöтчыліс жö кильчö помöдзыс, такöдана кывьяс шуаліс, партук бöжас син дорьяссö чышкаліс, öтка нывсö жалитіс, но Тонялөн сьölöмыс шогнас тырöма, нинöм эз кыв. Бөрö видзöддытöг муніс йиөн кеньялөм ва гөпьяс вомөн Öкуль тьötка ордас.

— Бобё, съд чышгянён локтан, мый нё лои? — жугыль чужома нылёс аддзём бёрын повзис Максимлён мамыс.

— Окуль тьётка, менё батьё вётліс гортысь.

— Мый нё сідзи, абу мой отка нылыс жаль?

— Онтип вылё скёрмис Кос Ягын дзебсясьомысь да скёр вывсьыс и менё вётліс, Максимсяньыд съокті да, — висьтасис ныв.

— Ме, бобёанёй, важён тэнсьыд казялі дитя новлөдлөмтө, но нем эг шыав. Мед нё. Асланым тай рёдыс лоё, пилён, абу йөзлөн. Керкаыс ыджыд, төрам кыкөннас. Кольчы да ов ныв пыдди. Мый сэсса вөчан, Енмыс кө, бобёанёй, миянлы, бабаяслы, шуёма морт рөдсө не орөдны. Эн тэ первойён вөв, лоасны и бөрсяньыд. Максимыд төдө оз? Гижны колө, мед радлыштас.

— Оз на төд, но өні ог на көйы гижны, чужта да вөлись. Сэки ставсө гижа, кутшөм синмыс, нырыс, вомыс, юрсиыс... — Ыджыд съёлөма да мортөс гөгөрвоысь анькөд сёрнитигөн вунөдліс весиг батыслөн вөчөм өбидасө. Личалыштис быдсөн съёлөм доыс, чусалөм синьясас бөр ыпнитис раддун, олөм гаж.

— Онтипыд нё збыльысь дзебсясьома война вылас нуөмысь? — Окулиналы окота быдтор төдны, да юасыны пондіс Тонялысь. — Юрыс, инө, дона, дзебсясьө кө. Мужикьяс, коньөрьяс, кымынөн нин война вылас усины пөж немөкөд воюйтигас. Вежапи, Оңдреюшко госпиталын жө ранитчөмөн куйлөма. Оні пө тай бурдөма, бөр лөсьөдчө мунны лыйсянінас. Мед жө эськө Ен да ангельясыс видзасны Максимушкоёс да вежапиөс лөкторысь.

Окулина тьётка беддө кутчысьөмөн муніс джодж кузя, пач сайті кайис паччөрө да водіс.

— Ме, бобё, кок шонтышта. Оз нин вирыс, тыдалө, сөнъястис воддза моз өдйө ветлы, йи тор кодь лөөмны кокьясөй. Максимөс нуөм бөрын дзикөдз эбөсөй воши, — норасис Окулина тьөт. — Тэ лыдды Максимыддысь письмөяссө, судзөд ен джаджсьыс да...

* * *

Төлысь кымын нин Тоня олө Окуль тьётка ордын. Аслас мамыс воывлө нывсө видлыны и. Аддзысясны куим ань да пөттөдзыс сёрнитасны, майшасясны воюитысь мужикьяс вөсна, бөрдыштасны и. Конө Гаврил раз-мөдысь нин корліс Тоняөс гөтыр сьөрсьыс бөр гортас локны, но өні ныв ачыс оз мун. Ме пө тані, кагалөн бать ордын кута виччысьны война помассьөмсө да Максимлысь лөктөмсө.

Тоня вит кымын төлысь нин нөбасис, чышгяньясөн гартлөмөн видзигад эз ёнасө рушкуыс чурвидз. Окуль тьётка висьөдчис съёлөмнас, майшасис кокьяснас, да эз нин вермы ва ни пес пыртны, быть лои "патеранткалы" ставсө вөчны. Колхозө на лым усьөм бөрас куйөдасыны петавліс, вартны гумла вылө лэчывліс и.

Виль воөдз Окулина тьётка дзикөдз уси кок йывсьыс, отсөгтөг эз нин вермы паччөрсьыс чеччыны. Рөштвоясөдз нөрпаліс-висис, эз бурды, кызмырдөн дзуртис-оліс, сэсса ёна мучитчөмөн и кулі. Дзебнысө отсалісны чойясыс, Тонялөн мамыс воліс и, грездса нывбабаяс и, сөмын батыс эз воы висьөм улө ыстысьөмөн. Окуль керкаө, Максим чужаніө, кольчис Тоня ыджыд рушкуөн дзик өтнас, эз мун гортас, кевмысис эськө мамыс ёна жө да. Ме пө ассьым кагаөс бать керкаас чужта, мед пө сэсса некод эз лысытлы көритны чуркаөн.

Арнас начкылөм ыж яйис быри, трудодень вылө колхозсян няньсө эз юкыны. Сөйны вөлі нинөм, пөрысьяс и челядь тшыгьялөмсьыс мөдісны кулавны. Кынөмыд сьомалө да нинөмөн эз брезгуйтны, сөйисны мый веськалө: кукань кучикьяс, пу кач, турун пызысь пөжалөм сөчөньяс. Челядьлөн рушкуясыс лягушалөн моз пөльтчөмны, кокьясыс да киясыс сартас кодь вөсниөсь, синьясыс вөйөмны, пөтөса вөлөгатөгьд пиньясныс гылалөны. Коньөр челядь...

Фронт вывсянь лөктөны пыр омөль, шогсяна юөрьяс: кодлөнкө

батыс ранитчөма, кодлөнкө вокыс усьөма. Максим бөрья письмөас гижөма, окопын пö лун и вой оборона кутам. Көдзыдыс пö мянөс закалитис, фрицлөн пушкаысь помся лыйсьөмыс сьөлөмгьяс чорзьөдис, и коли пö öти көсийөм, медем регыдджык петны атакаө, нырыштны пеж гадөс. Некутшөм норасьөм ни няргөм письмөас абу. Гижөма, вöтаси пö, тэ-меа быттьö гажа свадьба вылынөсь, гöтрасьö менам друг Илля. Ог пö тöд, бур водзö али лөк водзö?

Пöрысыяс эськө висьталисны, мый свадьба вöтыд лөк водзö. Сидзи и лои. Крещеннө мөд лунö Пилясянь письмө гортас локтөма, гижөма, мый Öсип Микол пи, Максимыс, атакаө мунигөн чорыда ранитчис да места вылас и кулі. Ме пö ачым адззылі дзөбөмсö. Менö пö ранитлисны жö, но госпитальö эг мун, лазаретын бурдöдча.

Татшөм шог юөрсö Тонялы мамыс висьталис, көсийс юөртны кызкө небыдджыка, повзьөдтөг, но ань сьөлөмтö он ылөдды, мамыс чужөм вылысь адззис, мый лоөма вывті омольтор, бергөдны позьтөмтор. Мамыслысь висьталөмсö Тоня кывзис чöла, сэсся чужөмыс кельдөдис, киясыс кутисны тiравны, горөдис: "Ой, мамöй!" Кадсыс водз вöзйысьны кутис кынөмас быдманторйыс. Лөк юөр вөрзьөдис куйланінсыс и чужтөм на мортөс. Тшöтш, тыдалö, көсийö петны мамсö такөдны, бурөдны.

* * *

— Бласлө Кростос, мед жö Енмыс чужысьлы отсалас, — пернапас кутис чөвтавны бабитчигмоз мамыс. — Час, ме улад кышан вольсала. Пöсь ва лөсьöда, мыскавны вед ковмас ичөтсö.

Тонялысь кынөмсö помся мөдис орийөдлыны. Пиньсö гутш курччөмөн кутчысис на, а сэсся эз кут вермыны да горзөмөн мөдис пычкысьны. Аслас чужөмыс гөрдөдис, ныр бокьястыс нылөмыс визувтис. Лун шөрсянь рытөдзис майкисис-пессис Тоня, сэсся вылысь чужысь "А-а-а" горөдөмөн юөртис, вот пö ме, тшöтш көсья тiянкөд свет вылас овны. Примитö!

Бабитчысь босьтис пузчужөм кагасö ки вылас, нимкодя шуис:

— Пи.

Бөркыв пыдди

Война вылө мунөм бөрын куим земляк, Максим, Илля да Пиля, веськалисны полкөвöй школаө, көни дасьтисны ичөт командирьясöс. Төв шөрөдзыс велөдисны, сэсся сетисны сержантлысь чин да мөдөдисны фронт вылө. Куим ёрт бара веськалисны öти полкө, десиг öти ротаө, индिसны веськөдлыны отделенияса командирьясөн. Воюйтисны Ленинград дорын, кутисны немечьясöс карö пырөмысь. Öтчид, выль во бөрас нин, чорыд тыш дырйи Максим ёна ранитчис. Осколок розьбөдма шынель соссö да гыррдза увсыс чашнитөма и яйсö. Пöсь йывсыс Максим өдөбсьыліс чеччыны, но коксö мөд осколок дойдөма, да бөр уси лым вылө. Отсөг корөм могысь гөгөр видзөдліс, адззис Пиляөс, коді йөз бөрас шлөнөдис-котөртис.

— А-а! Пиля, Пипуныров! — выныштчөмөн горөдис Максим, мөдыс кыліс чукөстөмсö, матыстчис раненöй дөрö. — Пиля, земляк морт, отсав лазаретö мунны. Ки и кок ранитчөма...

— Таковскöй! Ме важөн нин кевма, мед тэ згинитін! Кос Ягын көсийи керйөн лязөдны, эз удайтчы. Öні тэныд некод оз отсав, рота бөрыньтчис. Татчö лым вылас и гегдан. Гортад юөрта, мый тэ усин, Тоня мед оз виччысь! — Пиля чужйис кокнас лымсö да бөрвыв видзөдытөг воши кустгьяс сайö.

Пилялөн сьөлөм чепөльтан "пöсь" кывьясыс сетисны Максимлы содтöд вын кыссьыны лым вывті водзö, кытчөдз санитарьяс эз адззыны сійөс да нуны госпитальö. Сэсся бурдөм бөрас бара на воюйтис и бара на ранитчыліс. Воліс враг позйөдз — Берлинөдз. Гортас

лэдзисны война помасьом бӱрас морӱс тырыс орден да медальсӱн, лейтенант чинӱн.

Гӱтрасисны Тонякӱд. Пи дӱнӱ содӱс нӱшта нывка, Наташаӱн нимтӱсны. Мамыс кодъ жӱ мичаник да мусаник, роч аканьӱн и шуӱ батъыс.

Максим пӱгибнитӱм йылысь лӱж юӱрыс кӱть весьӱпӱртлӱс Тоняӱс, кадсыс водз чужтӱс писӱ, но зонкаыс быдмӱ батъыс кодъ жӱ зумыд тушаа, зӱв авъя да вежӱра. Нимсӱ дедыслысь пуктӱмаӱс — Миколай.

Дыр бурдӱдчӱмӱн, война вылысь локтӱм бӱрын Максим помалӱс уджыс орӱдчывтӱм пединститут. Аслас сиктын, шӱр школа восьтӱм бӱрын, велӱдӱ история.

Верӱс саяс мунӱм бӱрын Тоня гӱгрӱсмыштӱма, шаньмыштӱма, бригадиралӱ колхозас.

ӱндрейӱс, ыджыд мыгӱра морттӱ, немечлӱн пуляыс раз-мӱдысь жӱ дойдлӱма. Гортас локтӱм бӱрын вежӱра морттӱ пыр и пуктӱсны колхозӱн веськӱдлыны.


Опонь дядь век на олӱ Кос Ягын. Война дырйиыс нулӱмаӱс жӱ Ухта дорӱ, кыскалӱма вӱла-доддӱн мусир перйысыас дорӱ кутшӱм-сюрӱ груз. Лыддӱма асыӱ салдатӱн, а винтовкасӱ абу и сетлӱмны. Ёна нин пӱрысмӱма, кӱть и збодералӱ. Мугув чужӱмыс нӱшта нин мугыд лӱма, гӱрӱм му кодъ чукыръяса. Косымӱма, пиньтӱм вомнас шешкӱ-сӱрнитӱ. Неважӱн волӱс Катыд сиктӱ, пыралӱс Максим ордӱ тӱдмавны том гозъялысь олӱм-вылӱмсӱ дай ачыс на ошйысыштӱс. Кос Ягыд пӱ регыд ыджыд посӱлокӱн лӱӱ. Уна том йӱз локтӱмны Россия пасьталаысь и Украинаысь. Вӱрсӱ пӱ петкӱдӱны трактор-машинаысӱн. Пилитчӱны оз нин лучкӱвкаясӱн, а электропилаӱн. Гажа керкаяс лӱптӱмны, а оланӱнгъясас пӱ ӱзйӱ электрической би. Майбыр пӱ ӱнӱ овны Кос Ягад, быдтор эм лавкаясын, став чӱскыдторсӱ вузалӱны.

Война вылӱ нуигӱн пышйылӱмысь Конӱ ӱнтипӱс мӱдӱдлӱмны мыждӱмӱн штрафнӱй ротаӱ да сӱтчӱ пӱ и ловсӱ пуктӱма. Вокыс сылӱн, Пиляыс, война чӱжыс пленын вӱлӱма, ачыс сюрӱдчӱма. Помасьом бӱрас уна во на Сибырын видзӱмны, стрӱительствоын уджӱдӱмны. Неважӱн гортас лӱдзӱмны. Чойыслы, Тонялы нем абусӱ письмӱас гижӱмысь, мый Максим пӱгибнитӱс да нинӱм сы вылӱ лача кутны, яндзим жӱ, тыдалӱ, лӱма мортыслы, дай нӱшта ранитчӱмнад Максимӱс зновтӱмысь, мый вермас коркӱ юавны — пышйис карӱ, уджалӱ пӱ пӱжарнӱйын.

Илля помалӱма военнӱй академия, лӱма кадрӱвӱй офицерӱн. Тулыснас волӱсны' роч гӱтырыскӱд гортас, гӱститӱсны и Максим ордын. Казьтылӱсны кык друг ӱтлаын воуйтлӱмсӱ, челядьдырсӱ, быдмӱмсӱ.

Батъыс Тонялӱн, Конӱ Гаврил, война дырйиыс кувлӱ. Мамыс олӱ моньыскӱд, ӱнтиплӱн гӱтыркӱд.

Со и ставыс, мый ме кывлӱ да тӱдмалӱ тайӱ йӱз йывсыс.



Николай ШУКИН

Ен дінө
сибөдчан буркывъяс

* * *

Олөм, муыввса олөм,
Тэ сөмын мортыслөн здук,
Тэ сэтчө волан,
Мед сөвмө лолыд,
Мед эськө төдлин
Шоглун и шуд.
Медым тэ асьтө
Нэм кежлө дасьтин,
Сэн, мөдар югыдас
Кольбодны нэм.
Сэни и югыд,
Сэни и паськыд,
Сэни и вөля,
Сэн Кростос и Ен.

Сьылтас: Мортөй, муыввса мортөй,
Тэ ытшкөм му вылын идз.
Кевмысьны Енлы
Абу на сөр тэн,
Грекъястө прөститас,
Да, лоө сідз.

Енмыс век динад,
Ен тэнө видзө,
Благөслөвитө быд лун.
Мисьтөм көть мича,
Пөрысь көть ичөт,
Ен кывлы паныд эн мун.
И тэн лоө ставыс,
Муыс и ваыс,
И некор оз помасьлы рөд.
Быд олөм здукусь
Енмыслы слава
Ас олөм нэм чөжыд төд.

Колан-ө сылы,
Лэдзас-ө динас?
Тэ тайөс өні нин корсь.
Некутшөм сьөмысь,
Некутшөм чинысь
Рай өдзөс некод оз вость.

Ад өдзёс сёмын
Вой и лун восьса,
Сир пёртув би сэн
Некор оз кус.
Сэтчө оз ков кайны
Некутшөм поскөд,
Ад гуыс сійө и эм
Грека му...

Сьылтас: Мортöй, муыввса мортöй,
Тэ ытшкөм му вылын идз.
Кевмысьны Енлы
Абу на сёр тэн,
Грекъястө прөститас,
Да, лоö сідз.

МЕНАМ КРЕСТ

Ме нуа крест,
Мый Енмыс меным сетіс.
Көть сьökыд сійө,
Ныр вылө ог усь.
Өд Енмыс шуліс:
Лоны тэн поэтөн,
И помөдз видзны
Ассьым чужан му.
Но чужан муос
Видзнысö эг куж ме.
Ме сьылі мичлун,
Кодлөн воö пом.
Да ошки йöзлысь
Быд лунъя пöсь уджсö,
И таысь менсьым
Пөддавлісны вом.

МЕД ТӨДӨНЫ МУВЫВСА ЙӨЗ

Зумыштчөма миян Войвыв муным,
Көдзыд төлыс сутшкасьö сюрс емөн.
Вайлісны бур йөзсö татчө уна,
Миян медся шуштөм кызьөд нэмын.
Ставныс найө Ен батынымлөн челядь,
Ыджыд грек ни мыжъяс көть эз вөвны,
Паськыд эськө Войвылыд и вöля,
Сөмын тані вöля көдзыд төвлы.
Эз өд найос мыждыв батыным, Енмыс,
Ачыс мортыс мөд мортөс тай мыждө,
Миян медся шуштөм кызьөд нэмын
Мортлөн доныс лои сөмын гыж дон.
Мыйтаөн эз воны гортас бөрсө,
Тайос сөмын лешак рөдыс төдө.
Мыйта вөлі ёсь сутуга йөр сэн,
Мыйта сэні курыд шогас пөді?
Ставныс найө ыджыд Енлөн челядь,
Ставлы лои югыд райын инас.
Сэні өні налы помтөм вöля,
Енмыс найос сибөдіс ас дінас.

ТАДЗИ ШУЛОМА КРИСТОС

Энө усьёй шогө, чойяс-вокъяс,
Райө кайны ловлы оз ков пос.
Мусö колян кадыс ставлы локтас,
Тадзи тэныд шулома Кристос.
Водзын тэнад лоö помтöм олөм,
Мед көть бөрсö му выло он кос.
Сьөлөм вылад век мед лоö долыд,
Тадзи тэныд шулома Кристос.
Олөм чöжныд грекысь, мыжысь полöй,
Лёклы паныд бурыс нуö кось.
Кувтöм нэма му выв мортлөн лолыс,
Тадзи тэныд шулома Кристос.
Оз быд мортлы вичмы гажа луныс,
Оз быд ловлы райсö Енмыс восьт.
Ассыд кресттö помөдз колö нуны,
Кыдзи сийөс нулывліс Кристос.

МУ ВЫЛАС ОЛӨМСӨ ЛӨСЬӨДИС ЕН

Му вылас олөмсö лөсьөдіс Ен,
Ассыс веж ловсö сетіс тшөтш мен,
Шуис: тэ менсьым бур кылөс кыв,
Сы йылысь йөзлы коль сьыланкыв.


Сьылтас: Енмөй тэ, вына Енмөй,
Тэ ставсö төдан и кылан.
Ме тэнад нимөн ачымөс вені,
Тэкөд ме некор ог ылав.

Тэ меным сетін эбөс и вын,
Мед эськө йөз дорө эг ло ме кын.
Аслад бур милөстьнад козьналін мен
Му вылас овны шуда кузь нэм.

Прөста эг ов ме, век вөчи бур,
Тэ менө видзин, мед лёклы эг сюр.
Таысь тэн копыр и аттё кыв,
Кыдзи нө слава тэныд он сьыв?

Кор воас кадыс, эновта му,
Тэ сэки менө аскөдыд ну.
Оні ме понда кевмысьны век,
Медым тэ менсьым прөститін грек.

Кора, эн эновт, мед оз су ад,
Мед менам лолöй төдлас рай сад.
Йөзлы ме коли тэнсьыд бур кыв.
Тэнад быд шуөм и эм сьыланкыв.



Юрий КОВРИЖНЫХ

“Ло шудаён, муса ныв...”

ВИСЪТ

Вотчысьяслөн автобус кежис асфальт вылысь вөр кыскалан важ туй вылө, муныштис неуна да сувтис энэвтём нин катище вылө. Вель ыджыд эрд вылын сылы кокныд бергөдчынысө. Воысьяс гузьбөөн петисны автобусысь. Кодсюрёяс, томуровыс, пуксялісны кер помъяс вылө, перъялісны ноп-пестерьясысь пось чай тыра термосъяс, вя-калбаса нянь. Вотчанинөдз воисны, сідзкө, поэь ичөтика и пажнай-тыштны. Ном повзьөдлан зельёөн вотчыны локтөмаяс мавтчөны, сёрнитчөны, кызди вөртыс ветлөдлыны, мед өта-мөдныслы оз ло торкасёма.

— Шонді югөръясыс, видзөдөй, өні баябөжө усьөны. Лун шөр бөрын шуйга пельпом кутасны шонтыны, а рытланыс — шондыслы баябөжөн — бөр ковмас автобус динө петны, — велөдө механической заводысь цехса начальник Семен Козлов. — Сюркнялөй тайөс пельяс саяныд, мед некодөс эз ков корсыны.

— Час нёлыны, рытнас, мед автобус дінын ставөн вөлінныд, сёрмысьясөс виччысьны ог кут, — збылысь-ө, повзьөдлөмөн-ө, стрөжитө шофёр. — Пөпутной машинаясөн карөдзыс ковмас воөдчыны. Ме тани, автобусысь өна ылыстчывтөг, матигөгорыс тшакалышта.

Шонді серти муртасём бөрын, Семён, йөзсыс шуйгаладорөджык, өтнас вөрас пырис. Воськов комын-нелямын сайын, веськыдыввланяс, тшөкыда копрасёмөн осьлаліс бухгалтерныс, Анфилогий Антонович Никулин. Вундас тшаксө, кыпөдас дзик ныр динөдзыс, пөрччас өчкисө да быттө исалө — тамыш синъяснас видзөдө, абу-ө номырөсь. Отнас, йөзсыс торйөн ветлөдлө, но сылы гажа вотчынысө: өшөдөма коскас йстөг көрөбысь неуна ыджыдджык японской радиоприёмник — музыка кывзө. Ошйысянтор сийө сылөн. Тьощаыс сельпоө картопель сдایتөма да сы вылө зятгыслы транзисторсө ньөбөма.

Семен Козлов өтнас жө ветлөдлө. Аددзас гөрд гоб, сёмгоб — вундас вуж бердтыс да матигөгорсө вель дыр синъяснас кытшлалас, оз-ө көнкө гөрд либө виж юра мөд тшак дзебсясь. А сюрө кө ельдөг либө дона гоб, вотчысь сэки дзик шыр кыйысь кань кодь лолө: бедьторйөн вештышталө гын эшкын моз топалөм кольөм вося сьөдөдөм корьяссө, зэв видзчысьөмөн осьлалө, мед эськө эз жө талыштчы тшак вылас. Коймөд падъян нин тыртө Семён, юрсө вывлань оз кыпөдды — дзиковдз ылаліс тшакалөмас. Нимкодь сылы, пестерыс сьөкыкодь нин лоис, регыд тырас. Сідзкө гөтырыслысь индөдсө лөө збыльмөдөма.

— Набэрэшь польний и будэ, зараз-вэртайсі до хаты, — шуис Антонидаыс четверикөн-джынийөна ыджыд пестерсө Семёнылы мыччигөн.

Козлов эз и казавлы, кызди шондыс коркө кості вевттысьсёма кымөръясөн. Зэрмис. Семён видзөдліс гөгор: матын некод эз вуджрась. Кывзысьыштис — Анфилогий Антоновичлөн приёмникысь музыкаыс эз

кыв. Сідзкө, вель ыджыд кост налөн өта-мөдсяныыс. А зэр пыр өддзис, вынсяліс. Медводдза мөвп — горзыны да, шыасясны кө, петны гөлөсьяс вылас. Но кыласны-ө сійөс татшөм шумөн зэригас да ылө кө зэв мунсис? Корсьны колө туйсө горзытөг, аслыс. Но кодарө муннысө? Коми пармаөд позьө мунны сутки, кыкөс, вежон, некутшөм сикт да грезд вылө тшуктөг. Ю бокө кө петан, сійө коркө вайөдас йөз олані-нөдз, а парма шөрын, абу кө ю ковтысыс, и сиктгяс-грездгяс абуөсь...

Поводнөя дыр вөртис собалөм бөрын Семён кыпөдліс часіа кысө:

"Нель час да джын! Öні, дерт, ставөн нин автобус дінынөсь, горзөны, чуксалөны сійөс, но нинөм со некодарсянь оз кыв. Сідзкө и збыльыс зэв пыдө менам пырсис, — мөвпалө-артасьө. — Но кымөра поводдйа дырйи, этадзи зэригас немтор и мөвпавны водзө мунөм йылысь. Ковмас виччысьны кобөм. Пөрөм кос пу колө корсьны да биасьны..." — Козлов гөгөр кыйкыялігтыр кутіс ньөжйөнник мунны водзө, песка местаөдз.

Неылын, бөрын кодлөнкө кок улын трачмуні-чегис кос ув. Недыр мысти сзтысянь жө бара труч-трач кыліс, а сзсся и чукөстөм:

— Семён Петро-ови-и-ич!

Козлов воча шыасис. Здук мысти сы дінө матыстчис сьөдгөрд болоневөй плаща да сзтшөм жө көсынkaa Нина Черных, налөн завөдын жө уджалысь.

— Но вот, мича нылыс, мед ог гажтөмтчы өтнамөн, өрт вылө воис. Көтасьөмыд тай өна, оз тусьөй, бипур дорын косьтыштчыны ковмас, — жальпырысь шыасис Козлов. — Воши өд ме, йөй юрнам, Нина, воши.

— Но? Олөмас вошинныд али вөрас, Семён Петрович? — эз гөгөрво сійөс Нина. Öти-мөдсянь сійө кывліс: абу ошйысяна Козловлөн семья кост олөмыс.

— Вөрас, Нина, вөрас. Ог төд, кодарө колө петны автобус дінас?

— А-а... Неуна веськыдыв, зтаччань колө сетчыны миян! — зэв эскөданаа индіс кинас Нина да водзын и кутіс восьлавны.

Семён Петрович мыйлакө падьявтөг эскис нывлы да паныд кыв шутөг мөдөдчис сы бөрся. Нина, көть брөд ва көтасьөма, восьлаліс кокныыда. Козлов кө кольчыштас — виччысьө. Нөрөм корья пу кө вомөнассьөма — лэптыштас, мед лысваыс Семён Петрович вылө коргяс вивсьыс эз кыссы. Муннысө корсьө сзтшөм местаяс, көні вөрыс гежөдджык, корья вөртөмджык, мед лысваыс этшаджык куртсяс. Паныдасьлыны кутісны дона гөбгяс, веж петкөдлана ельдөггяс, но туй корсьысыслы, да нөшта өна зэригөн, — тшак йылысь эз нин мөвпавсьы.

Вель дыр парматі собалөм бөрын веськалісны ичөтик шор бокө.

— Ва кывтчөсыс сетчы, — шуис Ниналы Семён. — Шорыс быть ю дорө петкөдас, а сзсся кутшөмкө сикт вылө веськалам...

Недыр шор бокті мунөм бөрын водзаныс тыдовтчис вель паськыд эрд, а мөдар помас, дзик вөр дорас, — воймөм стенгяса вөр керка. Вот тэныд и "зараз вэртайсі до хаты", — серөктіс Семён.

— Мый-мый? — эз гөгөрво Нина.

— Антонида, этайө ыджыд пестерсө сетігөн тай шуис: "Набэрэшь польній и будэ, зараз вэртайсі до хаты". Воим со кутшөмкө вөралысьлөн хатаөдзыс, а асланым хата йылысь шонді петтөдз да бура косьтысьтөг немтор и мөвпавны. Коді төдас кодарланьын мир туйыс. Ломтам керкасыс горсө — шоныдінын войсө коллялам, косьтысям.

Семён Петрович пөрчис пестерсө, пырис вөралысьлөн керкаас. Гор бокас кос пескыс вөй узьмөн вөлі. Кималасөн джаджсьыс корсис истөг көрөб.

— Дзик пыр горсө ломта, — мыччыліс юрсө өдзөсөд. — Пывсян кодь жырйыд здукөн шоналас. Став номйис петас и. Зэрсьыс жыр пытшкас дзесбьөмаөсь, көть пожийөн петкөдлы.

Ывла рөмдігас вөралысьлөн керкаса горйын пытшкөссаджык изгясис гөрдөдз доналісны. Пачыс кыз өгырөдз вайөма, жырйын

пывсянын кодъ жар лоис. Семён да Нина, кыкнанныс сунис помодз котасьомаось, порччалісны паськомъяснысё, комнысё да ошлісны ва колуйнысё сёръяс выло гор весьтё косьтыны. Нина гордінса нар вылас шонтысьо, а Семён модар стен бердас вочом узыланін вылас пукало. Чов олоны, весиг оз видзодлыны ота-мод вылас, яндысьоны. Варовитігад од быть ота-мод вылад видзодлыссывыны кутас. Сэсса од комын куим арёса мужичой да кызь вит арёсо матыстчысь ныв, ота-модсыныс ки нюждана ылнаын пукалоны, — синмасьны кутасны, мыйыс оз вермы лоны. Семёны важон нин воис сьолём вылас Нинаыс, и ачыс сьолёмнас кыліс: нывлы абу жё веськодъ сійо...

— А ме, мыйон воряс пырим, пыр и торйодчи йозьсыс да тэ борся кути мунны... Зэв бур морт тэ, Семён... Көйи весиг вөтөдны, орччөдчыны, да яндыси... Сідзи бөрад, сайласьомон и вотчи... — висьтасис Нина.

— Збы-ы-ыль? — джөмдалан гөлөсөн шыасис Семён, весиг чурчермунлі. Тіпкысь сьолөмыс морөс кудьяс эз кут төрны, сөнъясас ылькнитіс вирыс, жар лоис, бытгө дон гор вылас пуксис. Но кызкө кутис жө асьсө, мед эськө эз жө чечыштсьы нар вывсьыс Нина дорө, эз сывйыштсьы сійөс вөсни коскөдыс вына кияснас, кытысь эськө эз нин позь мынтөдчыны... Топөдіс эськө морөс бердас да помтөг окаліс-окаліс тайө мича, авъя, визув нывсө. Но эз, Семён ыджыд вынөн кызкө тай вермис жө кутны асьсө. Сетчис кө ылькнитчөм өзйылөмыслы, лоис эськө веськөдны позьтөмтор — чегны вермис сьолөн оломыс, жугавны семьяыс.

Семён Козлов том дырсянныс радейтліс гажөдчыны нывъяс да нывбабаяс чукөрын. Найө и сывны сьамаось и йөктыны сьолөм бурмытөдзныс. Кыпыд налөн котырын. Нывъяс сійөс эз жө өтдортлыны — кузькодъ тушаа, паськыд пельпомьяса зон, сяммө сывны, йөктыны, варов и чужөм вылас мича. Веж петкөдлан жөник, позис шуны. Заводса вежөра том инженер йылысь шулісны: ыджыд юралысьөдз пө быдмас. Комын кык арөсөн цехса начальник нин. Көть кутшөм ныв эськө сы сайө окопапырысь муніс, но гусяліс сійөс, весиг аслыс төддытөг, Антонида, кубаньса смоль сьөд юрсиа, кисьмөм сьөд сэтөр кодъ синъяса казачка.

Отчыд, празник рыгтяё заводса том йөз ёна гажөдчисны общечитиас. Конструкторскөй бюроса чертёжница Антонида Семён дінысь рыгывбыд эз вешйыв: йөктөдө, а пызан сайө пуксьыласны да пыр тыртыштө и тыртыштө сылысь румкасө. Асывнас зон садьмис ныв ордын, өти крөвать вылын узьомаось. Ачыс оз төд, кызди нывлөн оланінас вескаліс. Но мый лоёмаыс — лоёма: шуис гөтрасьны сы выло и гөтрасис. Мичлун сертиыс кө, Антонида кодъсө сьөкыд аддзыны. И пусьө-пөжасьө бура, чөсмөдлө Семёнөс быдторнас. Пөсылуныс лунвивса нылыдлөн! Гөтырыс Семёнөс весиг мудзтөдлө. Во кыксыс төкөтьө дырджык на и олісны, а семьяас кык мичаник нывка нин быдмисны.

Сэмэн, кызди шуө лунвивса ногыс верөсыслысь нимсө Антонида, бокын да празникьястөг оз ю, удждонсө ставсө гортас вайө да гөтырыслы ки лайкнитмөныс пуктас. Ачыс мыссьыны кутас, а Антонида пуксяс небыд креслөө да лыддьө верөсыслысь сьөмсө. Видзнысө сяммө и. Шкапьяссө быдсяма колуйнас тыртөма, өдзөсьясыс өдва и пөдлассьөны, но сылы пыр на этша кажитчө.

— Банані хачу, — шуө верөсыслы.

— Тэныд сэтшөм гачыс оз мун, кызөмыд ёна, — мурталіс гөтырыслысь мыгөрсө синъяснас Семён. — Весиг оз кут төрны пасьтавнытө. А төрас кө, мисьтөмтны кутас.

— У Пэтрухиной Вэрки двоі банан, а я зовсім нэ маю, — гөтырыс өзьяс кө, кубаньса ногыс кутас сёрнитны.

Антонида, көть ёна нин нывдырся сертиыс кызөма, но важкодъыс на мича, визув да пось — быдтор вөчө өдйө, бура, сьылігтырийи и

быдлао удито сибавлыны: пусяс-пожасяс, чышкас-мысыкас, зыртас-песлалас и челядсо тшотш лелькуйтыштас. Бур ру вылын ко — зэв авья морт. А мыйсыкко ко чорзюдчас, сэки вежон оз сёрнит, дузгысыома, мыйко ассыс керо-вочо, зунясчо, некодос оз кыв ни оз аддзы. Ичотик нывкаясыс сэки гажтома йоршитчылісны асланыс пельбас.

Кор семьяс воли ота-модсо тыр гогорвоом, сэки Семёнс удж вывсыс виччынысо эз вермыны. Пырас керкаас, порччас вылыс паськомсо, а нывкаяс кияснысо нюждомаось, виччысыоны, кор батыныс босьтас найос, отисо веськыд пельпом вылас пуксыодас, модсо — шуйга пельпом вылас. Исерга кодысь быдтасыасыс, потолоксо кияснаныс судзодны зильоны. Новлодыштас тадзи челядсо Семён, а готырыс тайо каднас пызан выв тыр чоскыд сеян-юан ваялас. Семья отчукорон ужнайтны пуксыо. И тыр лад семьяын сэтчодз, кытчодз Антонида выль дона нобантор лавкаысь либо рынок вылысь оз аддзыв.

— Миян жо сийо эм нин, — кутас пыксыны Семён.

— Мед эм ко, — оз сетчы готырыс. — Эмыс мусто оз зырт.

И нобало колготкияс, бюстгалтерьяс, ношта кутшомко колуй, коть сийо водзо выло некымын во кезло нин нобалома. Коляс недыр кад — и аслыс ни челядыслы новланторьясыс: ношта кызас, а челядыс быдыштасны — дугдас торны. Нюботорьяссо аддылом борын Семёнс ийромг босытло: "Мыйла и чукрто быд ковтомторсо?"

Татшом здукьясас Семёнлон син водзо сувто Нина Черных, визув, быдтор тодны косийсы асланыс нином курыштны зильтом, отувья тождон-могысон олысь ныв. И сэки Семёны юрас воло каитчана мовп: "Тэрмаси, мовпышттог готраси Антонида выло".

Нина Черных локтис налон заводо нель во сайын, шор школа помалом борын. Сийо жо арнас ныв пырис лесотехнической институто. Луннас заводын уджало, а рытнас велодчо институтын. Студентка корсуро матыстывло Семён Петрович дино, коро петкодлыны тэчассо кутшомко машиналысь, косийо аддзыны, кызди сы вылын уджавны, мый позо вочны. Институгас теориянас лекцияс вылын да учебникьяс серти тодмасыо, а практикасо заводас босыто-вынсыодо. И оз сидз-тадз, а коро, медым лючки ставсо петкодлас инженерыс. Семёны сылом вылас воис тайо нылыс. Дырджык ко оз аддзыв, весит гажтомтчо сысысь.

А отчюд найо лунтыр орчон уджалисны. Механической заводса войтыр шойччан луно ветлисны отсасыны совхозлы. Джынсыс уджык йозсо сувтодисны мос сёркни градьяс вылысь весавны ёг турун, а кымынко мортос индисны тэчны лоск уло тукьяса турун. Машинасян лэбулодз оти визон сувталом йоз кийсы-кио мыччаломон тукьяссо пыртлоны да тэчыны лэбуло. Нина да Семён веськалісны орчон. Нина босытас сы водзын сулалысь киясысь пуд сыокта туксо да мыччо Семёны. Пёсялома, чужомыс банйома. Семён, мед коньодыштны нылос, Нина вомон нюждочыломон ылісянь на босытас топодом турун ёкмыльсо да вына кияснас отчюд ковкнитомон, быттьо ворсигмос, мыччо сы борын сулалысьлы. Ниналон киясыс сэки муртса и кутчысыласны кортодас. Коньодыштомысь ныв атбоалан сингасон видзодлас Семён выло. Тшоқыда налон киясыс инмыласны. Сэки Семёнс быттьо электрической токон кучко — ылкнитлас чужомас вырыс. Татшом инмодчылмсысь сылом вылас сылон кокняло, а сойяс быттьо ношта на содо выныс и сийо эсько косийс, мед нывлон кийс быдпорйо тодлытог инмодчыліс сылон кио.

Машина ректом борын, кызди и пыр овло татшом уджас мод машина локтодз, ставон пуксылонны шойччыштны, ыркочыштны. Нина вольсалис луд выло кельылоз спортивной курткасо да нюждочис сы выло гож сайо. Семён кукыртчис сы дино. Сийо йожгылясьбомон кутис гылодны дором улас пырор турунсо, но нывлодом кучикас турун ёгыс лемасыома да некызди мездысынысо оз вермы.

— Копыртчылоу татчань, Семён Петрович, вай кион чышкышта, — корис Нина.

Семён копыртчис. Кымөсыс инмис буретш нывлөн морөсас. Нина небыдик пось кияснас, быттьо көч кокөн, вель дыр чышкаліс Семёнлөн дөрөм костысь турун коробсө. Семён татшөм меліалөмсьыс нимкодъысла весиг синъяссө куньома, и көсийс эськө, мед татшөм маласьомыс дырсьыс-дыр, некор помасьлытөм вөлі. Антонидалөн, кор аслыс коло да кор көсьяс, зэв жө небыдөсь маласигас киясыс и лунывса мортыд зэв пось, но бөръя кадö мусукасьомьясыс пыр геждоджыка и геждоджыка овлісны, сөмын нин сэки, кор аслыс окота лөө либө мыйкө донатор көсийө ньөбны.

Нина чужлөма и быдмылөма сиктын. Карө сійөс корөма висьодчысь бабушыс, кор ныв вермө нин вөлөм вөчны став гортса уджсө — сизим класс помалөм бөрын. Во-мөд мысти пөчыс кувсьома. Өні Нина олө висьысь мамыскөд — сылөн гипертония — бабыслөн керкаын. Став овмөсыс Нина вылын. Сійө и вердысь-удысьыс, и пусьысь-пөжасьысьыс, и чышкысь-мыськысьыс — семьяын юр лэптысьыс-кутысьыс. Ныв тайөс Семёнлы висьтавліс туруна машина виччысигмоз шойчгигас.

— Карад, дерт, овнытө сиктад дорысь гажаджык и кокныдджык, но кызкө гажтөмтчышта сиктсьыс, — ньөжйөник висьтавлө Нина юр весьтгыс кывтысь кымөръяс вылө видзөдігмоз. — Нуода вөлі мөсьясөс йирсьодны луд вылө, кор мян мөс видзан луныс воас, вода турун пөвстас, морөс тырөн лолала дзоридзьяс көра юмов сынөдсө да видзөда енэжті кывтысь-путкылясьыс кымөръяс вылө. Кутшөм серпас сөмын оз сувтлы син водзад! И тошка пөрысь пөль мыччөдчылас, и Яга-Баба юрсисө лёзыгөдөма, кытчөкө тэрмасьо гыр пытшкө сувтөмөн, а сы бөрын — мөд юра кымөр. Муткырасяс-муткырасяс да дзик быттьо Илья Муромец вөв вылас рөдтө... Со нө, со! Абу мөй вөв вылын пукалысь дядьо кодь эсийө кымөр торйыс? — петкөдлө Семёнлы кисө енэжлань чургөдөмөн.

Семён видзөдліс вывлань да немтор эз лысьт шуны. Кымөр торйыс сылы Антонида кодъыс кажитчис, кор сійө мыйыськө ёна дөзмөма.

— А төданныд мыйла видз вылас сынөдыс юмов көра и йөлыс мөслөн гөжөмнас юмов? — синъяссө мудера читкыралөмөн, Семён вылө видзөдіг, юалис Нина.

Семён эз куж вочавидзнысө да Нина ачыс и стөчмөдіс.

— Скөтыс юмов бөбөньян, быдсяма дзоридзяс сора турунсө, кытысь мазияс ма чуқөртөны, йирөны да сійөн и йөлыс юмов. А төвнас кос турун сөйөны да юмов көрыс йөлас пөшти оз кыв.

Нина унатор на висьтавліс сиктса гажа олөм йывсьыс, а Семён кывзис сійөс и көсийс, мед эськө помасьлытөм вөлі тайө орччөн пукалөмыс, сёрниыс. Нинакөд орччөн пукалігөн сійө кыліс асьсө шудаөн и радліс, мый эз сетчы колян рыгнас ыръянитысь гөтырыслы.

Сэки, гортас воөм бөрын Семён висьталіс Антонидалы совхозө вөскресник вылө шойччан лунө ветлыны көсийсысьом йылысь.

— Аски вөскресенньо, удж вылад мунны оз ков, сідзкө кутан пукавны челядькөд гортын! — быттьо керыштис гөтырыс. — Нывкаяс асьыныс багьсө рыт помнас сөмын и аддзылөны. А меным нө оз ков шойччыштнысө? Йөзыс моз жө уджала, а гортө локта да бара юр выв тыр нокуыс — чышка-мыська, идрася-пелькөдча... Пөдругаөс, Петрухинаөс, вежон сайө нин эг аддзыв, кыв-мөдөн нин сэсся өта-мөднымкөд юксьыштны оз позь? Став гортса уджсө ме вылө лэдзин да нөшта и челядьдыкөд он көсийы олыштны!

— А кызди нө? Цехысь ставөн мунөны, а ме босьта да кольчча? Челядьөс, мися, видзны гөтыр тшөктис, висьтала йөзыслы ли мый?

— Абу быть вөскресникъяс вылас ветлөддынысө! — асьыс визьсө нуөдө, оз сетчы Антонида.

— Муннысө меным быть колө... Көсийыси... Йөзсө ышөді, а ачим сэсся ог и мун?

— Ыджыд тай — көсийысин!

— А тэ ногөн сэсся ме кывъясөс төв йылө кута шыблавны? И

та бõрын войтырыс меным важ мозыс жõ эскыны кутасны? А аслам сõвестõй? Меным õд весиг ас водзын яндзим лоõ...

Сидз, õти кывийõ вотõг и колис тайõ рытыс. Антонида дузис да ры-
тивбыд сэссия эз сёрнит, а узыны водисны да гõтырыс верõсыслы
мышкõн водис.

"Дыр кезлõ, колõ чайтны, вежон кезлõ лõгасис Антонида", — мõв-
пыштис сэки Семён.

Асывнас совхозõ сийõ мунис, а та бõрын и збыльысь Антонида вежон
верõс вылас дузьялис, юалõмьяс вылõ сõмын "но" либõ "абу" вочавидзас.

"Дерт, кад нин вõли меным гõтрасьнысõ, но Антонидасõ гõтыр вылõ
босытõмыс эз-õ биõ чеччыштõм кодь ло? — вõр керкаын лабич вылын
пукалгõн гортса олõмас вõйтчылõм бõрын шога мõвпыштис Семён. —
Быттõ и немторйысь дõжнасьны Антонида вылõ — мича, уджач,
тэрыб и мелён да авъяõн кужõ лоны... Кõсьяс кõ... Кõсьяс кõ? Сидзкõ
сийõ радейтчõмсõ артистка моз кужõ петкõдлыны, ворсõдчõ мекõд?
Эмбур чукõртан висьõм со кõвьясьõма! А радейтлис-õ сийõс Антони-
даыс медводдзаысь крõватяс õтлаын узытõдз? Гашкõ нõ полис пõрысь
нылõн кольõмысь да и крукыштис сийõс, коддзõм мортõс, лачаыс уси
да?.. Со, Нина, орчча нар вылын пукалõ. Чужõм вывсьыс позьõ лыд-
дыны: дзик мудериттõг олысь, веськыд, йõз дорõ сибыд, быдгор
тõдны кõсийысь, быдõнлы бур вõчны дась, авъя мича ныв. Эз тай водз-
джык паньдасьны, а õни и сёр нин".

Нина судзõдис гор весьтысь косьмõм нин спортивной костюмсõ,
кутис пасьтасьны. Семён быттõ садьмис. Видзõддис гор пытшкõ.

— Горйыс тай ваймõма нин... Кõлуйным, кõнкõ, косьмисны и...
Косõсь и эм дõрõм-гач, — тшõтш кутис пасьтасьны.

Лõдсавлõм бõрын изья пач ёна сетис шоньдсõ. Вõр керка пытшкын
весиг жар.

— Тшын петан розьсõ сидзкõ ог и тупкõй, Нина, жар лоõ узь-
ныным. Номьяс тшын дука керкаõ оз пырны, — юалõмõн моз шыасис
ныв дорõ Семён.

— Эн и пõдлалõй. Мед неуна ыркалыштас жырйыс, — вочавидзис
Нина.

Семён вольсалис Ниналõн нар вылõ ассьыс пуфайкасõ, коляс
паськõмьясысь вõчис сылы юрлõс.

— Вод сэссия, Нина, шойччы бура. Бвлаас со дугдис зэрнысõ. Аски,
тыдалõ, мича поводдя лоõ, водз ковмас чеччыны да мир туй вылас
петны.

Нывлы узян места лõсьõдõм бõрын Семён Петрович юр улас пук-
тис шапкасõ да нюжõдчис жõ аслам лабич вылõ. Сийõ видзõддис
орчча лабич вылõ водõм Нина вылõ. Ныв куйлис сылань мышкõн,
пельпомьясыс сылõн сырмисны. Нина бõрдис. Семён гõгõрвоис,
мыйла бõрдõ нылыс, но бурõдны сийõс сылы вõли некыдзи.

Асывнас Семён Петрович садьмис шондõ петигас. Тшын петан
розьõд тыдалисны керка динь сулалысь пуяс. Шондõ югõрьяс быттõ
зарниõн мавгыштõмаõсь вижõдõм корья кыдз пу йывьяс, гõрд плат-
тõа пипуяс, пельсыс пуяс. Неылын асывсõ чипсõмõн чолõмалис сьõла.

Семён чеччис куйланинсьыс, чõв-чõлõн кõмасис-пасьтасис. Туйõ
петгõдз сийõ ывлаын пузьõдас чай. Петигас нин видзõддис Нина вылõ.
Юрсиыс нывлõн лёзьнитчыштõма, вом дорьясас õшйõма кокныдык
нию: тыдалõ, мича вõтгьяс аддзõ. Семён дыр эз вермы вештыны
сингьяссõ ныв вылысь. Узигас сийõ вõлõм нõшта на мичаджык.

Семён Петрович ыджыда ышловзис да шõпкõдыштис: "Ло шудаõн,
муса ныв..."

ВЕРСТЬОЯСЛЫ МОЙД

Оліс-выліс кōза, нимыс вōлі Муза. Но, и мый Муза кō? Сиктын ѓд кодї кōза, сїйō и Муза, мукōд ним оз кужны корсьны. Овлōны жō Люсяяс да Белаяс, но гежōдджыка. Ай кōзаясыс Петьякаяс, Борьякаяс, Мишкаяяс. Сōмын Музалōн соседыс том ай кōза нимсō новлō Дон Педро.

Музакōд ѓти гидйын олō зєв нин пōрысь ай кōза, Ерофей. Сїйō сэтшōм нин пōрысь, мый вылысыс быдсōн нитшсялōма. Ерофей — волшебник, ѓтчыд висьталō Музалы:

— Таво менам тайō медбōрья гожōм. Арнас начкас кōзяинѓй. Яйōс оз кутны сєйны, а вōрō новласны тулан сам вылō. Куѓс зєвтасыны сарай стєнас. Тадз, кывлі, сєрнитїсны кōзяин гозья.

— Он и пов кулōмсьыс? — юалō Муза.

— А мый повнысō, менам ассьым пайѓс олōма. Бура уна бōж горув аддзылі. ѓтлаѓ кō сы мында зньяссō чукѓртны, тайō ыджыд йѓрас оз тѓрны.

Коркō Музалōн кōзяйкаыс трюмо нѓбѓма сельповысь да нянь кыскалан вѓвнас и вайѓдїсны кильчѓ дорѓдзыс. Конюкыс шуѓ, мед пѓтани и суалыштас. Ме пекарняѓ тэрмасы, а верѓсыд воас, да сэки и пыртанныд. Муза первой гожōм на вѓля вылын, лун костї лудѓ ветлывлѓ гортса мукōд скѓтыскѓд. Талун горт дорас триннялō. Аддзис трюмосѓ, видзѓдѓ рѓмпѓштанас. "Тайѓ ме кѓ-а, — думайтѓ. — Дерт, ме. Ставыс тай места вылас, ставыс лѓсыд да бур: фигура и, сюрьясѓй и. Гѓнѓй шылыд, быттѓ сѓмын на сыналōма. Сѓмын вот бѓжѓй тай менам, бѓжѓй... О-хо-хо! Тайѓ абу бѓж, а йѓз серам. Вєсьт кузя и эм сѓмын, весиг перзянѓс оз тупкы".

ѓти асылō Муза слѓймѓдчис лудѓ мунїгѓн кутщѓмкѓ мѓскѓд.

— Тэныд, мѓскѓй, майбыр. Бѓжыд кузь, да став лѓдз-номсѓ верман вѓтлыны вылыссьыд.

— Мєным сы серти лада, — шуѓ мѓскыс. — Тэнад тай эм жѓ бѓжтор, ѓлась колѓкѓ.

— Тешитчан коньѓр кѓза вылас. Кутшѓм нѓ тайѓ бѓж? Вай швачнитлы бѓжнад бокьясам.

— Сѓмын ѓтчыд! Аслым век колѓ ѓласьны, аддзан, сьѓд кымѓр быттвѓ ме вєсьтын.

Рытнас Муза воис аслас гидйѓ да ставсѓ висьталїс Ерофейлы. Вот эськѓ, шуѓ, мєным кѓ сэтшѓм бѓж, верми пель сайсьым номсѓ вѓтлыны. А ѓнї мый? Задѓс претшкѓны-курччалѓны, бѓжыс орчѓн, но нинѓм ѓг вермы вѓчыны.

— Эн шогсьы, — шуѓ Ерофей, — асывнас выль бѓжѓн чеччан.

И збыль, войнас Музалѓн мѓс бѓж быдмѓма. Лудѓ вєськѓдчис да лѓсьѓдчис стада водзвылас мунны, мед ставѓн аддзыласны, кутшѓм сїйѓ талун моднѓй. Мѓсьяс шмонитѓны:

— Тайѓ нѓ бѓжсѓ Ерофей дєдыд али мый вурис? Мый нѓ он ѓлась либѓ?

— Оз на лыб, сьѓкыд бѓжѓй. Часлы небыд турунсѓ йирышта, да гашкѓ, сэки.

Музалы непѓштѓ ѓласьны, бѓжсѓ кыскыны деливѓ лоис. Сэсся ва гуран вуджисны, да бѓжыс кѓтасис, бѓж туганас няйт ѓкмыль сибдїс. Кватитчис Муза, а стадаыс ылын нин водзын мунѓ. Пастукыс суис вѓв вылын. Эз кужны ли мый видзѓдны, — вѓлыс тувччис бѓж туган вылас да-й сїйѓ и орис.

Рытнас Муза бара норасьё Ерофейлы:

— Божыд тай кузьджык вёлёма, менам эбос абу татшомос кыскавны. Гашкө, вөв бөж видлам, Ерофей?

— Меным өткодь, вөв бөж кө и вөв бөж.

Асывнас Муза чеччис бара выль бөжөн. Ок, и мича артёма, быд сi торйөн моздөдөма. Лөстало бөжыс шондi водзас, быттьо шөвк. Адзис татшөм бөжсө пастукыс, Иван дядь, да шуө:

— Со көни добраыс вёлёма. Бура кузь вөй татысь артмас, магазиньс ньобны оз ков. Дона, кызди ньобан.

Пыралис гортас чарлала да шваркнитис Музалысь бөжсө. Сы мында и новлис бөжсө.

Рытнас Ерофей шуө:

— Божыв эн понды воны. Коймөдысь на вежла, сэсся ог вермы. Бөрий кутшөмөскө.

Коркө Иван лун бөрын нин Музалөн көзьяйкаыс корось росьяс вайис. Пукало кильчө помас, коросьяс вөчө-көртавлө. Көзаяс сэни жө. Кылө свежөй кор дуксө, да дуллыс войталө вомсыс. "Ок, и мича жө коросьяс артөны, — думайтө. — Менам кө эськө татшөм жө бөж. Висьтавла Ерофейлы".

Висьталис. Ерофей и шуө:

— Меным абу жаль, мед и корось бөж лоас. Но дыр-ө кежлө? Көзаяс өти здукөн няклясны бөжтө. Тэ и водзасьнытө он вермы.

— Ог сет, ог сет няклявны, мед лоас менам корось бөж! Вежлы ещөысь, Ерофей, но?

Асывнас Муза петис гидсыс. Юрыс чатөр, корось бөжсө вывлань чургөдөма. Кытшовтис сиктсө. Сэки и адзис сийөс Дон Педро.

— Муза, тайө тэ али? Ылісянь на кыл корось дуксө да кежи. Видзөдтө, бөжыд тэнад татшөм чөскыд дука. Ноко, матысянь исыштла.

— Эн матыстчы ме дорө — горзыны понда! Кутшөм тэ наглөй вөлөмыд!

— Муза, вай сетлы. Эн бөжтө, бөж горувсыд. Öни кө öни-а. Вөля вылас жө бурджык. Тьртөмөс тэнө төвбыд вердны оз пондыны, өдйө вундасны юртө.

— Ог, ог, Педро! Ме өд том на, пөшти челядь на. Нөрөвитла мөд гожөмөдз.

— Но, ачыд төдан. Бөжыд тай эськө зэв чөскыд дука, да ог кө няклялышт.

Муза сэсся мунис йөй дорысь. Лука Митрейяслысь йөрсө гөгөртис, но он на суйсысь некытi, көть эськө мыйыс сөмын сэни оз и быдмы. Йөткис юрсө кык штaketник костө, да-й лэчкө веськалис. Юрыс град йөрас, задыс корось бөжнас ортсын. Дон Педро быттьө танi и вөлөма.

— Но, öни өд сюрин! Мый шуан татчө, а? Первой бөжнад чөсма-сьышта, а сэсся мый пыдынджык.

Педро весиг кор эз коль Муза бөжө да-й ньөрсө на ставсө няклялис.

— Лөк ног эн бергав! Мый лоас — лоас нин, — өлөдө Музаөс педзөмсыс.

Делөсө вөчигөн Муза эз и төдлы, кызд юрыс мынис заборсыс, а думайтө, мый век на сэни, век на юрнас заборланьыс пыксьөма. Рытнас Муза ошйысьё Ерофейлы:

— Ерофей, а ме öни абу нин ныв...

— Адзыли гид өшиньсянь, кызди ставыс артмис тiян. Мөдысь кежлө со мый тэныд висьтала: ов ас бөжнад, да мед выльысь-выль эз ков. Ов ас юрнад, да быдлаө сийөс эн суй.



"Войвыв кодзув" журналөн редколлегия шогпырысь юөртө, мый январь
21 лунө сьөкыда висьөм бөрын кувсис коми гижысь
Евгений Степанович АФАНАСЬЕВ.

Чужан муын — КОВТӨМӨСЬ

Математическөй наукаясса доктор, профессор С. И. ХУДЯЕВКӨД сёрнитө журналист Александр ПЕТРУНЕВ.



С. И. Худяев

Сергей Иванович Худяевкөд менам медводдза төдмасьөмөй артмис аскөдыс аддзыйсылтөг, нелямынысь унджык во сайын нин. Армияын служитөм бөрүн менө мөдөдиси уджавны Вьльгортө, регыд лои сэни райкомолса секретарөн. Локти вьльгортса шөр школаө, да пыр и шыбитчис синмө мича том зонлөн стенин ошалысь фотопортретыс. Улас гижөд: "Сергей Худяев, 1952 воын помалис школа зарни медальөн". Велөдысьяс да гырысьджык классьясса велөдчысьяс, кодыс ставөн, дерт, вөлины комсомолецъясөн, ёна гөрдитчөмөн висьталисны, мый Сергей Худяев велөдчө өни Москваын Ломоносов нима университетын. Ачыс, шуоны, вермас Ломоносов кодыөн жө лоны. Ичөтджык вокьясыс — Володя да Слава — велөдчисны сэки тайө школаас. Гашкө, эз Сергей вокныс моз, но бура жө. Славаөс ме уна-уна во нин эг аддзый, а Владимир Ивановичкөд онөдз бур төдсаяс. Республикаын сийө туй стрөйтысьяс лыдын вель нималысь, зэв пыдди пуктана юралысь.

Збыль төдмасьөмөй Сергей Ивановичкөд менам лои некымын во сайын на, кор сийөс бөрйисны Сыктывкарса университетын ректорөн да локтис ас чужан муө. Латшкөс тушаа, паськыд пельпомьяса морт. Шулоны тай: сирөд мыр коды пө. Видзөдласыс быттьө зумыш, а синдорьясса читкыльясыс меліөсь, нюмьялоны.

Век чайтлі, мый Худяев вокьяс чужлөмаөсь да колявлөмаөсь челядьдырсө Вьльгортын. А чужанинныс, вөлөмкө, мөдлаын. Со мый висьталис та йылысь Сергей Иванович:

— Лёмьюю Чобью усянинын, коді өни шусьө Михайловскөй кордонөн, бательн ыджыдджык вокыс кыйсьылөма во кызы кымын. Миянөдз сэни некод эз овлы. Менам бать медводзөн стрөитчөма сэтчө. Вөвлөма сөмын ю дорас дядылөн ичөтик вөралан керка. Вьльгортсыан сийө дзик бокин. Бать гөтрасьөм бөрүн пөль шуөма сылы: асывнас пө покмелитчан да ушымгайтчөй сэсса, кытчө көсьянный. Бөрынджык сэтчө, бать динө, локтөма сылөн вокыс, Василий нима. Сэсса мамөлөн тьотка гозья овмөдчисны, Лыткинъяс найө. И нөшта өти Лыткинъяс локтисны — абу нин рөдня. Ставыс лоис сэни нель овмөс.

Нелямынөд воын стрөитисны баракьяс, кытшалисны гөгөр бытшкасысь сутугаөн, весиг ю дорсө, кытысь ми ва вөлі босьтам. Вайөдисны сэтчө Рытывыв Белоруссиясыс да Прибалтикаысь мыжтөг мыжалөмаясөс. Кор нин найөс мездисны ветымынөд воясын, унджыкыс татчө и овмөдчисны. Ме найөс ог помнит, а найө, вөлөм, мамнымөс мянлысь помнитөны. Кор мамө кувсис, өти морт, Ясногын олысь, локтөма да видөма вокөс, Володяөс — мыйла пө энө юөртөй мам кувсьөм йывсьыд. Сийө пө өд коркө мянөс тшыглы кулөмысь мездылис, быд ногыс отсавлис, кор мянөс йөршитлисны бытшкасысь сутуга саяс. Збыль, мам вөлөм суйыштылө сутуга улас то картофель, то нянь, то йөв кринча...

Сэсса кодзыд төв шөрнас вайисны рөзвальө доддялөм вөвьяс, шыблалисны сэтчө мянлысь көлуйнымөс да петкөдиси Вьльгортө — а кытчө нөшта, мам-бать, суседьяс сэтгысь өд вөвліны.

Выльгортын миян некутшом оланін ни немтор эз вөв. Пөч ордө, көні асьныс нин олісны нельбөн, овмөдчим ми, нель челядя семья, да бать воклөн нель челядя жө семья. Төвсө муртса колялім сідз. А гожомнас батьос нуисны война вылө, 1942 воын и пөгибнитіс сәні.

Оні гожомьяснас, вотчанмоз да шойччигмоз ми ветлывам сэтчө, Льомью дорас, көні коркө овлім — казытыштлом могысь ёнджыкасө. Дерт, абу нин гажа сэтшөм, кызди вөйдөр вөвлі. Миян сәні куш нин керка местаыс. Керкасө война бөрас петкөдлісны Лесозаводө, мам сійсө донтөм донысь и вузавліс. А сьом вылас сәсся Выльгортын, Сормаысь нёбллім керка джын, стөчджыка кө — нельбөд пайсө. А сьөдз олім дзикөдз киссьөм керка шойын Силапиянын.

— Сергей Иванович, коркө висьтавлінныд, мый университетад велөдчигөн тіянөс век на артавлөмаөсь колхозникөн.

— Ветымын квайтөд воөдз, кытчөдз совхоз эз лөсьөдны, меным быд во ковмыліс тыртны трудоденяслысь минимум, мыйта вөлі урчитөма колхозөн. Мөд ногөн мамөс вөлі накажитөны. Школа помалөм бөрын сетыштісны сьом туй вылө. Ме чайті, аслам уджалөмысь, а, вөлөмкө, во помнас сійө 300 шайтсө (сэксясө) бөр бергөдөмаөсь мамлысь. Колхозө эг пырав, а колхозникөн пыр лыддьылісны. Тэрмасьомөн водзджык сдайта вөлі экзаменяс да өдйөджык локта гортө, мед уджавны колхозын. Арнас сөрмывлі весиг велөдчыны муннысө. Мам уджаліс огороднөй бригадаын бригадирөн. И налы сетөны вөлі мог — пуктыны турун нюрса став лөк видзьяс вывсьыс. Вот сэтөні ме уджавлі век, мый вермылі — ытшки, чөвті, мукөдтор вөчи.

Университет бөрас ме 1957-60 воясө велөдчи МГУ-са аспирантураын. Сәсся университетса научнөй руководителёй вөзйис меным мунны химическөй физика кузя академическөй институтө — зэв ыджыд институт, кодөн веськөдліс паськыда нималысь академик Н. Н. Семенов. Институтас восьтісны математическөй отдел. Сэтчө меным и вөзйисны мунны. Сідзи веськалі тайө институтас, математическөй отдел восьтан медводдза луняныыс. Уджалі комын во сайө, кытчөдз эг лок Сыктывкарө, кор өкмысдасөд воын бөрыисны тані университетса ректорөн.

Ёна водзджык нин водзмөстчылі локны гортлань, торйөн нин сэк, кор локтіс татчө университетө уджавны Николай Андрианович Фролов. Ме ськөд эг весиг төдса вөв, сылысь стихьяссө сөмын төдлі. И вот сійө гижис меным письмө — вай пө лок татчө уджавны, математикьяс зэв ёна колөны. Мукөд специалистьяссө кө позис босьтны академиялөн Коми филиалысь, пединститутысь, то математикьясыс збыль эз вөвны тані.

Ме эг вөв паныд. Юөргті сөмын, мый регыд кута дорйыны докторскөй диссертация, а сы бөрын вола сөрнитчыны. Видзөдлам — кызди да мый. Сизимдас нельбөд воын тулыснас диссертация ме дорйи и пыр жө вөи Сыктывкарө, аддзысьлыны Николай Андриановичкөд.

Ськөд ми пыралім В. А. Витязева дорө. Николай Андрианович вөзйө менө: со пө математическөй наукаысса доктор, помавліс Москваса университет. Вөзйө менө университетө наука кузя проректорөн. Витязева кывзіс, кывзіс, но нинөм воча эз шу — эз кор менө удж вылө. Янсөдчигөн нин шуис сөмын — но воы пө, лекцияс лыддьыны да мый да.

Воылыны, дерт, понді. Быд во. Веськөдлывлі весиг госэкзаменацоннөй комиссиясөн. Математикьяскөд бура төдмаси. Кутшөмсюрө сборникьяс редактируйтлі. Вөліны менам и аспирантыяс. Татшөм йитөдьясыс вөліны пыр. Но локтөм йылысь некод меным нинөм эз гарышты, эз вашнитлы.

А мукөдлаө уналаө корлісны. Вель дыр виччысисны Карагандаын, көні, кызди и Сыктывкарын, сизимдасөд воасын вөссис университет. Ог төд, коді чуйдөма (ёртыяс менам быдлаын эмөсь), но ректорыс гижис письмө — корө наука кузя проректорөн. Весиг быдлаын нин вынсөдөмаөсь менө, сы лыдын и Казахстанса компартиялөн ЦК-ын.

— Казахстанын колан, а гортын, Сыктывкарын он?

— Сідз артмө. Ме, дерт, пыр и өткажитчи Карагандаө мунөмысь. Сійө көнкө зэв ылын, дзик мөдарын — мыйла мем сэтчө муннысө?

А воча письмөын бара — кутам пö нöшта во виччысьны. Ме эг мун.

Сэсса көкъямысдас өтиөд воын ёна корисны Новосибирскö. Водз-мöстчысьнас вöли академик С. К. Годунов, докторскöй диссертация кузя менам оппонентöй. Ми сыкöд матöкодъ тöдмасьлим. Быдаті нубдліс Новосибирскас, уна институтъясті. Гашкö, даслаын лыдди лекцияяс — эг öти и сійöтор йылысь, а уна сикас математическöй темаяс кузя, кызди корліс Сергей Константинович. Сыктывкарö локтöдз менам сыкöд пыр вöліны кутшöмкö йитöдьяс.

Математическöй институтса директорнас Новосибирска научнöй центрн сэк вöли академик Сергей Львович Соболев, зэв нималысь учёнöй. Паськыда тöдса, кутшöм яра сулаліс сійö Байкал ты сöстöмөн видзöм дор. Академик Годунов вöли Соболевлөн вежысьөн, код нимсянь и локтіс гортöдз корны менö, медым лои тайö институтас математическöй химия юкөнса юралысьөн. Сійöс сöмын вöли лöсьöдчöны восьтыны. Сэні пö регыдөн верман кыпöдчыны академикöдз.

А ме и думайта — кытчö корöны, бара зэв ылö чужанінсянь, Сибырö. Но тöдмасьом могысь лои ветлöма. Тöдмасьлі и академик В. А. Коптюккöд, коді веськöдліс сэки академиялөн Сибырса Отделениенас. Неважөн кувсьыліс. Нуöдлісны весиг патераö, кодöс торйöдлöмаöсь нин менам семьялы вылö.

Москва дорса Черноголовкаö, көні вöли асланым институтным, вои сьöкыд мөвпъясьөн. Сэні торъя ыджыд позянлунъяс водзö кыптöм вылö менам эз вöвны. Öти пöраö вель нин дöзмылі, дась вöли мунны. Дöзми мыйла? Менам пансьылісны йитöдьяс академик Я. Б. Зельдовичкöд. Кымынкö во öтвылысь моз уджалім. Зэв нималысь морт, куимысь Социалистическöй Уджыввса Герой, медводдза атомнöй проектн Главнöй теоретик, наукаса уна юкөнлы подув пуктысь. Вöзйис вöчны öти тема кузя расчөтъяс (артавны). Ме шуа, мися, та могысь ковмас меным содтöд отсасысь. Зельдович сёрнитчöма миян институтса директоркöд. Мöдыс көсйысьöма босьтны меным содтöд отсасысьсö. А кор мортсö индісны — эз примит. Менö пиняліс: мыйла пö ме юр вывті сёрнитчан Зельдовичкöд. Вочавидзи, мый ме медводз тöждыса наука вöсна и ог видзöд, кодлөн юр вывті артмöны сёрнитчöмъясыс. И вот сэк дась вöли мунны Сибырö.

1983 вося арнас академик С. Л. Соболевлөн буретш юбилей вöлі — 75 ар тыри. Тайö помканас ме нöшта öтчыд ветлі Новосибирскö, мед дзикöдз нин сёрнитчыны вель удж кузя. Отделса менам вöвлöм юралысьöй А. Я. Повзнер, коді воліс жö юбилей вылас, öлөдіс, мед ог мун сэтчö. Соболев пö талун-аски мунас директоралöмсьыс, и он тöд, кодöс сы местаö индасны. И меным бара сьöлөмö парскис кызкö, мөвпавны понді.

Локті Черноголовкаö. Корисны директор дорö — со пö быдса делегация воліс тэнö дорйыны, кывлöмаöсь Сибырлань веськöдчöм йывсьыд да. Сэки меным вöзйисны котыртны ассьым торъя лаборатория, мед некытчö эг мун. И ме кольччи. Колö висьтавны, мый ме некор эг вöвлы партияса членөн, и та понда веськöдлан-юралан удж вылö туй меным вöлі пöдсаөн. Сöмын 1983 воын, Ю. В. Андропов дырйи нин, кор дугдісны быдгорйын видзöдны сы вылö, партбилетаа тэ, менö медводдзаясь индісны лабораториян веськöдысьөн. А вит во мысти бöрйисны институтса математическöй отделөн юралысьөн. Вель ыджыд чин.

Но уджалөмöй артмис дженьыд кад. Математикъяс юөртисны Сыктывкарсянь, мый лöсьöдчöны бöрйыны университетса вель ректорöс. Гашкö пö, вöзйылан асьтö?

Бара чорыдакодъ думыштчи — гортö локны көсйöмöй менам некор эз бырлы. Сöгласитчи. Вай, шуа, видлам — мыйкö артмас оз: математикъясысь öдтор мукöдыс öд менö эз тöдны — историкъяс ни, химикъяс ни. И, тыдалö, математикъяс нуөдöмаöсь ыджыд удж, мед паськыдджыка тöдісны ме йылысь университетса велöдысьяс. И вот 24 морт пиысь дас квайтөн гөлöсуйтісны ме вöсна.

1990 вося декабрын высшöй школалөн Россияса Госкомитетын менö вынсьöдісны Сыктывкарса госуниверситетö ректорөн. Вель дыр новлөдлісны Госкомитетса кабинетъясті — тöдмөдісны чина йöзкöд. Öнйя

министрыс — Кинелев (сэк вöлі первой замöн) — ёна шензис: медводдзаысь, шуö, аддза, мый Москва бердса ыджыд академической институтысь отделöн веськöдлысь муно кытчöкө ыло, тöдтöм на вузö. Ас кежысь мөвпыштi, мый тэныд, дерт, мися, ылі пемыд пельöс, а менам сийö чужанинöй.

А научной удж йывсьыд мый позö висьтавыны? Сийö öд зэв аслыпöлöс, унджык йöзыслы гөгөрвотöм. Чернооголкаса институт зэв ыджыд, быдтор вылын уджаліс — и ракысь да мукöд сьöкыд висьöмгьясысь йöзöс мездöм вылын, и химия, физика, математика кузя. Но медшöрнас век вöліны оборона ёнмöдан могьяс — правительстволöн индöм серти. И ставыс вöлі зэв гусян.

— Йитчöма и космоскöд?

— Öязательно. Медыджыд могьяс пиысь öти — лöсьöдны выль пöлöс ломтасьяс ракетаяслы. Химикьяс уджалісны та вылын, а мянлы колö вöлі вöчны татшöм ломтасьясыслы математической подувьяс, артавы да моделируйтны сотчöмсö, корсьны бурджык комбинация и ломтасьяслы, и выль материальяслы. Дерт, уна вонад вöліны мукöд пöлöс уджъяс. Тупкöса, гуся уджъяс кындзи, менам йöзöдöма 130 сайö удж. Математиклы тайö абу этша. Ог ошйысь, но мекöд окотапырысь öтув уджалісны академикьяс (Мержалов, Зельдович), уна мукöд гырысь учёнöй. Тöдiсны менö и рубеж сайын. Менам соавторьяс пиысь кодсюрö абуöсь нин. 1980 воын ветымын арöс тыртöдз на кувсiс менам бур ёрт, ыджыд физик Борис Хайкин, кодкöд öтвылысь удайтчис вöчны некымын тöдчана удж. Профессор Б. В. Новожилов аслас казътылöмгьясын гижö: унаон пö сьöкыд сьёлöмөн колльöдiсны Хайкинöс, но, дерт пö, медсьöкыд вöлі Худяевлы, кодi воштiс творческой коллектив джынсö.

— Ме видзöда да, тi и öнi на гижасяныд "Физика горения и взрыва" журналкöд. Медводдзаысь кыла весиг, мый Новосибирскын петö татшöм нима журнал.

— Да, ме сийö темасö эг зновт. Водзö печатайтча и мукöд журналъясын, шуам, "Химическая физикаын", кодi петö сийö институтас, кöнi уджавлі таöдз. Подулавліс журналсö ещö академик Н. Н. Семенов на, Нобелевскöй премияа лауреат.

— Сергей Иванович, вот тi лоинныд университетса ректорöн. Уджныд дзикöдз вежис...

— Да, во вит кежлö наукатö, позö шуны, лоис зновтлыны. Дзикöдзсö эг, дерт, но мукöд могьясыс венісныджык.

— Тiян ректоралігөн мый выльыс чужис университетас, кутшöм выль факультетьяс воссисны?

— Восьтiм юридической да социальной удж нуöдан факультетьяс, сэсся финно-угорскöй. Юким, торйöдiм кык факультет вылö воддза физико-математическойс. Ставсö нин вöлі дасьтöма, медым восьтыны физкультурной факультет. Вит онас кык пöв содiс и факультетьяслөн, и студентьяслөн лыдыс...

— Менö век кыскö юавны: мыйла тi эн аддзöй öти кыв власть кутысьяскöд, медводз, дерт, Спиридоновкöд? Мыйын тан помкаыс?

— Медбөрья "яблоко раздоранас", позö кö сiдз шуны, лоис финно-угорскöй факультетлөн корпус — обкомлөн вöвлöм политпрос керка. В. И. Худяевлөн сэкса правительство сетiс тайö зданиесö университетлы, мя лоим сэні кöзяиньясөн. Мукöдгьяс вермисны пырны сэтчö сöмын университеткöд сёрнитчöмөн, сыкöд договор серти. Но сийö кадас вöлі сэтшöм "Фонд образования", а сы борд улын — сiдз шусяна кадрöвöй центр, кодi коліс сийö керкаас жö. Арталöны вöлі, мый тайö центрыс тöждысьö йöзöс велöдöм вöсна жö. А сийö сэсся пондiс паськöдчыны и паськöдчыны и заводитiсны университетöс томдышкавны политпрос керкасыс.

Спиридонов первойсяныс шулöма, мый вöвлöм политпрос керка университетлы сетöм — йöйталöм. И ме гөгөрвои, мый сийö вöчас ставсö, медым вöтлыны университетöс. Сiдзи и лои. Ме во джын кымын вöзйысьлі веськавын Спиридонов дорö. Матö эз сибöдны. И век кылі, мый бурөн оз помась. Сийö нин кöть бур, мый вöвлöм политпрос керка пыдди сетiсны университетлы ПТУ-лысь киссьöм корпус.

Коймод во дзоньталоны. И, дерт жё, лыддыоны, мый татшом "козинас" отсалисны ёнмодны университетлысь материальной подувсо.

Сэсса Юрий Алексеевичлон, ме думысь, вёлины и мукод помкаяс, медым кедровтны менё, пуксыодны, кыз шуласны, ас местао. Со тай эз уболит чуктодны час джын, медым сёрнитыштны университетса ректоркод, но сы пыдди аддзома кад ветлыны Москвао, миян министрствоо да корны, медым менё приказон пырысь-пыр човтисны удж вылысь. Но кызди коть эз дзескодны, омолтыны менё, лыддя, мый вит онас унатор удайтчис вочны, воськовтны водзлань. Отчётной доклад бoryн Учёной совет бура донъялис менсым уджос. Республика Юралысёс первой вежысылы — А. А. Каракчиевлы, коді вёлі Учёной совет вылас, лои шуны сомын: С. И. Худяевлысь заслугаяссё лоо по торийон пасйома. Кызди "пасйисны", абу окота висытасыны. Ставыс миян оти морт сайын...

— Вуджлам мод сямаджык сёрнио. Ти сиктысь петом морт, кыпгид ыджыд учёнойодз, паськыда нималысёдз. Коми деревня-грездыасын быдмысь ония ныв-зоньяс вермасны писккодчыны ыджыд наукаас?

— Вывті сьёкыд. Войдор од зэв ёна отсавлісны, торья нин кыськё ылысь локтом том йозыды. Быд ногыс. Оні нинём эз ло.

Москва университетын велодчигон деревняысь ме кодь локтысыс вёлі, дерт, этша жё. Но миян вёсна тождыс тодчыліс. Весиг ичотджык баллон примитлісны. Оні модарё. Деревняысь локтом том мортыслы, медым веськавны вузо, экзаменьяссё колё сдایتны москвасаяс серти бурджыка. Сыктывкарын сідзи жё. Медсясё босытоны найос, кодьяс мынтысьоны. И оз ичот сьомон. Грездса-деревнясалы вузьясё туйсё, позьё шуны, тупкёма. А школаясын деревняса челядысё велодоны вывті омёла.

— Шор школа ті помавломныд зарни медальон и то лыддыломныд, мый юркаса ныв-зон серти математика тодинныд лёкджыка...

— Да, ме кылі ачымос на серти слабджыкөн. Найо од ставныс ветломаось да велодчомаось содтод кружокьясын, венласьомаось олимпиадаяс вылын веськыда МГУ бердас. Вёлины зэв ыджыд тодмунаось, весиг университетса программасё тодоны нин вёлі...

— Миян оз быр майшасьомным сы вёсна, мед эськё комияс пиысь эз жё дугдыны петны велодчом йоз, наукаяс водзё кыпёдысь-сёвмёдысыас...

— Ректоралігон тайо вёлі менам медыджыд тождон, та понда сьолёмой висыліс. Финно-угорской факультетсё восьтылім дзик сы могысь, мед эськё велодны сэні сикт-грездса ныв-зоньясёс. И не сомын кыв да литература кузя, но и мукодторьясё. Мед велодчом борас уналын сямнисны да кужисны уджавны.

Кор сомын на мовпалім факультетсё восьтом йылысь, первойсё мем вайисны план — велодны финно-угорской факультетса студентьясёс кывьясё, литературао, историяо. Шуи, мый тайо этша. Сиктса ныв-зонсё колё кыскыны и мукодторійо.

Мод вариантын вёлі вёзийома регионоведение. Тайо воисджык сьолём выло. Выльтор. Мукодлаын некон на эз велодны.

Дерт, студентяслысь кутшомкё юкон быть колё велодны кывьяс тодомо — финской, венгерской, эстонской. Мед и английской кыв тодісны эськё, немецкойос. Татшомьясыс вермасны уджавны сэсса гуманитарной наукаасын, велодысысён, референтьясён, кывьяс вылысь вуджодчысысён. Ставыс зэв колана профессияяс. Но кутшомкё юконос колё нырччодны сіджэ экономика да право тодомо. Мед университет помалом борас вермисны быдмыны овмёсысён, предприятиясён веськодлысысёдз, котыртны самоуправление районьясын, сиктыасын. Мед вёлины паськыджык видзоддасаось, унаторджык тодысьось.

Тайо факультетыс оні вывті сьёкыд положениеын. Зданиесё мырдисны, а мод юр сюянін онёдз абу. Сэсса од сийо оло татчос, асланым бюджет весьто, а тыдало, ёна отсёгыс абу. Декабрь толысса Учёной совет вылын сёрниысь да уна мукодторийысь мен кажитчө, мый финно-угор факультетын ставсё дзик выль ног лосьодчоны панны, бытгё онёдз нинём эз вёв вёчома. Тайо меным дзик гөгөрвотом.

Финн-угор факультетлысь ыджыд могөн ме лыддылы и сійӧс, мед студентъяс ас костаныс и велӧдысьяскӧд сёрнитісны комиӧн — ми ӧд пыр ӧддзӧдчӧмӧн рочмам, асьнымӧс ӧгӧ пыдди пуктӧй. Ичӧтик кӧть ыджыдджык котырын кӧ кодкӧ оз тӧд коми кыв, ми пыр нин рочасям. А уджык локтӧм йӧзыслы, торъя нин чинаясыды и юрас оз волы сійӧ, мый колӧ эськӧ ичӧтика пыдди пуктыны вужвойтырсӧ да велӧдчыштны налӧн сёрниӧ.

— А ӧні ті, Сергей Иванович, нуӧданныд сӧмын ассыныд предметтӧ?

— Да. Медсясӧ уджала физикъяскӧд. Велӧда студентъясӧс математическӧй физикалӧн методъясӧ. Лыддя и математикъяслы спецкурс — аслам уджыяс да аслам тема кузя. Ӧні дасыті йӧзӧдӧм выло неыджыд небӧг — студентъяслы велӧдчан пособие.

— А тиянысь ӧдтор коми математик-профессоръяс эмӧсь миян университетын?

— Тани ошйысны нинӧмӧн на. Вӧлі профессор Н. А. Фролов, велӧдӧ на профессор А. Г. Порошкин, кӧть эськӧ найӧ абу докторъяс. Неважӧн дорйис диссертация физика кузя Василий Ильич Пунегов. Нӧшта кодсюрӧ быдмӧны. Но кӧсья тан пасйыны, мый уна вежӧра йӧзӧс ӧг донъялӧй, восталам. Ме тӧдмасьлі зэв суюс вежӧра коми морткӧд — Сергей Александрович Габовкӧд. Кӧкъямысдасӧд воясын сійӧ вӧлі нин наукаса доктор, уджаліс Москваса университетын профессорӧн. И зэв томӧн, нелямын арӧсаӧн кувсис. Сыктывкарысь ачыс вӧлі, а тани ӧдвакӧ коді тӧдліс сы йылысь. А сэтшӧм водзмӧстчӧмӧн уджавліс...

Дерт, доктор-профессоръяслысь быдмӧм-сӧвмӧмсӧ падмӧдӧ и сійӧ, мый миян, Комиын, математика юкӧныс академияын вывтӧ жебиник, а физика, М. П. Рощевский шуӧм серти, оз и мӧвпавны сӧвмӧдны. Артмӧ, мый республикалы век кежлӧ кӧсйӧны кольны сырьӧ перъян пай, сы вӧсна мый физикатӧг да математикатӧг и сёрни оз вермы лоны выль технологияяс пыртӧм йылысь.

— Нӧшта бергӧдчылам сикт-грездса ныв-зонлань. Кыдзи эськӧ позьӧ отсавны налы?

— Медводз колӧ, дерт, кыпӧдны выліджык тшупӧдӧ школаясын велӧдӧмсӧ. Но сиктса школаясад ӧні тайӧ некыдз оз артмы. Тайӧс тӧд вылын кутӧмӧн, ме локтӧдз на мӧвпыштлӧмаӧсь восьтыны университет бердын сиктса челядлы интернат. Дырӧн, но тайӧс удайтчис вӧчны. Воддза воясьн татшӧм интернатыс лои, естественнӧй наукаяс кузя: математика, физика, химия, биология. Шӧр школалысь программасӧ челядлы сетӧны, дерт, ставнас, но медшӧр туйвизыс — стӧч наукаяс. Интернатас локтӧны сиктса челядь кӧкъямыс класс помалӧм бӧрын. Тайӧ интернатсӧ восьтӧмӧ зэв ыджыд пай пуктісны университетса проректор А. Ю. Тимофеев, доцент В. Д. Яковлев да мукӧд.

Сэсся Белӧй Борын, кӧні вӧлі энзвӧтӧм пионерлагерь, университетсянь ми босытчим да быд во пондӧм котыртыны гожӧмъяснас сиктса челядлы тӧлысья физико-математическӧй школа. Кывъяс велӧдӧм кузя и. Чукӧрмылӧны челядыс республика пасьталаысь. Тӧлысь чӧж найӧс сэн зэв топыда велӧдӧны. Лыддя тайӧс зэв коланаторйӧн.

Ме лыддя вывтӧ коланаӧн восьтыны бӧр университетын подготовительнӧй отделение, и медводз сикт-грездса школа помалысьяслы. А карса челядлы университет бердын восьтӧма лицей, ёнджыкасӧ гуманитарнӧй нырвизя.

Ачым ме век казтыла сійӧ кадсӧ, кор пыри университетӧ. Висьталі тай, мый тӧдӧмлунъясӧн кольча вӧлі юркарса ёртъясысь. Ме коддӧмыскӧд босытчисны уджавны выліджык курсса ёртъяс. Ӧнӧдз таысь ёна аттӧала Анатолий Георгиевич Витушкинӧс, коді кыптис нин академикӧдз. Кор орччӧн эм татшӧм ёрт, сэки унаторйӧ позьӧ велавны ӧдйӧ. Витушкин, ачыс сійӧ синтӧм, сэтшӧм память, шензян весиг. Ӧнӧдз гӧлӧс серти пыр и тӧдӧ...

— Кӧсья татшӧмтор юавны. Гортӧ локтӧмыд, Сергей Иванович, век кежлӧ лои тиян?

— Сьӧкыд юалӧм. Забеднӧ, мый чужан муын ми кылам асьнымӧс

ковтөмөн, бытгыь бокөвөйяс... Мыйла, шуам, миян опера да балет театрын абуось татчөс сьылысьяс, көть уна коми солист мичмөдö Москваса, Питерса сцена, рубеж сайын нималöны? Куш сöмын Москваын куим сюрс сайö коми, кызвыннас велөдчөм йöз, ыджыд специалистьяс. Коми интеллигенциялөн чветыс, позьö шуны. А ме горто локтi да бытгыь йöйталi.

Москваын олiс миян ыджыд земляк, математик да философ, профессор Василий Васильевич Налимов (Вьльгортысь петöм ыджыд учёнöй В. П. Налимовлөн пи). Сийö паськыда төдса рубеж сайын аслас философскöй уджъясөн. Сэни жö олö мөд математик, техническöй наукаясса доктор, профессор Ремир Васильевич Сенюков (нималана геолог, В. М. Сенюковлөн пи). Менам воддза уджаланын — химическöй физика кузя Н. Н. Семенов нима институтын уджалö физико-химик, наукаса доктор, профессор Валерий Яковлевич Рочев (коми гижысь Я. М. Рочевлөн пи). Менам корöм серти сийö унаысь волiс Сыктывкарса университетö — лыддис лекцияяс, öнөдз веськөдлö химия кузя госаттестационнöй комиссияөн. Москваса энергетическöй институтын велөдö математик, наукаса доктор, профессор Юрий Николаевич Фролов (коми поэт, профессор Н. А. Фроловлөн пи).

Позьö пасйыны и Паль сиктысь петöм менсьым бур ёртöс — Михаил Васильевич Осиповöс, радиоэлектроника юкöнын ыджыд специалистöс, правительстволөн индöм серти сыөн веськөдлан лаборатория дасгыс миян авиациялы да космическöй техникалы электроннöй оборудование.

Республикаса властьяслы колö эськö вежыштны татшöм йöз вылас видзöдлассö. Лöсьöдны кө уджалан да морт нога олан условиеяс, найö вермасны бөр локны чужан муö, велöдны том йöзöс, сöвмөдны наука.

Колян вося январын академик Н. П. Юшкин вöчлiс В. М. Сенюков йылысь доклад. И кызкö шуис, мый комияслы пö оз овсы гортас, велалöмаöсь шöйтны, мый чужанiнас найöс оз кыскы. Николай Павлович вöчис зэв бур доклад, но та кузя мен окота лои вензыштны. Кыдз нö горто оз кыскы! Менö нэм чöж кыскы.

Да, чужан муын ме кодьсö сывъялөмөн оз виччысьны. Тайöс ме пыр и казялi. Водзтi, вөлөмкö, вывтiджык пыдди пукта чужан муöс. Уна ёрт менам мунiсны мукöд странаясö, рубеж сайö. А ме, мися, ог көсий сэтчö, чужан муысь мусаджык оланiн некөн абу. Збыль вылас, дерт, ставыс вөлөма мөд нога.

Веськыда кө шуны, танi меным зэв сьöкыд овны. Ог вермы веськөдя видзöдны увтыртöм, кедзөвтöм коми йöзлөн олөм вылö. Сөрөм сийö, мый быд войтыр танi öткодь правоа да позянлуна. Коми муын медся лёк олöмыс коми йöзлөн. Тi öд коркö асьныд шуид, мый оз нин куш сиктыясын, а и карбердса посёлокъясын местнöй коми йöзлөн медся лёк олөмыс. Киссьöм, муас пырöм көдзыд керкаясас кодi олö? Комияс куш. А босьтны кө Көджем. Медся кыпыдiнъясас сэни яндысьтөг быдмöны виль рочьяслөн да ыджыд чина йöзлөн особнякъяс. А комияс кольöны важ киссьöм оланiнъясас.

А мый сетiс комияслы грабитана приватизация? Мый сетö налы чужан мусыс быд пөлöс озырлунсö помтөг-дортөг нуöмыс? Көдлы инмöны медводз помасьытöм экологическöй нелючкиясыс? Йöзыслөн вошöма олан сямыс, көдзалöны уджысь, юсьöны, лёк ногөн кадысь водз кувсьöны.

Мем зэв оз кажитчы татчөс чина йöз водзын копрасьöмыс да найöс вылö пуктöмыс. Чужан муын ме лои, кыз шуасны, "persona non grata", и аддза, мый унаөн полöны, мед эськö мекöд сёрнитöм да вольсьöм эз вай налы кутшöмкö немилöсть.

Шуöны, интеллигенция пö торъялö аслас сөвествөн да свободаөн. Öдвакö позьö шуны, мый власть бердö, торъя нин авторитарнöй власть бердö сюртчысь йöз кольöны свободнöйөн. Да и частö налы ковмылö мунны асланыс сөвествлы паныд. Ме унаöс төда и аддза, кодьяс төрыт öти ног думайтiсны и вöчисны, а талун, мед властьяслы кажитчыны, сёрнитöны и вöчöны мөд ног. Татшöм "интеллигенция" пöвстад ме зэв шуштöма ачымöс кыла. Менö кө öни терпитöны, то куш сы вöсна, мый нинöм нин ме татысь ог вермы вежны. Со и думайт сэсся: виччысьны, кор помаяс тайö терпениеыс али аслым водзджык бөр мунны татысь...

Татшом сёрни артмис Вьльгортъсь петавлом морт Сергей Иванович Худяевкӧд.

Вьльгортса петасъяс важысянь шензӧдлісны, нимӧдлісны чужан мунымӧс, коми войтырӧс.

Тані чужлом да петалом паськыд олом Семён Налимов. Сьӧн вӧчӧм балалайкаяссӧ ӧткодявлісны италияса мастер Страдиварилӧн скрипкаяскӧд. Ворсісны наӧн В. Андреев да сьлӧн оркестрса музыкантъяс. А тайӧ оркестрыс 1890 восянь шусьыліс Великороссийскӧйӧн. Семён Иванович Налимов вӧчавліс балалайкаяссӧ империялӧн юркарын — Санкт-Петербургың. Оліс да вӧчасьыліс кӧ гортас — Вьльгортын либӧ сэкса Усть-Сысольскың, ӧдвак паськыда кывсьыліс.

Вьльгортса Давпонысь петавліс Палалей Кале — Каллистрат Фалалеевич Жаков. Нималысь профессор, ыджыд гижысь. Кӧні сійӧ уджавліс да оліс? Санкт-Петербургың. А кувсьыліс корысялысь кодӧн Ригаың. Том дырйиыс и профессорӧн лӧмӧн ветлом Коми мулӧн быд пельӧсті. Кызӧд вояс пансигӧн ӧна кӧсьылӧма локны чужан муӧ, но вӧлом ковтомӧн. Сизимдасӧд вояс шӧрын, К. Ф. Жаков чужӧмсянь 110 во тыригкежлӧ, "Войвыв кодзулың" мӧвпавлісны пасійштны сы йылысь, йӧзӧдны кушшӧмскюрӧ гижӧдъяс. Обкомың идеологиятӧн юралысь ӧлӧдіс: ни ӧти кылӧн пӧ абу мед вӧлі гарыштӧма тайӧ "буржуазной националист" йывсьыс.

Колян вося августың "Войвыв кодзув" журналың петаліс академик А. Г. Бетехтин йылысь гижӧд (чужӧмсяньныс сӧ во тырӧм кузя). Вайӧдӧма сзні учӧнойлысь ӧткымың письмӧяс. Ӑтиың гижӧ, кызди 1919 воың мӧвпавломӧмӧсь профессор Налимовкӧд Усть-Сысольскың озырджык музей котыртӧм йылысь. Москваса университетысь профессор, этнограф Василий Петрович Налимов (1879-1939) — бара жӧ Вьльгортъсь петавлом морт. Мулӧма Москваӧ 1905 воың на (мӧд ногӧн эз эськӧ быдмы профессорӧдзис). Абу и тшӧкыда вольвлӧма сэсся чужаніланяса, а 1938 воың сыктывкарса чекистыяс ветломӧмӧсь да арестуйтӧмӧсь Василий Петровичӧс Москваас кызди "коми народыль врагӧс". Вайӧдӧмаӧсь Сыктывкарӧ, мед кувсяс чужан муас — НКВД тюрьмаың.

Ӑна, дерт, шензян: кодӧс нималысь йӧз пиысь он босът, ставныс ковтомӧн вӧломӧмӧсь ас чужан муың. Ме думысь, тані тӧдчӧ мян, комияслӧн, ӧбичаным. Абу велалӧмӧмӧсь, огӧ кужӧй копрасыны. Мый мӧвпалам, сідз веськыда и крапкам-шуам. Любӧйлы — кӧть ичӧтджык чиналы, кӧть ӧксылы. Сергей Иванович Худяев буретш татшӧмъяс пиысь. Со сэсся чиновникъястӧ и кезйӧдӧ.

Но мӧдарсянь кӧ, абу быдӧнлы вын серти сійӧ, мый вермӧ войвылың быдмӧм коми морт. Сьӧкыдысь-сьӧкыд вӧлі война воясӧ. Виставнытӧ он вермы. Ачым ме шензя жӧ — кысь сэкс ми кодӧм челядыслы эбӧсыс шедлі, медым бабаяскӧд орчӧн тайкӧ ас выланым гӧрны колхозлысь муяс, ытшкыны гӧрбуш-косаӧн коскӧдз вутшкӧсь видзяс, вундыны, вартны... Война помасигӧн Сергей Худяевлы абу на тырӧма 11 арӧс, велӧдчӧма коймӧд классың. Вьльгортың сійӧ вӧлом медичӧт арлыда мортӧн, кодӧс наградитӧмаӧсь "За доблестный труд в Великой Отечественной войне 1941-1945 гг." медальӧн. Журналистлӧн ордымъяс менӧ вайӧдлісны уналаӧ, но мӧд татшӧм ичӧт арлыда медалисткӧд некӧн эг паныдасылы. И школа помалан зарни медальыс С. Худяевлӧн Вьльгортың вӧлом медводдзалӧн на.

Бӧрӧ колӧм нин 1997 во Сергей Ивановичлы вӧлі уна боксянь казтыланаӧн: 45 во шӧр школа помалӧмсянь, нелямын — Москваса университеткӧд янсӧдчӧмсянь, нелямын во жӧ научно-педагогическӧй уджӧ босътчӧмсянь. Да и Сыктывкарса госуниверситет колян во жӧ пасійс 25 вося юбилей, и сійӧ эз вӧв веськодӧн С. И. Худяевлы.

А нӧшта куим воӧн водзджык воськовтіс сійӧ квайтымың арӧса тшупӧд. И буретш сэкс лои высшӧй школаса наукаяслӧн Международной академияың збыль членӧн (академикӧн). Чужан муың университетса сэкса ректорыль гӧгрӧс арлыд тырӧмсӧ "эз казавлыны". Асныра.

Вежӧра комиыд чужан муың ковтом.

Николай СУРКОВ,

историческóй наукаýсса кандидат

Салдат семьяясланъ чужомбанон

1914 вося сора (июль) толысьо пансис мирөвöй война. Семья кутысьясöс (вердысьясöс) пондiсны нуавны ратникъясö — воюйтны. Медым кызкö отсыштны гортас кольысьяслы, сар да сарица нимсянь лöсьöдалiсны öткымын фондъяс да комитетъяс. 1914 вося моз (август) 11 луно император Николай II высьöдiс великöй княгиня Елизавета Федоровналон Комитет йылысь Положение. Тыр нимыс вöли татшом (рочон): "Положение о Высочайше учрежденном под Августейшим ее императорского Величества государыни императрицы Александры Федоровны покровительством Комитет ее императорского Высочества великой княгини Елизаветы Федоровны по оказанию благотворительной помощи семьям лиц, призванных на войну".

Сэни вöли урчитома, мый губерниясын колö лöсьöдны тайö Комитетыслысь юкөнъяс, а нöшта улынджык — комиссияс: уездса, приходса либö нöшта на ичöтджыкöс. Отсöг вылö сьом да көлуй босьтлiсны либö Комитетас, либö губерниясса юкөнъясын да улыссаджык комиссиясын. Көнi оз кут тырмыны ас чукöртöм сьомыс, содтöдсö шуöма вичмöдны великöй княгинялон Комитетсянь.

Индöма вöли сiдз жö, мый Комитетсö да сылысь улiджык юкөнъяс котыртома сöмын война кад кежлö, мыйон сийö помасяс — наын колануныс оз ло.

Великöй княгиня Елизавета Федоровналон Комитет сёрöнджык мыйсюрö стöчмöдiс. Сiдз, уездъясса комиссиясö пырысь йöзсö шуöма вöли абу бöрийыны, а индавны. Сэтчö колö вöли пыртны дворяналон уездса юралысьсö, уездса земскöй управасянь либö земскöй собраниясянь мортöс, карса олысьясянь чина мортöс, кодöскö вöлöстьса старшина лыдысь и бытьон уездса му-видз комиссияысь мортöс.

1914 во көч (сентябрь) 27 лунся чукöртчылигөн великöй княгиня Елизавета Федоровналон Комитет шуöма, мый война вылö нуом ратникъяслон семьяяслы отсöг сетiгөн кутны төд вылын: а) медводз отсöгсö сетны сэтшöм семьяяслы, кодъяслы нинöм оз во казнасянь, шуам, гижсьытöм семьяяслы; б) союзнöй канъясса войтырлы отсавны сiдз жö, кызди и асланым войтырлы; в) крестьяналы колö отсавны сiдз, мед эськö бурджыка кутiсны овмöсьяссö, а тайöс медводз вермасны вöчны му-видз комиссияс; г) приютö сетöм пыдди челядлы колö котыртавны яслияс да татшом сяма мукöд видзанинъяс, мед оз ло торйöдöма челядьöс мамыясыс; д) Комитетсянь отсöг öтмоза сетны кызди улыс чиналон, сiдзи и офицеръяслон семьяяслы. (ЦГА РК, ф. 116, оп.1, д.312, л.2-3).

Вөлөгдаса губернаторлон индöдөн великöй княгиня Елизавета Федоровна Комитетлөн Усть-Сысольск уездса комиссияон юралысьон лои уезднöй съездса Председатель Алексей Яковлевич Колясников. Сылы тшöктiсны пыртöдны комиссияс колана йöзсö. 1914 вося вöльгым (ноябрь) 28 луно комиссия чукöртчис медводдзаясы. А. Я. Колясниковысь öддор сэни вöлины земскöй управаса юралысь И. В. Булатов, земскöй управаса шленъяс А. А. Попов, Н. П. Чеусов, карса юралысь А. Е. Суханов, карса управаясы шленъяс В. Н. Вежев, Н. П. Сорвачев,

протоиерей о. Александр Малевинский, кулөмдінса врач И. С. Попов. Комиссияс пыртисны нөшта вөр овмөсса ревизор Н. О. Пахарьос, земскөй управаса шленгъяс И. Н. Посельскийос, И. Л. Макаровос, но и наысь өтдор колө вөлі индыны кутшөмкө вөлөстьса старшинаос, уездса съездөн шуөм серти.

Комиссия шыасис уездса да карса чина йөз да купечьяс дорө, мед найө пырисны жө тайө комиссияс. И со вайөдам өткымын шыөдчөмьяс:

"Усть-Сысоьскса земскөй управаө. Көсья копытчылөмөн юөртны, мый дась пырны великөй княгиня Елизавета Федоровна Комитетлөн Вөлөгда губернияысь Усть-Сысоьск уездса комиссияө, медым отсавны война вылө нуөм ратникьяслөн семьяяслы.

Инспектор М. Успасский.

1915 вося рака (март) 13 лун".

"Усть-Сысоьскса земскөй управаө.

Кора управаөс пыртны менө великөй княгиня Елизавета Федоровна Комитетлөн Вөлөгда губернияысь Усть-Сысоьск уездса комиссияө — көсья отсавны война вылө нуөмьяслөн семьяяслы.

Врач Бронников.

1915 вося урасьөм (февраль) төлысь".

Татшөм сяма жө шыөдчөмьяс, архивын видзан документьяс серти, сетлөмаөсь земскөй начальник Городецкий, Усть-Сысоьск карса да уездса чина йөз да судзьсөмөнджык олысьяс.

Уездса комиссия шыөдчө вичко приходьясө, медым и на бердын котыртны фронт вылө нуөмьяслөн семьяяслы отсөг сетан комиссияяс. Но пөшти быд приходсянь юөртисны, мый 1912 вося лөддза-номья (июнь) төлысьяс закон серти лөсьөдөма нин попечительскөй (отсөг сетан) комиссияяс да оз аддзыны коланлун, медым содгөд котыртны нөшта кутшөмкө комиссияяс. Сэки уездса комиссия индөм серти попечительскөй комиссияяслы и шуисны нуөдны салдатскөй семьяяслы отсөг сетан могсө.

Со көнi вөлөмаөсь татшөм комиссияясыс да кодьяс наөн юрнуөдөмаөсь:

Троицко-Печерскөйын — крестьянин Е. Е. Попов,

Щугөрын — учитель А. М. Макаров,

Дереваннөйын — учитель А. А. Чевский,

Уркинскөйын — учитель М. А. Сюткин,

Слөбөдаын — священник О. К. Тюрнин,

Маджаын — священник Я. Спасский,

Пожөгын — священник В. Тюрнин,

Вомынын — священник Ю. С. Попов,

Ыджыдвиддзын — священник А. Г. Мысов,

Ручын — священник Н. Преображенский,

Позтыкерөсын — священник А. Тюрнин,

Мыелдінын — священник Ф. А. Клепиков,

Одыбын — священник А. Манаков,

Пезмөгын — священник С. Попов,

Межадорын — священник М. Клочков,

Шыладорын — священник П. М. Латкин,

Вьльгортын — священник П. Неволин,

Ыбын — священник И. Головков,

Аныбын — священник Н. Доброумов,

Мордінын — священник С. Т. Покровский,

Шойнатынын — священник Г. Латкин,

Поёлын — священник Г. Л. Попов,

Немдінын — священник Д. В. Спасский,

Керчөмьяын — священник А. Попов,

Кулөмдінын — диакон П. Я. Распутин,

Гриваын — священник В. Флоренский,

Абьячойын — писар Н. Н. Лихачев,

Ношулын — священник Ф. Орнатский,
Леткаын — священник Н. Малиновский,
Волсян — священник Н. Шаламов,
Койгортын — священник А. Соколов,
Савиноборын — священник Ф. Покровский,
Паджагын — священник М. Вишерский,
Нёбднын — священник А. Пшеницын,
Көрткерёсын — священник М. Быстров,
Чукаибын — священник С. Попов.

Лыддьоддэм став вёлөстёсö да приходсö сы могысь, медем бур-
джыка вежортны, кутшöм паськыда пуксьылöма сэкся Усть-Сысо́льск
уездс.

Великöй княгиня Елизавета Федоровналöн Комитет 1914 воин от-
сöг вылө сьöм чуко́ртöм могысь лэдзис 20 миллиард шайт дон лоте-
рейнöй билетяс. Öти билетлөн доныс вöли вит шайт, но позис ньöбны
и билетлэсь öти либö некумын юкөн — быдөн öти шайта.

Усть-Сысо́льск уездса вöлөстясин да вичко приходьясын судз-
сысьджык йöз, дерт, ньöбалисны лотерея билетяссö. Сьöська вöлөст-
са старшина Корычев аслыс вылө корöма 5 шайта кык билет, чуколмса
да ыджыдвидзса старшинаяс Сажин да Макаров — морт öти билетөн.
Миян арталöм серти, ставыс лотерея разöдöмсьыс уезд пасьталаысь
öкмöма 30 шайт гөгөр. Этша. Вöлөстясса попечительскöй котыръяс
юөртöмаöсь, мый оз вермыны ньöбны лотерея билетяссö гө́льлун
понда. Унджыкыс виччысис отсöг. Шоч крестьянинлөн вöли сэки ли-
шала 1-5 шайтыд. Сэсся война пансигөн кө татшöм сьöмыд мыйкö
и сулалэ на, сёрөнджык пыр öтарö воштис ассьыс "донсö". Таысь по-
лöмыс унаöс жö öтдортис.

Великöй княгиня Елизавета Федоровналöн Комитетö содтöд сьöм
öктöм могысь 1915 во вылө лэдзисны и листалана календарь. Усть-
Сысо́льск уездö Вöлөгдасянь ыстылöмаöсь öти сюрс татшöм кален-
дарь. Сийöс вузалöмысь уездса отсöг сетан комиссияö содтöд сьöмыс
волöма 60 шайт гөгөр.

Сьöм көть и абу уна, но уездса комиссия төлысьысь төлысьö зиль-
мөдöма уджсö. Сидз, 1915 вося февральын отсöгла шыöдчöмаöсь сизим
морт, а сийö жö вося декабрын — 179. Гөгөрвоана, содис и салдатскöй
семьяяслы отсöг сетöмыс. 1915 вося мартын шуöмаöсь отсавны нель
шыöдчысьлы, апрельын — öкмыслы, майын — кызь витлы, а декабрын
отсöгыс вичмöма нин 75 семьялы, став сьöмыс отсöг вылас мунöма
542 шайт 89 көпейка. (ЦГА РК, ф.116, оп.1, д.312, л.304).

Салдат семьяяслы отсöг сетöм вылө сьöмсö вичмөдлөмаöсь ас зеп-
сыныс и озырджыка олысьяс. Сидз, 1915 вося рака (март) 15 лунö
уездса исправник В. К. Синявский юөртö земскöй управаö: "Ыста тайö
гижöдыскöд 15 шайт. Кора земскöй управаöс урчитöм сьöмысь дас
шайтсö сетны ме нимсянь великöй княгиня Елизавета Федоровна
Комитетлөн усть-сысо́льска комиссиялы".

Уездса исправниклы отсасысь Н. С. Одинцов ыстö земскöй упра-
ваö татшöм жö могөн куим шайт.

Чуко́ртöм сьöмсö уездса комиссия кутис казначействобердса сбе-
регательнöй кассаын. 1915 вося кос му (апрель) 1 лун кежлö став
сьöмыс вöлöма 239 шайт 31 көпейка.

Позьö видзöддыны, кызди чуко́ртчывлöма уездса комиссияыс да
мый сэн шулывлöмаöсь шыöдчöмьяс кузя. Со 1915 во рака (март)
26 лунся чуко́ртчылöм йылысь пасйöдьяс:

1. Шыöдчö Кулөмдин вöлөстьясь ратникö босьтöм Василий Матвеев
Тимушевлөн гөтырыс — Евдокия Осипова Тимушева. Сийö вося төв
шөр (январь) 22 лунö сы овмөсысь сотчöма кык пу керка, став эмбур-
нас. Корö отсöг. Шуöмаöсь: крестьянка Евдокия Тимушевалы 1915 вося
кос му (апрель) 1 лунсянь сетны отсöг куим шайтөн төлысь.

2. Шыöдчö Мыеддин вöлөстьясь босьтöм ратник Александр Афа-
насьев Попов, корö отсöг венеч улö сувтлытöм, гижасьтöм гөтырыслы

Анастасия Поповалы да челядыслы: 18 арөса Манефалы, 6 арөса Вассалы, 2 арөса Архиплы, кодъяслы казнасянь отсөг оз полагайтчы.

Комиссия шуис: сетны отсөг Васса да Архип Поповьяслы 2 шайт 93 көпейкаон төлысь 1915 вося кос му (апрель) 1 лунсянь. Гижсьытөм гөтыр Анастасия Поповалы да Манефа нылыслы, кызди уджавны вермысьяслы нин, отсөгын өткажитны.

...4. Шыасьö Висер вöлөстьясь салдатö нуöм крестьянинлөн гөтыр Анна Игнатова Мишарина — аслыс да челядыслы отсöгла. Шуöма: отсöгын өткажитны, сы вöсна мый Мишарины да челядыслы 1912 во лöддза-номъя (июнь) 25 лунся закон серти отсöсö сетöны казнасянь.

5. Шыасьöны комиссиясянь отсöгла салдатö нуöм крестьяналөн гөтырьяс Надежда Ватаманова Вильгорт вöлөстьясь, Анна Изьюрова Пезмөг вöлөстьясь. Шуöма: тöдмавны да чукöртны юöрьяс, кызди найö олоны, уна-ö да кутшöм арлыдабсь челядыныс, сöмын сы бöрын выльысь видлавны да вочавидзны отсöгла шыöдчьяслы.

Отсөг сетöмсö комиссия урчитлис сöмын кутшöмкö кадколаст кежлö. И любöй кадö вермис бөр өткажитны, вежсясны кö кутшöмкö помкаяс.

Уна сьöкыдтор вайис коми войтырлы сэкся германскöй война. Со 1915 вося ода кора (май) 24 лунö уездса комиссия видалö Койгорт вöлөстьяса попечительстволысь шыасьöм. Сэни висьтавьсö, мый Кажым заводьс война вылö нуöм крестьянин Дмитрий Аристархов Бурывулөн кувсис Клавдия гөтырыс да колис сизим төлысья пи Дмитрий, кодöс öнi видзö-вердö пöчыс. Комиссия шуис отсавны тайö пöчыслы öти шайтөн төлысь.

Либö сö нöшта. Уездса комиссияөн юралысь В. Н. Городецкий корö отсавны Зеленеч вöлөстьяса Чукачой деревняын олысь крестьянка Агния Кириллова Лыуровалы, кодi кольöма кык челядён да оло вывтi гöля. А верöсыс война вылын. Шуисны отсавны Агния Лыуровалы 2 шайтөн төлысь. Тайö вöли 1915 вося ода кора (май) помын, а куйм төлысь мысти комиссия бара чукöртчö да шуö дугöдны Агния Кириллова Лыуровалы отсөг сетöмсö. Мыйла? Вöлöмкö, сылөн верöсыс веськалома пленö. Комиссия шыöдчö уездса исправник дорö, медым гусьөн тöдмалас, кызди веськалома пленас Агния Лыуровалөн верöсыс. Эз-ö пö ас вöлясьяс сетчы.

Кызди тыдовтчö, комиссия вель стрöга, ставсö гөгöрбок артыштöмөн видлавлöма отсөг корысьяслысь шыöдчöмъяссö.

1915 вося вöльгым (ноябрь) 25 лунö чукöртчылигөн комиссияса юралысь В. Н. Городецкий кутшöмкö ногөн кыв көрталö вöчöм уджсö. Комиссия панöмсянь чукөрмöма отсөг сетöм вылö сьöмыс 566 шайт 17 көпейка, мый пиысь 200 шайтыс волöма губернияса комиссиясянь. Кольöм кадколастнас салдатскöй семьяслы отсөг вылö видзöма 218 шайт, а 348 шайт 08 көпейка видзсьö пö уездса казначейство бердын сберегательнöй кассаын.

Локтан вонас уездса земскöй управа вичмöдöма отсөг сетан комиссиялы кык сюрс шайт.

Великöй княгиня Елизавета Федоровна Комитетлөн Усть-Сысольск уездса комиссиялөн уджыс, сылөн бур вöчöмторйыс — чужан мулөн кольöм олöмысь öнöдз омöля на тöдмавтöм нöшта öти лист бок.

Журналын йöзöдтöм гижöдъяс

редакция оз рецензируют и авторыслы найöс оз мöдöд

Техн. редактор **В. Напалков.**

Корректор **Е. Панюкова.**

Адрес редакции: 167610, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Сдано в набор 30.12.97. Подписано к печати 28.01.98. Формат 70X108^{1/16}. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1700. Заказ № 16. Регистр. № Ф0095.

АО «Коми республиканская типография», 167610, г. Сыктывкар, ул. Первомайская, 70.

0.70

Индекс 73069

Доныс сёрнитчõм серти.